

Hygieine, sive ars sanitatem conservandi. Poema / [M. Geoffroy (Etienne-Louis)].

Contributors

Geoffroy, M. 1725?-1810.

Publication/Creation

Parisiis : P.G. Cavelier, 1771.

Persistent URL

<https://wellcomecollection.org/works/mnyz39m3>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.


You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>







24,380/B/1


C-II
18/g

+ 34947



Digitized by the Internet Archive
in 2018 with funding from
Wellcome Library

<https://archive.org/details/b30508277>



H Y G I E I N E
S I V E
A R S S A N I T A T E M
C O N S E R V A N D I.
P O E M A.

СУДЕБНАЯ
ДИНАМИКА
СОВЕТСКОГО
ГОСУДАРСТВА

HY·GIEINE
SIVE
ARS SANITATEM
CONSERVANDI.

P O E M A.

*Auctore STEPHANO-LUDOVICO GEOFFROY,
Parisino; Doctore & antiquo Professore
Medico Parisiensi; Regi à Consiliis &
Secretis, &c.*




P A R I S I I S ,
Apud PETRUM-GUILLEMUM CAVELIER ,
viâ San-Jacobæâ , sub signo Lilii aurei.

M. D C C. L X X I.

Cum Approbatione & Privilegio Regis.

БИБЛІОГРАФІЯ
СІК
ДІПЛАТИНА СЯ
КОНСЕРВАЦІІ
АМЕОЯ






DILECTISSIMO COLLEGÆ
ANNÆ-CAROLO LORRY,

DOCTORI MEDICO PARISIENSI.

GRANDIBUS auspiciis gaudent prodire libelli,
 Magnaque turgenti nomina fronte gerunt.
 Nec meus hic tenuis tanto fraudetur honore,
 Atque ferat nomen liber, Amice, tuum.
 Me sincerus amor primis tibi junxit ab annis,
 Sis mihi Mæcenas, sis & Apollo mihi.
 Cur mea magnatum fulgerent nomine scripta,
 Quos turpi obsequio plurima Musa capit?
 Non ego fortunæ cupio captare favores,
 Nec titulos mea mens ambitiosa cupit.
 Tempore at a longo tecum, carissime Lorry,
 Dulcis amicitiæ suavia vincla colo.
 Accipe sinceri præsentia pignora cultûs,
 Pignora parva quidem, non mihi parvus amor.
 Quid referam variâ tua mens ut dote refulget,

Utque Machaoniâ sedulus arte vales?
 Inlyta quid tenui memorem tua carmine scripta,
 Sæpe peritorum scripta terenda manu?
 Jamque Melancholico nimiūm mærore gravatus
 Per tua scita valens, accipit æger opem,
 Quâ ratione gravi ventris concocta labore
 Vires restituant pabula, ritè doces.
 Oedipus Hippocratis divina oracula pandis,
 Fulgentique fenis dogmata luce nitent.
 Lance novam frustra tentat Sanctorius artem
 Promere, scrutantem fallit iniqua bilanx;
 Nutantem rectâ firmas ratione bilancem,
 En obscura novo lumine scripta nitent.
 Cætera quid memorem? major fit maximus Astruc,
 Ipsî dum calamum tradis, Amice, tuum:
 Et mea languerent neglecto carmina versu,
 Ni musam velles sæpe juvare meam.

S. L. GEOFFROY, D. M. P.





MONITUM AUCTORIS.

DIVERSAS inter Artis Medicæ partes insignem obtinet locum Hygieine , quæ de Sanitate tuendâ , vitâque producendâ tractat. Imo si mortalibus multo magis jucunda meritò videtur ars illa , quæ morbos futuros præcavet , quâm ea quæ factos curat , cæteris fere omnibus Medicinæ partibus antecellit Hygieine. Hæc autem præcipue versatur circa res , quæ homini *non naturales* dicuntur , & quarum usu vel recto vel perverso stat aut infringitur Sanitas. Res illæ sex a Medicis numerari solent. 1°, Aer: 2°, Cibūs & Potus : 3°, Motus & Quies : 4°, Somnus & Vigilia : 5°, Excreta & Re-tenta : 6°, Animi Pathemata sive affectus ; quæ omnia corpus humanum variè possunt afficere. Id autem docet Hygieine ut harum rerum ita dirigatur actio , ut debilis corporis humani fabrica varias inter imminentes undique procellas sarta tecta servetur.

vij MONITUM AUCTORIS.

Utilem igitur hanc Medicinæ partem ,
nec minùs Sanitatis cupido quam Me-
dicis necessariam , diffici poeseos cultu
ausus sum adornare , ut scilicet grato tecta
carminis stylo præcepta altius sese possint
insinuare. Arduum quidem Opus & eo ma-
gis difficile , quòd abnuere poeseos lepores
præcepta Medica videantur , & aliunde in
tam aspero & invio tramite paucos habue-
rim antecessores. At me de Republicâ Me-
dicâ non malè mereri sum arbitratus , si in
hoc opere confiendo tempus illud consu-
merem , quo propter Artis nostræ negotia
per turbis vias & compita fastidiosè devehor ,
& tædia viarum jucundo Musarum studio
fallerem. Quod si aliquid exinde & humano
generi affertur utilitatis , & Arti accedit
ornamenti , maximum laboris præmium exis-
timaverim.



A P P R O B A T I O N.

JAI lu par ordre de Monseigneur le Chancelier un *Poème Latin excellent sur l'Hygiène*, ou *l'Art de conserver la Santé*; je n'y ai rien trouvé qui pût en empêcher l'impression. A Paris le 23 Août 1771.

VERNAGE.

P R I V I L E G E D U R O I.

LOUIS, par la grace de Dieu, Roi de France & de Navarre : A nos amés & fáaux Conseillers les Gens tenant nos Cours de Parlement, Maîtres des Requêtes ordinaires de notre Hôtel, Grand-Conseil, Prévôt de Paris, Baillihs, Sénéchaux, leurs Lieutenans Civils, & autres nos Justiciers qu'il appartiendra. SALUT. Notre amé le Sieur ETIENNE-Louis GEOFFROY, Docteur en Médecine, Nous a fait exposer qu'il désireroit faire imprimer & donner au Public un Ouvrage de sa composition intitulé : *Hygiène sive Ars sanitatem conservandi, Poëma*; s'il Nous plaïsoit lui accorder nos Lettres de Privilege pour ce nécessaires. A CES CAUSES, voulant favorablement traiter l'Exposant, Nous lui avons permis & permettons par ces Présentes, de faire imprimer ledit Ouvrage autant de fois que bon lui semblera, & de le faire vendre & débiter par-tout notre Royaume, pendant le temps de six années consécutives, à compter du jour de la date des présentes. Faisons défenses à tous Imprimeurs, Libraires, & autres personnes, de quelque qualité & condition qu'elles soient, d'en introduire d'impression étrangere dans aucun lieu de notre obéissance; comme aussi d'imprimer, ou faire imprimer, vendre, faire vendre, débiter ni contrefaire ledit Ouvrage, ni d'en faire aucun Extrait, sous quelque prétexte que ce puisse être, sans la permission expresse & par écrit dudit Exposant, ou de ceux qui auront

droit de lui , à peine de confiscation des Exemplaires contre-faits , de trois mille livres d'amende contre chacun des contrevanants , dont un tiers à Nous , un tiers à l'Hôtel-Dieu de Paris , & l'autre tiers audit Exposant ou à celui qui aura droit de lui , & de tous dépens , dommages & intérêts ; à la charge que ces Présentes seront enregistrées tout au long sur le Registre de la Communauté des Imprimeurs & Libraires de Paris , dans trois mois de la date d'icelles ; que l'impression dudit Ouvrage sera faite dans notre Royaume , & non ailleurs , en bon papier & beaux caractères ; conformément aux Réglements de la Librairie , & notamment à celui du 10 Avril 1725 ; à peine de déchéance du présent Privilege ; qu'avant de l'exposer en vente , le Manuscrit qui aura servi de Copie à l'impression dudit Ouvrage , sera remis dans le même état où l'Approbation y aura été donnée , ès mains de notre très-cher & fidèle Chevalier , Chancelier Garde des Sceaux de France , le sieur DE MAUPEOU ; qu'il en sera ensuite remis deux Exemplaires dans notre Bibliothèque publique , un dans celle de notre Château du Louvre , & un dans celle dudit sieur DE MAUPEOU ; le tout à peine de nullité des Présentes : du contenu desquelles vous mandons & enjoignons de faire jouir ledit Exposant & ses ayant cause , pleinement & paisiblement , sans souffrir qu'il leur soit fait aucun trouble ou empêchement . Voulons qu'à la Copie des Présentes , qui sera imprimée tout au long au commencement ou à la fin dudit Ouvrage , soit tenue pour duement signifiée , & qu'aux copies collationnées par l'un de nos amés & feaux Conseillers-Sécrétaires , foi soit ajoutée comme à l'Original . Commandons au premier notre Huissier ou Sergent sur ce requis , de faire pour l'exécution d'icelles tous Actes requis & nécessaires , sans demander autre permission , & nonobstant clamour de Haro , Charte Normande , & Lettres à ce contraires . Car tel est notre plaisir . DONNÉ à Paris le douzième jour de Septembre l'an de grâce mil sept cent soixante-onze , & de notre règne , le cinquante-septième . Par le Roi en son Conseil .

Signé , LE BEGUE.

Registré sur le Registre XVIII. de la Chambre Royale & Syndicale des Libraires & Imprimeurs de Paris , N°. 1698.

fol. 546. conformément au Réglement de 1723. qui fait défense art. 41, à toutes personnes de quelque qualité & condition qu'elles soient, autres que les Lib. & Impr. de vendre, débiter, faire afficher aucun livre pour les vendre en leurs noms, soit qu'ils s'en disent les auteurs ou autrement, & à la charge de fournir à la susd. Chambre neuf Exemplaires, prescrit par l'art. 108 du même Réglement. A Paris ce 22 Août 1771.

Signé, L E C L E R C. Adjoint.

HYGIEINE.



HYGIEINE
SIVE ARS
SANITATEM CONSERVANDI.
P O E M A.

LIBER PRIMUS.

D E A E R E.

INClyTA Mœonio celebrent certamina cantu,
Intrepidosque heroum animos & bellica facta,
Queis manibus spargens plenis sua munera Phœbus
Os sublime dedit, finxitque ad grandia vocem:
5 Phyllidis iratæ rixas, & dulcia amantum
Furta, Syracusiam Mopsus moduletur avenâ;
Plaudet amor, plaudent repetito Mœnala cantu,
Utiliora cano. Audacem per inhospita Pindi

315 A

Culmina , per loca Parnassi priùs avia , raptar
 Veræ laudis amor ; facili medicaminis Arte
 Abdita nascentis rescindere semina morbi
 Fert animus , tutamque hominum producere vitam.

10

Tu Cytharâ telisque potens , qui sœva minantem
 Exitia , & latè populos terrore moventem
 Fudisti certâ victum Pythona sagittâ ,
 Mortiferum infesto ne spargeret ore venenum ,
 Adsis , Phæbe pater ; Nam te Medicina parentem
 Diva suum jactat , mixtâque potentibus herbis
 Incedis cinctus juvenilia tempora lauro ;
 Adsis ô , placidoque inspira Numine Vatem ,
 Suaviùs ut præcepta fluant , captique lepore
 Arripiant homines Parnassi e Nectare verum.
 Et tu , quem Stygias olim detrusit in umbras
 Juppiter , iratâ conquassans fulmina dextrâ
 Irrita , namque Deum venerantur poplite flexo
 Orantes populi , venias pater & decus artis
 Phæbigena , & nostris faveas Epidaurie cæptis.
 Vos quoque , qui tristes ægro de corpore morbos
 Pellitis , illustres Medici ; post longa laboris
 Tædia , si meritæ dantur nonnulla quietis
 Tempora , carminibus placidos advertite vultus.

15

20

25

30

Divisio to-
tius operis.

QUALIS conveniat variis mortalibus aerbus !
 Hinc mihi principium est ; tūm sese ex ordine
 paudent

- Omnia quæ vitæ varios inferre tumultus ,
 35 Aut sedare queant ; ventri quæ fercula prosint ,
 Qui latices ; quantum moderato corpora motu
 Exercere juvet ; recreanti tempora somno
 Quæ tribuat , vigiles quas natura imperet horas ;
 Humores inter sanum quos pellere corpus ,
 40 Sistere quos valeat ; quantumque Pathemata mentis
 Lædere vel possint , vel læsis reddere vires .

SPLENDIDA marmoreis niteant tibi tecta columnis ,
 Purpureo jaceas strato , milenaque terræ
 Jugera fæcundis tua messibus horrea rumpant ;
 45 Sis famâ , titulisque potens , summoque superbus
 Imperio , excelfo sedeas in vertice honorum
 Inter adorantûm plausus , turbamque clientûm ;
 Quid juvat ! infirmo languent si corpore vires ,
 Atque effœta suo se pondere victa resolvit
 50 Machina , nec sensu pollens , nec motibus apta .
 Non tamen ulla manet trepidæ prudentia menti :
 Sed Syrtes inter circumstantesque procellas
 Stertimus incauti , vel in ipsa pericula mortis
 55 Præcipites ruimus ; Canibus velut undique pulsa
 Involut in ferrum , & proprio fera concidit ictu .
 Nam premit infenso mortales agmine morbus ,
 Fallaces epulas inter , jucundaque Bacchi
 Pocula , castra locat , volitansve per aera torquet
 Perfida tela manu ; somnus si membra resolvit

Argumen-
tum primi li-
bri.

Attentus vigili meditatur vulnera dextrâ. 60

Quem facilè vinces justo moderamine rerum;

At si ferventes spretâ ratione sequaris

Affectus animi, subitò ruit impiger hostis,

Et quæcumque vides circumdare corpora, vitæ

Subsidium, hostilis fiunt jam spicula morbi. 65

Hæc inter numerosa, orbi circumfluus aer

Præcipuas agitat partes: nam quidquid in orbe

Vivit, & æthereâ vivendo vescitur aurâ,

Seu céleri volitans cursu fecet aera penitus,

Sive per immensi piscis natet æquoris undas, 70

Quadrupedumve genus, squammosaque pectora
volvens

Lubricus ad terram coluber, genus omne ferarum,

Indiget aerio flatu, metuendaque mortis

Limina jam pulsat, si deficit aeris usus.

Inde vias faciles, teneræ spiracula pellis

Perpetuò premit incumbens, & pervia vasa 75

Ingreditur tacitè, vasisque receptus apertis,

Intima pervadit loca corporis, exerit intus

Multigenas vires, humoribus additus aer.

Altera pars inclusa cibis per guttura præceps

Truditur in ventrem, & motu quassata perenni,

Per varios flexus cum chylo ad pectora fertur.

Tertia adhuc superest rectissima semita pulmo:

Semper enim vivo manans dum corpore sanguis

Artibus infundit vitali rore calorem, 85

Excipit æthereos flatus, redditque vicissim
 Alterno peragens motu sua munia pectus.
 Viribus hinc magnis clausus pulmonibus aer
 Sanguineum subigit laticem, rutiloque colore
 90 Inficit, unde novâ nitidus redit ille juventâ.
 Sic triplicem natura viam concessit ut aer
 Corporibus sese insinuet, sic firma salutis
 Exoritur virtus, numerosave turba malorum.

MUSA mihi memora tenui quid in aere lœdat,
 95 Quid juvet: unde premens toto gravis Athmos-
 phæræ
 Pondere, nunc levior, gravior nunc, pectora mole.
 Offendat variâ; nimio quid torridus æstu,
 Brumalive gelu rigidus; quid siccus, & undâ
 Turgidus; aut Zephyris Boreâque agitatus & Euris
 100 Efficiat; quantùmque infestæ tetra Mephitis
 Effluvia, horrendam spargant in corpora labem.

Divisio pri-
mi libri.

DUM stabili terras primùm libravit in axe.
 Cœlicolum rector, totum circumdedit orbem
 Tegmine materiæ tenuis, quam cernere visu
 105 Mortales nequeant, manibus neque tangere possint.
 Non incerta tamen, multis nam prodita signis
 Noscitur, & simili cum terris vortice raptâ
 Exequitur varios ipsis circumflua motus:
 Seu circa proprium tellus versatilis axem
 A: iiiij

Gravitas
aeris.

Luminis & tacitæ disjungat tempora noctis ; 110
 Annua seu solito percurrente tramite signa ,
 Dividat æquatum bis senis mensibus annum.
 At quæ causa vagum potuit sic figere terris
 Aera , ut æternum concordia fœdera servans
 Tot docilis cursus nunquam renovare recuset ? 115
 Hoc tantum gravitatis opus : namque omnia nisu
 Corpora congenito pelluntur ad intima terræ
 Viscera , & adversâ si obstacula mole liceret
 Vincere , jam peterent orbis magno impete centrum.
 Inde vides valido pulsu projecta per auras 120
 Viribus amissis incæptum vertere callem ,
 Rursus & accreto motu procumbere saxa.
 Nec propria est solidis gravitas : gravitate potiri
 Fata sinunt fluida ; æquato sic sustinet aer
 Pondere mercurii varias undæque columnas. 125
 Quæ tamen indiciis gravitas manifesta patebat ,
 Antiquos latuit ; vacui tunc irritus altè
 Mentibus hærebat fixis radicibus horror.
 Insani ! Quid enim vacuum producere posset ?
 Cum sit inane nihil , vanum sine corpore nomen. 130

HEROUM alma parens , Musis gratissima tellus
 Itala , tu primum naturæ arcana recludis ,
 Attonitasque novo perfundis lumine mentes.
 Ecce reluctantes aspirat dum antlia lymphas ,
 Obstupet in medio consistere rusticus undam , 135
 Hancque pedes quater octonus superare , nec ultra

Scandere , quantumvis geminaverit embolus hauf-
tum.

Jamque Galilæi celebris Toricellius arte
Prodigii causas attentâ mente revolvens :
140 Ecquid , ait , vacui fixo concluditur horror
Limite , nec vacuum deinceps natura veretur ?
Dixit , & ex animo pellens malè credita , rerum
Jam nova miratur mysteria , jam aera noscit
Esse gravem , & solâ evectos gravitate liquores
145 Pondere pro vario ad varios se sistere fines.
Nec mora ; splendenti vitreum replet ille canalem
Mercurio , rapitur suspensi massa metalli ,
Septenoque quater superato pollice , eamdem
Itque reditque viam vibrans & mole suâ stat.

150 NUNTIA fama volat , totumque vagata per orbem
Doctorum resiles animos exfuscat ultrò.
Jamque ad felices regnant ubi lilia terras
Venerat : hîc primùm Stagiræi jura parentis
Naturâ monstrante viam Carthesius heros
155 Funditus eruerat ; sublimi hîc arte valentes
Ingenioque viri , Gallorum gloria gentis
Inclyta , certatim causas evolvere rerum
Auspicio tentant magnis , totamque tribunal
Ante suum , sese naturam sistere cogunt.
160 Vix micat Italicis delatum lumen ab oris ,
Vixque novos rutilans radios per Gallica regna

Intulit ; Ausonio nascens e lumine verum
 Paschalius , falsi expulsâ caligine , primus 165
 Mente videt ; divino evectus acumine mentis
 Paschalius , nimiùm celeri quem funere raptum
 Abstulit atra dies , animoque elusa senili
 Credidit esse senem , crudeli mors pede pulsans.
 En volat , armatusque tubo Pererius alta
 Culmina , queis feriunt Arverni sydera montes
 Paschalius suadente petit , dumque ardua montis 170
 Per juga conscendens , superas se tollit in auras ,
 Fertur ad ima tubi , adverso liquor ordine motûs.
 Scilicet æthereæ major mensura columnæ
 Detrahitur , quantùm superat mons vertice terras :
 Pars oneris cessat , minùs & compressa liquoris 175
 Massa cadit , tamen æquato non illa procumbit
 Ordine , servat inæquales proportio passus.
 Aere nam supero graviter compingitur aer
 Inferus , aeriæ pars hinc extrema columnæ
 Densa magis , levior quæ sese tollit ad astra. 180
 Hinc fit ut , infernæ sublato pondere partis ,
 Præcipuum tollatur onus , præcepsque feratur
 Mercurii moles , cuius (licet illa gradatim
 Tollatur simili super ardua culmina motu)
 Deinde solet magis atque magis decrescere lapsus. 185

Elaterium
seris.

DUM cumulos auri fossâ tellure requirit ,
 Exercet que solum vanâ spe lufus arator ,

Legisse immensas pro munere fertur aristas ;
Sic mortale genus , scrutatur dum intima rerum ,
190 Præmia sæpe legit nunquam quæsita laboris.

Aeris ut primùm vulgi pervenit ad aures
Cognita vis , quisque æthereos expendere flatus ,
Et versare tubos manibus , variosque liquores
Volvere ; tantùm mens rapitur novitatis amore !
195 At dum mille modis versatur mobilis aer
Et premitur , resilit citus , injectasque catenas
Excutit indignans , & rupto carcere liber
Detonat , horribili fremitu data vincula solvens.
Aeris hinc virtus nova cognita , nam impete facto
200 Corpora restitui nequeunt compressa , nec arcta
Queis constringuntur perrumpere vincula nisu ,
Nî teneant intus conclusum elastica robur.
Sic pressus , toto aeriæ cum pondere massæ
Tentat in adversos aer se expandere motus :
205 Quò magis hunc arctè cogas , magis ampla resul-
tans

In spatha erumpit , tantoque repagula frangit
Impetu , ut horrificas magno cum murmure glandes
Projiciens , valido munimina diruat iætu ,
Intentetque necem ; mortalia corda pavore
210 Sternuntur subito , nec tantùm dextra Tonantis
Fulgura conquassans & fætum mortibus ignem
Terruit aut campos , aut murmure miscuit æquor.
At globus immensis prorumpit viribus , alas

Fulminis atque noti rabiem prævertit, & ipso
 Ocyor adventat sonitu; Balearica cedant 215
 Torta manu saxa, aut rapidæ vertigine fundæ,
 Et celeres, Partho missæ fugiente, sagittæ.
 Heu! Malè per campos diris occurritur armis,
 Nam miseris via nulla fugæ, via nulla salutis
 Linquitur, at longè vento velut acta per auras 220
 Vita fugit, nostris tantum res bellica crevit
 Temporibus, tantum scelerique datumque ruinæ!

Effectus gra-
vitatis & elas-
terii.

AT quæ sanguineas hominum mens vertit ad
 artes,
 In nova Pæonio vertuntur commoda jussu,
 Atque salus orta unde sibi mors regna parabat. 225
 Dum stupet attonitis oculis, turba infacia, vulgus,
 Prodigiumque novum suspensis auribus haurit;
 Dumque novas artes successu animosior ipso
 Lustrat turba virūm, queis pectore fixus in imo
 Suadet laudis amor longosque novosque labores 230
 Affiduis iterūm sudoribus exanthlare;
 Utilior vigiles animos & corda medentūm
 Gloria sollicitat, gravitas num corpora possit
 Lædere, num tetris præbere exordia morbis.
 Plaudite mortales, merces haud vana laboris. 235
 Pondere si gravior terras premit incumbenti,
 Viribus aut nimiis aer elasticus urget,
 Urget & interno latitantes corpore flatus,

Nec facili humores patitur procedere passu.

240 Interior namque humano concluditur aer
Corpore , qui solidis arctoque liquoribus hærens
Connubio , simili rapitur cum sanguine cursu ,
Commixtusque subit cunctos per vasa recessus.
Ille quidem adversis externo cum aere librans

245 Viribus , æquatam solet affectare quietem ;
Si vero exterior nimio se pondere tollit ,
Interior cedit majori mole gravatus.

Inde coarctantur tubuli , pressique liquores
Jam solitos facilè nequeunt absolvere cursus ,
250 Ast iter abrumpunt , mediisque meatibus hærent.

Angustantur enim toto reptantia vasa
Corpore ; tūm manifesta cutis rorantia textum
Agmine multiplici , tūm quæ latitantia dulces
Visceribus fundunt , vitalia pabula , succos ,

255 Et quæ pulmonum tunicas , tenuesque loborum
Plurima membranas sinuosis retibus ornant.

Sic totum vexant corpus tormenta doloris ,
At primū premitur subtilis machina Pulmo.
Pulmones etenim cingant cùm millia vasa

260 Parvula , quæ solo nequeas dignoscere visu ,
Sistitur angusto tardatus tramite sanguis
Nec finit impositâ referari pectora mole.
Pectoris hinc oritur gravitas , animamque trahendi
Difficilis labor , & validis conatibus Asthma.

ATTAMEN hæc gravitas tantos inferre dolores 265
 Nunquam mole potest , ægris mortalibus instans ,
 Pondere nî immenso terras onerosa jacentes
 Opprimat , effrænisque incumbat viribus orbi :
 Quin contra ad nimium si non devenerit usque
 Summa gradum , valet effætas accrescere vires , 270
 Et fano validum firmare in corpore robur.
 Nam velut adductis constricto fluminis alveo
 Marginibus , rapidis volvuntur fluctibus undæ ,
 Et citius celeri perstringunt agmine ripas :
 Haud aliter justo constrictis pondere venis ,
 Præcipiti vehitur citius pede , cunctaque sanguis 275
 Vasa subit , fæcundo irrorans nectare partes.
 Hinc fit ut implicitos , sua secernicula , nodos
 Confertim subeant , facilique à sanguine motu
 Secedant variâ distincti mole liquores.
 Roboris hæc prima est , hæc prima salutis origo .
 Quotquot enim impuras verrunt è corpore fordes
 Promptius humores oblata per ostia pellunt.
 Haud secus undarum sinuosis flexibus errans
 Continuo flumen vehitur dum tramite , fordes 285
 Hinc inde ad ripas udi inter graminæ prati .
 Rejicit , illimis vitreo micat unda nitore :
 At juncos inter stagnans immota palustres ,
 Tardave proreptans ignavis motibus unda ,
 Putri fæta situ , nigroque infecta colore 290

Sæpe venenatam diffundit tetra Mephitim.

Nec minus interea, motu crescente liquorum,
Crebrius anfractus cerebri sinuosaque vasa
Jussus adire crux, vitalibus irrigat undis.

- 295 Hic sedes animæ, hic solium natura locavit,
Quo velut excelsâ late spectaret ab arce.
Hic & Dedaleo nexu, de sanguine puro
Purior unda fluit, celeri quæ concita motu,
Nervorumque levis devecta canalibus, omne
300 Corpus alit, partesque movet, diffusa per artus
Perque oculos, sensusque omnes, per viscera
cuncta,
Vitalemque parit diffuso rore vigorem.
Sed cerebri tractus, nervosique organa succi
Dives abundantia sanguis dum mole salutat;
- 305 Copia dimanat liquidi magis ampla, benigno
Viscera turgescunt succo, totumque valenti
Rore madens, valido firmum stat robore corpus.
At simul aeriam, quam cingitur undique, mole
Fibrarum validè compages pressa, coarctat
310 Sese, contactuque arcto nova robora sumit.
Telorum veluti densum glomeratus in orbem
Et circumducto nexu constrictus acervus,
Robore quem nullo poteris, non viribus ullis
Rumpere, dum facili resolutis fascibus ictu
315 Singula dissiliunt: gravis ergo sæpe salubres
Procreat effectus pacatis flatibus aer.

Aspice Mercurium tenui quem vitrea ductu
 Fistula concludit; petit en gravitate propulsus
 Summa tubi, purusque nitet sine nubibus æther:
 Quàm faciles auras mortalia pectora spirant! 320
 Quæ levitas membris! qualis vigor! intima cunctis
 Visceribus virtus crescit, renovata videntur
 Corpus uti mens ipsa novas assumere vires

Aetis levitas & ipsius effectus.

Si contrà vitro inclusus se trudat ad ima
 Mercurius, leviorque minùs jam comprimat aer, 325
 Opposita effectus diversos causa parabit.
 Ac velut æthereum crescit dum pondere robur,
 Accelerant solitos cursus per vasa liquores,
 Additur & virtus solidis; sic tarda liquorum
 Ignavo moles sensim molimine serpit, 330
 Debita si gravitas absit; vix pigra moventur
 Corpora, & effectis languescunt viribus artus.
 Nonne vides æquo pendentem pondere libram;
 Quàm tranquilla manet! massæ nunc detrahe par-
 tem,
 Quantula sit, turbata quies, defertur in altum
 Altera lanx, celeri præceps ruit altera casu. 335
 Haud secus externo internus præponderat aer
 Aere, dum gravitas sua deficit Athmosphæræ.
 Jamque incumbenti sublato compede, liber
 Profilit, impulsu spatium sibi cudere tentans
 Majus; inæquali luctantur robore vasa, 340

Frustrà , debilibus vincuntur inertia fibris.

Hinc tumidæ inflato turgescunt corpore venæ ,

Sanguis & assuetis haud pressus viribus , ægrè

345 Procedit , nequitque moras , gravidusque faburræ

Infarctu , extremis vasorum in finibus hæret.

Felix heu numerosam inter sœvamque malorum

Congeriem mortale genus , si viscera tantum

Concuteret leviùs , nunquam penetralia vitæ

350 Intima dilacerans , lethum minitata procella.

At tu , spiramentum animæ , quod nulla quietis

Nulla moræ noscis duro intervalla labori ,

Perpetuo inspirans , aut efflans aera nisu ,

Præcipuos toleras truculenti turbinis ictus.

355 Scilicet interno tumefactus ab aere sanguis

Ad teneras partes , magis & cedentia vasa

Irruit , exundanti oneratur sanguine Pulmo.

Viribus ille quidem collectis tentat anhelans

Pandere se , impositamque sibi depellere molem ;

360 Motûs causa deest , levior non sufficit aer.

Æstuat interea valido crux impete pulsans ,

Et rupto insolitus referat sibi parjete callem.

Sublimi fessus surgit dum monte viator ,

Sentit inexpertâ sua pectora mole gravari ,

365 Aeriæ levitatis opus ; mox montis in alto

Vertice spumosum trepidus sputet ore cruxrem :

Et quos summa super miseros natura locavit

Culmina , languentes quām creber anhelitus urget !

Dum phtisicâ lentè consumptis tabe , cupitum
Serior attulerit finem Libitina malorum.

Tu quem sollicitat servandæ cura salutis ,
Hoc teneas amino , Ne QUID NIMIS ; elige sedem
Quam nec in extremâ nimium gravis opprimat aer
Valle , nec excenso præruptam culmine montis
Aeris optato defraudet munere cælum .
Aut tibi si errandum , saltem levioribus erra
Delictis prudens , graviorque arrideat aer.

370

375

380

385

390

Calor &
frigus.

NEC satis est legisse locum , certamque quietem
Jam positâ sperasse domo , si sævior urat
Interea calor , aut spiculis glacialibus intus
Insinuent sese spirantes frigora venti .
Quid calor & gelidæ præstent quid frigora brumæ
Phæbe pater doceas , tibi nam concessa potestas
Flatibus igniferis campos torrere jacentes ,
Siccave brumali glacie constringere prata .
Vix nostras etenim directo lumine terras
Aspicis , & toto incumbens complectaris orbe ;
Vitales spargis radios , quos læta capessit
Fæcundo natura sinu , flammisque pererrans
Corpora , mens velut internos diffusa per artus .
Inde calore novo reseras genus omne vaporum ;
Seminaque expansis tumefacta liquoribus orbem
Florenti decorant cultu , fractumque labore
Agricolam oblato solantur pignore messis .

Nec

395 Nec minus ut primum Zephyris spirantibus aura
 Verna, novas frondes, & molles extulit herbas,
 Jam pecudes, armenta, feræ, genus omne ani-
 mantum

In venerem flamasque ruunt, calor omnibus idem;
 Urget amor stimulis, telisque potentibus urit,
 400 Effictum reparans corpus, viridemque juventam
 Insinuans; teneros cantu modulatur amores
 Alituum lasciva cohors, piscesque sub undâ
 Concipiunt molli succensam pectoreflammam.

At contra obliquo decedas sydere, tellus
 405 Contrahitur, viridi sylvæ spoliantur amictu,
 Horrescunt concreta gelu glacieque rigenti
 Flumina, & ignavo torpet natura veterno.
 Tristia tunc latebris sylvarum animalia languent
 Abdita, tunc ovibus duplicat sua vellera, pennas

410 Algeris natura parens, & frigora tentant
 Impositis igni mortales pellere lignis.
 Aeris alternum, solo sic judice sensu,
 Noscimus experti frigus variumque calorem;
 Sæpius at sensus fallax, eademque calenti

415 Frigida sunt, quæ tu gelidus ferventia censes.
 Tu quem naturæ nudos ratione recessus
 Explorare juvat, nimiùm ne crede calori,
 Consule thermometrum, rerum tibi vera resolvet.
 Italus hanc magicam Sanctorius extudit artem
 420 Primus, & ardenti replevit vase liquore:

Ille tubo inclusus , calidam vix percipit auram ;
 Admisso sensim rarescit turgidus igne ,
 Arduus & scandit , gelido dum labitur infra
 Frigore densatus , tubuloque reconditur imo.
 At Medicum vix hæc speculandi gloria tangit , 425
 Non ea conveniunt afflictis otia rebus :
 Machina sed sensu regitur , qui solus habenas
 Temperat , atque illam laxat vel compede vincit.
 Aspice Hyperboræis Lybiæ quantùm arva Gelonis
 Diversâ distent facie , discriminè quanto 430
 Et varient terræ , varient & cuncta animantûm
 Corpora. Si primùm sítientes visimus Afros ,
 Succensus nimiùm sanguis , blandoque liquore
 Acrior , exhausto nigrantia membra calore
 Alluit , ulteriusque novâ nigredine tingit. 435
 Inde brevi solidæ siccantur tempore partes ;
 Tenditur , & nimiùm succis orbata labascit
 Fibrarum fragilis moles , solitique laboris
 Impatiens , subitam accersit resoluta senectam.
 Ingenii natura quidem , & vis insita menti 440
 Vividior , levius corpus , celerique sagittâ
 Mobilius , solitum cursu prævertere Cervos.
 Subtiles etenim nervi , nervisque ministrat
 Subtiles acri sanguis de fonte vapores.
 At quid naturæ miseris hæc munera prosunt ? 445
 Quæ vitæ series nimiùm contracta rependit.

TUTA magis , non ipsa tamen discriminis expers,

Quæ propior tellus glaciali subjacet arcto.

Hic cutis immitti validè constricta rigescit.

450 Frigore , non falsæ exsudant è corpore sordes.

Colluvie gravis inde crux , putrique saburrâ

Vapidus , ignavo reptat per viscera motu.

Quid ! quod & Arctoo stringantur ab aere vasa

Concretosque negent admittere pressa liquores.

455 Heu ! quot languores misero de fomite surgunt ,

Morborum quam immensa cohors ! obstructa crux

Semita , dirus hydrops , scirrus , chronicique tumores ,

Et lymphæ vitium , & morbi squallore feroceS.

At vos prospexit vultu natura benigno ,

460 Felices terræ , queis blando mixta calore

Frigora , & æquali concessit tempora cælo .

Felix ante alias , altrix fæcunda virorum

Gallia , dives opum , cui mollia floribus arva

Rident vere novo , gravidus cui culmus aristis

465 Æstivos decorat menses , Autumnus & uvas

Exprimit , unde nitent generoso pocula Baccho ,

Nec gravior desævit Hyems , spes proxima Veris .

Si te non nimiis succedit Sirius ardor

Ignibus , & nigro non civibus ora colore

470 Tingit ; si glacie tua non premit arva rigenti ,

Horrida nec spargit Boreas tibi frigora flatu ;

Tu tamen hybernicque gelu , æstivique caloris

Alternas ne sperne vices : famosa frequenti
Funere tempestas cælum , cui mobile fulget.

Oppositis mutamur enim , mutatur & omne
Terrigenum corpus ; glacie perfusus & igne
Succensus rapido lapis ipse resolvitur , Alpes
Annibal ardentes fregisse refertur aceto.

At tenerâ corpus constans compagine , quantùm
Sentiet adversos incerti temporis ictus !

Namque ubi præcipiti motu variabile cælum
Densat erant quæ laxa modò , & quæ densa relaxat ,
Tunc aliena subit tenuatus in ostia sanguis ,
Illaque vel rumpit , vel inerti mole fatigat :
At strictura gravis subito si frigore fibras

Impulerit , tunc nulla datur remeare potestas ,
Incubitque mali vix eluctabile telum.

Morborum inde vides sobolem prodire quot annis
Immensam , inde simul sunt & sua cuique malorum
Agmina tempestati , anni quæ tempora signent.

475

480

485

490

ASPICE cum rutilans verno se frondis honore
Extulit , & tepidas Zephyris famulantibus auræ
Alma parens sensit tellus , splendore corusco
Ut tristes hyemis sol victor discutit umbras ,
Sopitosque diù naturæ exfuscat ignes.

Attamen immiti vix unquam falce trucidat
Tot Libitina viros primævo in flore juventæ.
Scilicet hyberno concretus frigore sanguis

495

Ignibus admissis citius rarescit, & altam.

500 Visceribus labem repetitis ictibus infert:

Seu caput oppugnans, cerebri mollissima vasa

Obstruat, unde maligna febris, fallaxque veterus,

Defectusque animi & nimium furibunda Phrenitis:

Seu rapido pulsus defessa ad pectora motu

505 Concutiat siccâ pungens præcordia tussi,

Vasaque disrumpens crudeli tabe peredat:

Sive per anfractus ventris, stomachumque, jecur-
que,

Vesicam & renes, metuenda incendia spargens,

Mortiferis tentet flammis depascere corpus.

510 AT frugum genitrix meliori nascitur ætas

Sydere, si levibus ventis perflata, vapores,

Quos putris è gremio tellus educit in altum,

Spargit, & urentis mulcens incendia Cancri,

Non sinit effluxus segni stagnare quiete.

515 Fulmina, quæ, venti violento turbine rapta,

Terrificant animos & inania murmura miscent,

Non sine consilio vibrat natura; benigno

Frigore perfundit calidum nimis aera ventus,

Halitibusque gravem totam movet Athmosphærā.

520 FRIGUS & effætæ revehunt infesta senectæ

Tempora, tristis hyems, ancepſque Autumnus;
hiantes

Stringuntur tubuli pellis ; coguntur & intus

Tot variis pellenda viis excreta ; croris

Concrescit lento moles tardissima gressu.

At juveni , valido pulsat cui pectora sanguis

Ictu , & tenduntur robustis membra lacertis ,

Interea crescunt vires , partimque retentis

Quæ facilè exhalant vegeto de corpore , robur

Additur , atque calens decedit ad intima virtus.

SIC nocet acre gelu , sunt & sua damna calori ;

Tu sapiens extrema cave : si flammeus ardet

Phæbus , & exsiccat fitientes Sirius agros ,

Depressi pateant adverso Sole Penates ,

Sparge domum lymphis , plenæque liquoribus urnæ

Mollibus exultent herbis , Malvâque virenti ,

Et tenui Lactucâ , queis comes additur uda

Populus , humescensque Ebulus , frondesque Salignæ ,

Et quot in umbrosâ stirpes tellure virescunt.

Mitigat urentem manans è frondibus humor

Aera , jucundis perfundens roribus aulam.

At focus assiduâ lignorum mole coruscans ,

Et mediis Phæbi radiis obversa fenestra

Frigoris hyberni glacialis spicula pellent.

Non tamen ardenti semper conclusus in aurâ

Sollicitus turpi fugias formidine frigus ;

Sperne gelu juvenis , Cælo firmantur aprico

Membra , foco licet assideat tremebunda senectus ,
Aut propiore petat terras sub sole jacentes.

JAMQUE vides nimios calidi gelidique rigores
550 Aeris , oppositas cohiberi posse per artes.

Humiditas.

Nunc tibi debellanda lues venit altera , tantò
Terrigenis gravior , quantò magis abdita serpit.
Nam tenuem densos quis crederet aera lymphæ
Exhaurire modò latices , modò reddere eosdem ?

555 Abnuere ipsa quidem illius natura videtur
Illimisque nitor ; guttis tamen humidus aer
Marmora confpergit , pluvioso tempore sudat
Templorum paries , sicco qui pulvere squallet
Aridus , innubi rutilat dum sydere Cælum.

560 Herbosus cespes Cælo siccescat aperto ,
Tertia vix primi supereft pars ponderis , unda eft
Quidquid abit volitans , pars fixior altera reftat.
Copia quò tanta humorum evanescit in auras ?
Sic bibit ex totâ ficcus tellure vapores

565 Aer , ingentique humorum mole gravatur.
At non fervat onus ; sensim concrescit acervus ,
Expanso in tenues nimbos velamine aquarum :
Inde brevì toto stridentes aere venti
Flatibus agglomerant nubes , caligine Cælum

570 Horret , abundanti tellus submergitur undâ ,
Ac videt optatas segetes gemebundus arator
Præcipitique undæ subverti vortice campos :

Mitius aut solvit sua vestigalia cælum,
 Nocturnoque vapor concrescens frigore, guttas
 Solvit in tenues redivivos solis ad ortus, 575
 Lætaque fæcundis perfundit roribus arva.
 Nonne vides, sicco dum sol furit igneus æstu,
 Sæpius exsuccum demittere lilia caulem :
 Vix aurora novos conspergit in aera fletus,
 Redditur his decor antiquus, madefacta resurgunt 580
 Culmina, sublimesque gerunt viridantia ramos.
 At fœnum assiduoque diù siccata calore
 Gramina consumuntur aquis, æstumque recepto
 Concipiunt latice; immundum mox illa putrescent
 In tabum resoluta, cinis pro fronde manebit: 585
 Tanta est æthereo latici concessa potestas!
 Ille graves potuit tumefactis tollere moles
 Funibus, ingentesque molas, immania saxa
 Expansis sicci clavis exscindere ligni.
 Nec minùs occultis mortalia pectora vexat 590
 Ictibus, & secum trahit agmina tetra malorum.
 Scilicet immodico gravis atmosphæra liquore
 Obstruit exiles tubulos, queis pervia sensim
 Corpora perspirant, intus compellit aquosam
 Colluviem; effœtâ succorum mole gravamur. 595
 Nam tenues fibræ aggestu laxantur aquarum,
 Nec solidis vis ulla manet, vis ulla gravatis
 Visceribus; languent exhaustis viribus artus.
 Interea humorum delibatissima moles

600 Admixtâ vitiatur aquâ , tardoque movetur
 Circuitu , vapidam volvens pro sanguine lympham.
 Corporis inde tumor , laxoque cachexia vultu
 Pallens , distentusque effusis venter ab undis :
 Enervis stomachus ; stridenti pectus anhelat
 605 Stertore , & largos pituitæ projicit haustrus.
 Sed via non lymphæ una datur ; liquefacta resolvi
 In tenues sensim latices mortalia credas
 Corpora , distillant nares , fit mollior alvus ,
 Crudior exundanti urina expellitur alveo.

610 DIRA quidem hæc ; pejora tamen symptomata ^{Humiditas}
 frigida.
 vexant ,
 Atra pruinofum stringant si frigora cælum ,
 Aut calor undantem coquat uvidus athmosphærā.
 Externas etenim fibras , pellisque meatus
 Dum stimulis premit acre gelu , laxata labores
 615 Fibra negat solitos , admissâ mollior undâ.
 Hinc toto humorum diffusus corpore gurges
 Per tenues pellis tubulos , arctataque vasa
 Exhalare nequit , nec jam certo ordine raptus
 In varias partes , in membra , in viscera præceps
 620 Irruit , hinc varii nascuntur semina morbi.
 Non alio fixi surgunt è fonte dolores ,
 Rheumatismus iners , capitis tumefacta gravedo ,
 Fluxio thoracis , pungensque in dentibus ardor.
 Quin veteris renovant pugnæ rediviva dolorem

Vulnera, & antiquæ pœnæ importuna cicatrix 625
 Signa dat, excruciansque pedes truculenta poda-
 gra.

*Humiditas
calida.*

VERUM aderit prorsus contraria forma nocendi,
 Aeris humidior sibi si conjunxerit æstum
 Temperies, caleantque imbræ: vitiata resolvi
 Corpora quid referam pluviosi flatibus austri, 630
 Quid carnes putrere situ, coaceescere lactis
 Nectareos potus, jucundaque munera Bacchi?
 At vivens moles non ipsa putredinis expers:
 Fervet, & expandit sua sulphura massa liquorum
 Acrior, & rupto nexu resoluta liqueficit. 635
 Difflit hinc tabo corpus, morsuque maligno
 Febris, & absumens languentia viscera pestis
 Exoritur, calidumque gelans gangræna cruentem.
 At simul immundâ scabie & prurigine fædâ
 Oris deturpatur honos, eructat acores 640
 Sanguis, & obsceno squallens cutis ulcere manat.

*Siccitas
æteris.*

SOL nimis obscurâ velatus nube, serenis
 Nunc radiis tenebras pellit, nimbisque remotis
 Sicca nitens revehit liquefactis tempora campis,
 Tempora quæ tacitâ recreent dulcedine mentes, 645
 Et graviora novo perfundant membra vigore.
 Quæ congesta diù laxis in vasibus unda
 Ingenti languens onerabat pondere corpus

Abripitur , cutis expansos subit illa meatus.

650 Namque exhalantes , quos pervia corpora rimis
Perspirant , fumos siccus trahit haustibus aer ;
Ut bibula appositas absorbet spongia lymphas.
Est vapor ille quidem tenuis , quem cernere acuto
Lumine vix possis ; tamen est immane liquorum

655 Pondus , quod nec adæquarent excreta per alvum
Per ter quinque dies , nec quod Vesica profundit.
Vivite felices siccis spirantibus auris
Terrigenæ ; validum corpus , leviora feruntur
Membra , viget sani mens integra corporis hospes.

660 Felices tamen inde magis , queis humida corpus
Proluit & nervos turgens pituita relaxat :
Nam queis tenduntur siccatis viscera fibris ,
Queis nervi nimium subtile , vivida mentis
Temperies , vultusque nitens , rutilansque genarum

665 Purpura , & effuso variantur sputa cruore ,
Ariditas infesta nocet ; pluviosa requirant
Sydera , quæ tensos laxent humoribus artus.
Aeris ille mador facilis dignoscitur arte :

Dicitur Hygrometron Græcis hæc machina , motu

670 Quæ siccii madidique notat discrimina cæli.

Quin manifesta tibi tellus dabit ipsa madoris
Signa , quibus cæli variantia sydera noscas.

Floriger hic sicco quantùm nitet aere campus ,

Quem Thymus , & tenui decorant redolentia fronde

675 Thymbraque , Serpillumque humile , atque Laven-
dula caule *

Sublimis ; cælo tellus hîc gaudet aperto ,
 Hîc lacrymas florum , & calido liquentia Sole
 Mella legit studiosa cohors , dulcique superba
 Pondere, stridenti totum implet murmure campum.
 At contrâ obscurâ depresso in valle , palustri 680
 Pingue luto , & circumfusâ tectum arbore pratum
 Inficit obscenâ spissum fuligine cælum ,
 Quâ frondosa Salix , acrique nociva sape
 Plurima planta alitur, Juncusque & Canna palustris,
 Mordax Hydropiper, præsensque Cicuta venenum. 685

Venti.

SED frustra aspectu tibi riserit aura beato ,
 Si simul & varias ventorum noscere vires
 Negligis , & clausos illinc servare meatus ,
 Hinc ventum totis capere atque haurire fenestris.
 Crescit enim motus pro mole atque impete , naves 690
 Quo semel accepto impulsu sæva æquora tranant.
 Sed nunc aura levis mulcet , fallaxque benigno
 Dum recreat sensu , stringit penetrabile corpus
 Interea , atque graves infert malefida catharros.
 Æolus at quando laxis bacchatur habenis , 695
 Aspice ut adverso concurrunt turbine venti ,
 Pulvereasque agitant nubes , concussa fragore
 Terra sonat , tremuere ædes , & fracta domorum
 Tecta cadunt : tum quæ caput inter nubila condit
 Annosâ Quercus frustra se mole tuetur , 700
 Vellitur , & secum in valles cava viscera montis

- Abripit, ac totis fragor insonat undique campis,
Corpora sic pulsans iteratis ictibus aer
Quas gerit ipse sinu dotes altè imprimit; inde
705 Aeris augetur virtus, seu dote salubri
Polleat, aut terris metuenda pericula portet.
Non secus admoto validè compressa sigillo
Ad vivum vultus insculptæ cera figuræ
Exprimit, & varios imitatur flexilis orbes.
710 Sic species oritur venti diversa, salubris
Tetrave pro variis queis pollet dotibus aer.
Nec similes cunctis idem regionibus auras
Aspirat ventus; gelidam qui flatibus Arcton
Africus oblectat, Latium fervoribus urit.
715 Ventorum inde vides quantum diversa potestas,
Quam varios pro multiplici regione locoque
Effectus pariant, morbos firmamve salutem.
Attamen acre solet terris conspergere frigus
Brumalis Boreas, rapidis furit ignibus Auster,
720 Agglomerat nimbus spiratque Favonius imbræ,
Eurus jucundis exsiccat flatibus orbem.
At si multiplici consurgit cardine ventus,
Composita exoritur virtus, siccumque calorem
Suscitat Euro-notus; Zephyro dum proximus
Auster
725 Connubio madidos affert mortalibus æstus.
Inde salutari perfundunt flamine terras
Eurus & Euro-notus, sequitur tunc optima cæli

Temperies, frigusque inter nimiumque calorem
 Illud adest felix medium, cui corpora tutò
 Credere se possunt, vegetum quo terra vigorem 730
 Accipit, & fætu genitrix natura tumescit:
 Arida non sicco tellus ardore dehiscit,
 Nec tumidis acti funduntur nubibus imbræ,
 At terras recreat placidi indulgentia Cæli.
 Non alium sine nube diem primæva parentū 735
 Progenies novit, morbi cùm semina nondum
 Senserat immortale genus, nec dura jubebant
 Fata perennantem præscindi funere vitam.

Effluvia
heterogenea
aeri mixta.

PRÆTEREA Æoliis magno dum murmure ab
 antris

Stridula ventorum prorumpunt agmina, fordes, 740
 Quas gravis e spurcâ tellure receperat aer,
 Flatibus exigitant latumque per aera verrunt.
 Nî facerent, tetro squallore putresceret æther,
 Et dirum patulâ traheremus nare venenum.
 Quidquid enim exhalant madidis morientia pratis 745
 Gramina, in infestum sensim resoluta liquorem,
 Et quæcumque vides corrupta miasmata spargi,
 Dum mediis inhumata jacent post prælia campis
 Corpora, pelluntur sursum diffusa per auras
 Atque venenatâ corrumpunt aera labe. 750
 Adde paludoso infestum ex humore vaporem,
 Quamque metallifero dives de viscere tellus

Sulphure & Arsenico mixtam vomit atmosphæram.

Eheu ! ventorum si deficit aura salubris
755 Quæ miseranda seges , quanta inde caterva malorum

Pullulat , & tetricas terras afflatibus urget !
Sollicitâ tentas curâ vitare periculum
Frustra ; vitales dum naribus attrahis auras ,
Confusum simul ingreditur subtile venenum.

760 Illud , in internos penetrans levitate recessus ,
Altiùs insinuat sese , junctumque crux ,
Humorum vitiat sensim putredine massam.
Æstuat hinc , intestinoque agitata tumultu
Vertitur admisso succorum massa veneno ,

765 Mole licet parvâ : magnam sic guttula aceti
Nectaris lactis pessumdat acrene molem ;
Sic & fermenti contritæ mixta farinæ
Parva atomus , pastæ ingentem subvertit acervum.

O nimiū miseri , ruris quos cæca voluptas
770 Affixos inter loca fæta palustribus undis
Detinet , obscurâ languent si lumina nube ,
Si premitur gravitate caput , febrisque quot annis
Impete consurgens alterno corpora solvit ;
Morborum tandem veras agnoscite causas.

775 Ille quidem tenero vestit se gramine campus ,
Pallentes florent Violæ , florent Hyacinthi ,
Et sylvas inter veteres Philomela querelas

Dulcifono geminat cantu , venerisque Columba
Lascivos querulo gemitu declarat amores :

Illecebris fallit tellus blandita colonum ,
Deficit illibata salus , consumit acerbam
Tantalus infelix inter tot commoda vitam.

Nec minùs immitti incautos Libitina trucidat
Falce , metallorum diros quicumque vapore;

Aspirare audent ; his fœdat lividus ora

Sanguine corruptopallor , resoluta tremiscunt
Membra , dolor nervos repetito lacinat ictu :

Sæpius interno defixum in ventre venenum
Viscera discruciat , flexos rigor horridus artus

Distorquet , tandemque inter fera tormina trif- 790
tem

Decrepiti exhalant juvenili è corpore vitam.

Tantas , pro nummis aurique cupidine sacrâ ,
Mortales natura jubet persolvere poenas.

Hi tamen indociles inter se prælia miscent ,

Et quasi tarda gradu mors seriùs atra veniret ,

Accersunt miseri; cæco concussa furore

Arma micant, sævis concurrunt agmina telis

Impia , spumanti fædatur terra cruento.

At dum per campos sternuntur inertia passim

Corpora , & exhalant fædam corrupta Mephi- 800
tim ,

Dira per infectum latè contagia manant

Aera , victoresque inter monumenta triumphi

Mortiferas

780

785

795

Mortiferas plenis aspirant haustibus auras.

Sic cunctis invisa furit Bellona malorum

- 805 Agmine , nec tantum rabido truculenta flagello
 Immensas cumulat strages , totumque per orbem
 Plurima sanguineâ conspergit funera dextrâ ;
 Hanc sequitur miseranda fames , febrisque malignis
 Ignibus , & febri Pestis crudelior ipsâ ,
 810 Pestis , avernali surgens e gurgite proles ,
 Quam jubet ultrices pro crimine spargere pœnas
 Vindex ira Deûm & terræ insultare nocenti.

INDE lues populis lethali horrenda veneno

Descriptio
Pestis.

Sæpiùs incubuit , glomeransque cadavera campis ,

- 815 Terrigenum gelido complevit corda pavore.
 Non tamen Europæ faustis innascitur arvis :
 Nam veluti quæcumque suas ditissima tellus
 Jaçtat opes , aurum jucundaque sacchara mittit
 India , dat gemmas Pontus , dant mollia Seres
 820 Vellera , abundanti ditescit Gallia messe ;
 Sic mala quamque manent terram sua , torta Polo-
 num
 Sanguineo aggreditur plexos Plica * glutine crines ,
 Scorbutus Anglorum gingivas ulcere rodit .
 Tu Stygiam infelix gremio paris Africa labem ,

* *Plica polonica* morbus est apud Polonus familiaris & endemicus , velut agglutinati cohærent , qui in quo crines simul complexi & resecantur sanguinem stillant reddunt.

Tu, quæ tanta foves immania monstra ferarum : 825
 His rabidam pestem decuit consurgere cunis.
 Scilicet exundans tumefacto gurgite Nilus
 Induit obscaenâ madidos uligine campos.
 Illa diu ventis immota silentibus unda
 Dum jacet, & Phæbo fervens propiore tumescit, 830
 Putrida corruptos dispergit in aera fumos.
 Hæc est prima mali labes, hinc annua pestis
 Nascitur, Ægyptique Endemia * regnat in arvis.
 Atque utinam hîc fixas posuisset perfida sedes,
 Nec dira afflatu conspergere semina posset. 835
 Verùm ex Ægypto & Lybiæ ferventibus oris,
 Ex Asiâ, & terrâ, quâ sol novus aspicit orbem,
 Confluit ad tumulum Mahometi magna quot annis
 Turba catervatim properans, simul horrida morbi
 Semina portantur, cujus contagia quisque 840
 Haurit, & occultos admittit nescius ignes,
 Quos dein ille redux patrias asportet ad oras,
 Hîc pestis velut Emporium, hinc dispersa per or-
 bem
 Per quotquot populos Mahometi templa verentur,
 Tartareas hominum tot millia trudit ad umbras. 845
 Quippe venenati solo non aeris haustu
 Dira propagatur pestis, sub corpore quovis

* Morbi sunt vel endemici vel qui semper in aliquâ observantur
 epidemici. Epidemici ii sunt qui regione, huicque veluti proprii &
 multos in aliquo loco eodem tem- innati videntur.

Tecta latet, varias merces, velamina, pannos

Inficit, & magno defensis æquore terris

850 Tristia fallaci contagia munere portat.

Tales insidias infelix Gallia sensit,

Cum celeri Pestis devecta per æquora vento,

Massiliæ miseros tetigit sæva advena portus,

Er purum infecto corrumpens aera flatu,

855 Gallica vastavit morientibus arva colonis.

Undique conceptâ languentia labe jacebant

Corpora per campos, per compita, templaque
Divum.

Nec quicquam fese tentant attollere in altum,

Ad terram revoluta ruunt, vigor artubus omnis

860 Deficit, ut celeri percussis fulminis ictu.

Interea pungens capitis dolor anxius, oris

Ariditas fætens, ignique simillimus ardor

Exercent miseros, fervens antiqua resolvit

Vincla crux, faniemque & tabum effundit in ora.

865 Non tamen ardenti pallens cutis uritur igne,

Intus flamma latet, penitusque infixa medullis

Proserpit, veluti ligno conclusa trabali

Semina flamarum, nullo manifesta latescunt

Lumine, nec scintilla micat, nec fumus in auras

870 Spargitur, at rodit ferventis viscera quercus

Ignis edax, tacitusque trabem sibi concavat intus,

Inde domus ruit horrendo revoluta fragore,

Præcipitesque inter sublimis flamma ruinas

- Emicat, & celeri ad cælum simul acta furore,
Absorbet rapidis submersas ignibus ædes. 875
Ignea sic sensim comburens viscera pestis
Se tacitè expandit, calido suffusa crux
Lumina scintillant, volvensque incendia sanguis
Efflat anhelanti ferventem è pectore flammam.
Hinc gelidæ miseros flagrantia figere terræ 880
Corpora, nudatosque artus conspergere lymphis,
Ferventemque haustis restinguere fontibus ignem.
Nec levat unda sitim, gelidos nam fervidus hauf-
tus
Projicit immanni contorquens se impete venter,
Unda velut resilit ferro conspersa calenti. 885
Interea vulgi pallent formidine vultus,
Membra quatit pavidus terror, viresque veneno
Sufficit, atque fovet morbum morbi anxius horror.
At turbant animos cumulata cadavera terris,
Exanimi commixta simul morientia acervo 890
Corpora, quæ putridis conspurcant flatibus auras.
Scilicet indocilis flecti juvenesque senesque
Et pueros, fortesque viros, nitidoque puellas
Corpore florentes, gladio Lilitina cruento
Accumulat, non forma juvat, non mollior ætas, 895
Ipse perit maternâ infans conclusus in alvo,
Vitalesve oriens reddit quas accipit auras.
Ac veluti nimbo volucrum fugit acta caterva,
Aut tumido densi glomerantur in æquore fluctus,

900 Sic celeri volitant inferna ad littora cursu
 Pallentes animæ ; desertos civibus agros
 Gallia flet , precibusque gemens solatia poscit.

TANTAM quis poterit felici pellere Pestem
 Arte , salutiferos miseris quis fuggeret haustus ,
 905 Pœoniisque potens herbis , medicamine certo
 Succensam calido restinguet pectore flammam ?
 Eheu ! nulla valet sæuos medicina dolores
 Tollere , nil profunt herbæ , nil pharmaca possunt ,
 Quæsitæque nocent artes ; tu sola mederi
 910 Tu Natura potes , totum quæ , legibus æquis ,
 Multiplici impellis diffusum vase cruentem.
 Incita nam stimulo urentis Natura veneni
 Colligit oppressas vires , motuque salubri
 Nititur infixam depellere sanguine labem .
 915 Quem celerem arte juvat sensim componere mo-
 tum ,
 Languentemque nimis solerti accendere dextrâ :
 Currentem bellator equum sic flectit habenis ,
 Nunc cohibet fræno , nunc & calcaribus urget .
 At si , felicis justo moderamine motûs ,
 920 Expulso pellis conspersa Miasmate squallet ,
 Et denso varium circumdant agmine corpus
 Bubones , Vibexque rubens , atroque colore
 Aridus ignitis defixus carnibus Anthrax ,
 Hinc speranda salus , ægro jam prospera fulgent

Sydera , vitalique resurgens redditur auræ ,
His veluti totidem eructatur tetra caminis
Pestis & illimi turgentia vasa liquore
Languida jam recreant optato viscera succo.

925

Finis Primi Libri.





LIBER SECUNDUS.

D E C I B O.

- T**RISTIS hyems spargit gelidis dum frigora
terris ,
Arescunt violæ , pereunt & lilia pratis ;
Vix redit , & dulci recreat ver arva tepore ,
Assurgunt violæ, redeunt & lilia pratis ;
SNostra sed in ventos postquam semel aura recessit ,
Spes redditus nulla est , miseris æterna tenet nox .
Hæc tamen assiduò trepidis mortalibus instans
Pallida mors properat , semperque perimus , &
ipso
Deteritur motu corpus quo vita perennat .
ICorrueret , sed blanda parens concedit amicum
Subsidium natura , immensaque pabula præbet ,
Pabula queis fractum possit reparare vigorem ,
Et sarcire novis attritos partibus artus .
Aspice quot sylvas teneant numerosa ferarum .
IAgmina , frondosi summo de vertice montis
Quot virgulta nives inter suspensa capeſſant ,
Lætaque quot mediis ludant animantia campis ;

Quàm densus volucrum glomeretur in aere nimbus,

Quàm varios vasto abscondant in gurgite pisces

Æquora, quot gremio tellus fæcunda benigno

20

Proferat herbarum species, fragrantia Poma,

Et fructus curvis dulcissima pondera ramis;

Tot regi famulata suo natura profundit

Munera, cælum ipsi, tellus, mare, cuncta ministrant:

Arbiter & totum latè dominatur in orbem.

25

Tantas inter opes felix, si lance fideli

Debita servaret rerum moderamina prudens,

Nec, fallaci unquam captus dulcedine, blandum

Ingereret puro vitæ pro fonte venenum.

Has primo infixit leges natura parenti,

30

Has tenuere patres: tunc condimenta ciborum

Sola fames, ars nulla, dabat, veroque coactus

Poscebat stimulo frugalia fercula venter,

Quæ stomacho rursus nollet sibi trudere pleno.

Nondum fœda sitim spumanti accendere potu

35

Noverat ingluvies, atque inter pocula largo

Corporis atque animi vires submergere Baccho.

At sola illimi saliens de fonte levabat

Unda sitim, nullis quærenda laboribus unda.

Inde genus patrum multos pervenit ad annos

40

Tutius, & longo superavit sacula cursu.

Nunc ventris rabies, nulloque coercita fræno

- Intima naturæ delevit jussa libido ;
 Non pudor est laudem vitæ , vitamque pacisci
 45 Pro vili obsequio , atque gulæ tentigine turpi.
 Nec sapit effæto simplex natura palato ,
 Larvatæ arrident epulæ , quæsita labore
 Condimenta placent , torretur aromate venter ,
 Atque ab Hydaspæis poscuntur fercula terris :
 50 Usque adeo ne gulæ miseros servire necesse est ?
 At dolor & denso consurgunt agmine morbi ,
 Molliti sævis languent cruciatibus artus ,
 Et primo dulcis juvenes in limine vitæ
 Præcipitem incurvâ luimus cervice senectam.

- 55 Tu quæ depresso docuisti vertere terram
 Vomere , & auratis ditaſti messibus agros
 Prima , meos plenis inspira afflatibus ausus ,
 Alma Ceres , nec nota priùs præcepta canenti
 Invia Caſtalii reſera penetralia fontis .
 60 Tu dum fœcundo decorasti munere campos ,
 Culturæ ſimul impositos ſociare labores
 Terrigenas prudens voluisti ; hæc fœdera rerum ,
 Et data primævis quondam præcepta colonis ,
 Nunc ſeri revocare queant ſibi mente nepotes ,
 65 Aonii blando capti modulamine cantûs .
 Hæc tua laus erit , alma parens , ſi carmine diſ-
 cant
 Mortales , quæ juſta cibi , quæ certa liquorum

Copia vitalem membris infundere rorem
 Possit, & amissum succo reparare vigorem;
 Obruta ne nimiâ turgescant viscera mole, 70
 Aut dulci sensim pereant orbata liquore.

Nec satis est: vires potûs, variamque ciborum
 Pande potestatem, ventri quæ fercula profint,
 Qui latices, & quæ funestis turgida succis
 Admixtâ purum pessum dent labe cruentem. 75

Quantitas
Cibi.

MULTAS ille dapes largam detrudit in alvum
 Helluo, & injusto curvat sub pondere mensas:
 Quæ mare, quæ tellus, quæ fercula sufficit aer
 Aggerit, & totâ terrarum diffusa mole
 Plurima confociat stupefacto pabula ventre. 80
 Ille tamen scabrosa trahens sine carnibus ossa,
 Pallida mentitur sicco jejunia vultu;
 Ne mirere: latent intus mysteria, nescis
 Qualis in occulto labor, ut conversa ciborum
 Dissimilis moles similem profundere rorem.
 Possit, & exhaustis instillans lactea venis 85
 Flumina, vitali sustentet corpora succo.

Digestio-
nis mecha-
nismus.

PRINCIPIO bipatens alimenti janua massam.
 Accipit, acceptamque secat, sectamque molari
 Ordine contundit versans, subigitque salivâ,
 Mutatque in mollem priùs arida pabula pulpam. 90
 Principium hoc operæ; sic naturæ usibus apta

- Esca gulæ patulum subit intropulsa canalem,
Inrediturque cavum demisso tramite ventrem.
- 95 Hic stomaehus vario lectis ex ordine fibris
Undatim sinuat sese, bolumque ciborum
Undique complexus, sensim versatque movetque,
Quo motu partes succis stillantibus offert.
Nam stomachi tunicas villoso tegmine cingunt
- 100 Multiplici rorem fundentes gurgite plexus,
Quo valido veluti fermento imbuta liquefcit,
Ac dulcem in Chymum * penitus dissolvitur offa.
Adde loci clausosque aditus, blandumque calo-
rem,
Expansosque simul turgenti viscere flatus,
- 105 Queis solventis aquæ vis insita crescit, & omnes
Succussæ penetrat massæ compressa meatus.
Siç clauso commissa globo quondam offa Papinus
Arida ferventi potuit dissolvere lymphâ.
Inde cibi moles admixtis mollior undis
- 110 Ostia carnosí superat rugosa Pylori, **
Progrediturque amplio Duodeni excepta canali.
Hic novus est labor: huc vicino ex hepate bilis
Confluit, innatus sapo, qui pingua solvat
Corpora, qui lymphæque simul pinguisque liquo-
ris

* Chymus Græcis qui idem so-
nat ac succus latinis, a Medicis
dicitur pasta fluida in quamè ven-
triculo convertuntur alimenta,

lum fundant.

** Pylorus appellatur orificium
inferius ventriculi, per quod è
stomacho egrediuntur alimenta,
& in intestina propelluntur.

Discordes placido conjungat fœdere partes.

115

Ille subactus aquâ pleno quam Pancreas alveo

Devehit, interius mollitæ permeat offæ

Particulas, miscetque simul, rursusque liquore

Diluit admixto, lymphæque hostilia jungit

Sulphura, candenti tenuis nitet inde colore,

120

Nectareo chylus gustu, totumque benigno

Flumine perfundit, distendens vasa, cruem.

Sulphura non aliter connectens Chymia lymphis

Virginei succum novit producere lactis,

Et doctâ naturam imitata est æmula dextrâ.

125

Cibi quantitas nimia. JAMQUE vides quantum moles intrusa ciborum

Magna, gravi fessum distendat pondere ventrem,

Nec reparare queat benè mixtis partibus artus.

Tensa nimis stomachi compages ecce labascit,

Fibrarum tonus elanguet, contractile robur

130

Deficit, & solito nequeunt jam munere fungi.

Flexilis haud aliter nimio tracta impete ferri

Lamina restitui nescit, violataque motus

Non valet alternos affuetos absolvere cursu.

Hinc solidi vitium, liquidis simul altera labes

135

Incuditur, magnam nequeunt dum solvere molem,

Succorumque impar miscetur copia massæ.

Illa diù, leviter fermento imbuta, moratur;

Torpet iners cæco immotum sub viscere pondus,

Sponte suâ turgens nativum concipit æstum,

140

- Putret, & informi vitiat putredine chylum.
Sæpe etiam incautè patulo commissa palato,
Integra præcipiti volvuntur frusta ciborum
Guttura, non morsu, puroque subacta salivæ
145 Fonte; reluctantem nequeunt penetrare liquores,
Nec tantam stomachi vires dissolvere massam.
Inde labor ventris; cænosâ hinc crassior undâ
Exoritur chylus, tenui quem admittere ductu
Oscula venarum renuant, parjetibus hærens
150 Ipse viam sibi præcludit, sensimque macefit
Nec quicquam effœto turgescens pondere corpus:
Aut si lactiferos tandem compressa meatus
Quantula pars chyli ingreditur, lentore cruentem
Inficit, & spissat puros admixta liquores.
155 Illi suspenso vasorum in flexibus hærent
Tramite, & in tenues repetitis ictibus acti
Anfractus, durâ obturant farragine vasa.
Quid tali referam numerosum ab origine morbum,
Pabulaque in sævi fontem conversa doloris.
160 Pars primùm patitur rea, delictumque feroci
Suppicio solvit; modò stringenti anxius horret
Pondere ventriculus, dubio mox vortice nutans
Vellitur, obscuratque atrâ caligine sensus.
Sic natura gravem vomituve repellere massam
165 Nititur, aut imum versus protrudere ventrem.
Tutior illa quidem via prima est, altera longè
Inferior; quod si neutrum successerit, hostis

Viribus occultis serpit , pigrâque sub alvo

Prælia molitur totos lethalia in artus.

Namque brevì crudo turgentia vasa cruore

Effætum stomacho , vapido de fonte , liquorem

Suppeditant ; novus hinc fomes , simul altera morbi

Causa , luesque luem haud intermissò excipit orbe.

Sic varias partes diversaque viscera lentis

Ictibus aggreditur morborum immensa caterva.

Aspice quot fixis intus radicibus hærent

Languores chronicí , quantùm imâ sede latentes

Ignoti serpunt , subito tandem impete torquent ,

Signaque certa sui præbent , cum nulla salutis

Spes manet , opprobrium Medicorum artisque fla-
gellum.

Membra thoro quatit infelix , iterumque reponit

Æger , & internis agitatus viscera flammis ,

Nocte diem gemitu quærerit , longumque diei

Incusat spatum , sperans sub nocte quietem.

Nulla datur misero ; vitæ penetralia morbus

Pascitur , atque aucto perrumpens claustra furore ,

Infaustis infert justas pro crimine poenas.

Hos parit ingluvies morbos , hæc sœva voluptas

Munera profundit , facili dum sobrius arte

Incolumem dicit constanti robore vitam.

NON tamen ancipi torquens formidine men-
tem ,

Pabula sollicito scruteris pondere ; certa
Non circumscripto signatur limite virtus ;
Hic ultra citraque potest consistere rectum.

195 Quin & pro vario rerum discrimine , moles
Dissimilis sumenda cibi ; puerilia vexat
Corpora , & infantum teneros cibus opprimit
artus ,

Qui fortes juvenis nequeat nutrire lacertos ;
Quique viri valido vix firmat pectore robur ,

200 Languentes senii restinguet pondere vires.

Quid si diversum perpendis cuique vigorem ,
Num molli poterit contundere fœmina ventre
Fercula , quæ facilè duro convertit arator
Viscere ? Num tenui nutriret agrestia succo

205 Ilia messorum , siccisque laboribus artus ,
Quæ levior nimiū infirmis valet esca tuendis
Corporibus , placidæ tranquilla per otia vitæ !

Hinc variæ fallunt leges ; tibi regula sola
Sit sensus ; nullo post cœnam membra graventur

210 Pondere , nec jaceant pigro defessa sopore ;
Non caput obtundat torpor , sed corpus amico
Nectarē perfusum facilè sua munia tractet ,
Nocte tibi Morpheus leviora papavera spargat ,
Quæ facili pulset conjux Tithonia dextrâ.

215 Sic nimiâ nunquam premitur farragine venter ,
Nec tenui impastus sentit jejunia victu.

Cibi quan-
titas defi-
ciens.

At meminisse horret quam lamentabilis olim
 Sævierit truculenta fames , quæ lurida vultu ,
 Deformis macie , rugisque horrentia profert
 Tempora , ferales oculos & hiantia rictu 220
 Ora truci ; cultroque manus armata cruento ,
 Edocuit matres natorum corpora pasci.
 Sæpius at falsò prudens sapientia , cautos
 Dum docet angustis homines incedere rebus ,
 Austeram nimiùm duci systemate vitam 225
 Præscripsit , tristi illudens errore misellos.
 Quippe perennanti , quo vivunt corpora , motu ,
 Post varios cursus , indefessosque labores ,
 Sanguinis ac tenuis nervorum roris opima
 Pars exhausta fugit ; vitali hanc nectare chylus 230
 Reddit , & amissam fæcundo munere supplet.
 At si lactiferi siccescit fontis origo ,
 Non jam nervosi reparantur damna liquoris ,
 Nec solito turgent sitientia vasa cruore.
 Hinc vigor antiquus vanescit , inania languent 235
 Viscera , & effæto marcescit robore corpus :
 Lampadis ut fulgor consumpto languet olivo ,
 Aridus aut æstu siccato deficit alveo
 Amnis , arenoso volvens qui gurgite fluctus ,
 Fæcundos sparsis ditabat roribus agros. 240
 Adde quod assiduo motu , internoque calore
 Sanguis & attritus nervorum succus , acorem
 Contrahat ,

Contrahat , affuso quem solus nectare chylus
 Demulcere queat (demulcent omnia quando
 245 Lactea) & accensas intus restinguere flamas.

S E D quid ego hæc ? his nota fames quos turpis
 egestas

Arcet ab augusto Musarum limine longè :
 Hos nec Pierio tingens præcepta lepore
 Carmine dulcisono valeam recreare , nec ipsos
 250 Nascentes læto conspexit lumine Phæbus.
 At vos qui molli dites languetis in ostro
 Ferte manum miseris , laudando munera luxu
 In vestri similes pleno diffundite cornu ;
 Dona ego vestra canam , celebrans quæ pabula
 vobis
 255 Conveniant , vel quæ fallant nocitura palatum.

OMNIA quæ lautas exornant fercula mensas
 Nectareo non sunt æquè turgentia succo ;
 Multa alimentorum succis compacta resistit
 Materies , solidas etenim pars altera fibras
 260 Constituit , levius pars sufficit altera gluten.
 Paucior hæc , stromachi longo tenuata labore ,
 Mutatâ in tenuem convertitur indole chylum ,
 Solaque vitali sustentat corpora succo ;
 Illa dapum dulci sensim fraudata liquore
 265 Pellitur , & ventri decedit inutile pondus.

Alimenta
varia.

Inde vides epulis quantum diversa potestas,
 Quam variæ dotes: haec, multi roris abundans,
 Plena redundanti perfundit Nectare vase;
 Illa parum nutrit, paucō nam glutine turgens
 Magmatis effætam complectitur arida molem: 270
 Nunc levius gluten languenti mollia præbet
 Pabula ventriculo, facili quæ viscera nisu
 Assimilent; densâ nunc languida corpora lædit
 Compage, hirsutis messoribus aptior, esca.
 Ordine sic duplici moles immensa ciborum
 Dividitur, varioque aggesta sub agmine certat. 275

Olera &
herbæ.

DUM nova progenies terris immissa parentum,
 Plurima terrigenis gremio natura paterno
 Pabula concessit, vitali turgida succo
 Pabula, funestam nondum vitiata per artem. 280
 Non ea barbaries sævo mortalia luxu
 Pectora fœdarat, sitienti ut viscera ferro
 Intima perfoderent animantum, interque cruentem
 Putrida stercoreo indagarent fercula tabo.
 Dulce olus, & redolens pomum, simplexque legumen, 285
 Et quæ sponte suâ tellus fæcunda ferebat,
 Ornabant facili frugalia prandia cultu.
 Si quandoque cibis dulces animalia mensas
 Instruerent, pleno stillabant ubere lactis
 Flumina, & impresso surgebat caseus orbe. 290

Non injusta tamen partes natura novercæ
Egerat, ille patrum longos produxit ad annos
Tempora simplicior victus, tutamque salutem
Præbuit, agresti sustentans munere vitam,

295 Ast olerum non vis eadem, similisque potestas:

Cuncta quidem impastis tantum leviora ministrant
Pabula corporibus, sapido sed plurima gustu
Sollicitant, dulci præstant nonnulla sapore.
Mollibus hæc constant fibris, largamque solutâ
300 Compage effundunt, stomachus quâ turgeat, un-
dam.

Olera dul-
cia & aquosa.

Hanc sibi materiem, imbelli quicumque laborat
Ventre, legat; tenuem molli cum Atriplice Betam,
Lactucam, & dulcem Cinaram, Malvamque viren-
tem.

Nec minùs illa juvant, quos fervida viscera tor-
quent,

305 Et siccas blando demulcent phlegmate fibras.
At si colluvie stomachus turgescit aquosâ,
Si flatus strepit internus, si mollier alvus;
Cruda nocent olera, internum ferventibus undis
Aera depellant flammæ, crudumque liquorem.

310 SUAVIUS illud olus, gratum quod spirat odo-
rem,

Olera acria
& aromatica.

Et lætas valido titillat aromate fauces.

52 LIBER SECUNDUS

Hoc fuge , nî justo fibrarum robore pollens
 Ventriculus duros possit contundere caules ,
 Atque reluctantem succo dissolvere massam.

Ista quidem tenerum sapidis firmare videntur
 Halitibus ventrem ; hæc virtus fugitiva repente
 Labitur , & nimio sub pondere viscera languent.
 Præterea internus stimulat si pectora fervor ,
 Acria sollicitâ fugias formidine , corpus
 Nî torrere velis , & flammis addere flamas.

315

320

Segetes &
gramina.

ALTERA, post herbas , segetum genus omne mi-
 nistrat

Pabula , frumenti decerpere semina gaudet
 Alituum numerosa cohors , depascitur herbam
 Cum toto pecudum grege bos immensus , & ipsos
 Non dignatur siccato gramine caules
 Belligero sonipes spirans è pectore flammam.
 At sata terrigenis , melioraque pabula præbet ,
 Triticeas messes , & puro turgida succo
 Semina , sed duro varioque paranda labore ,
 Prætendens dextrâ sacrum Ceres alma ligonem.
 Hæc mollita manu , dulcique subacta liquore ,
 Ambrosio recreant mortalia corpora pastu ,
 Nectareos jaçtent potus , sua pabula , Divi ,
 Tritica sint hominum ; hæc blando ditissima lacte
 Virginis imbelles artus , juvenumque virûmque
 Viscera sustentant , hæc parvo mollier ætas

325

330

335

Ventre domat , stomachoque terit tremebunda se-
nectus.

Ipsa tamen spisso , quo pollent , glutine ventrem
Tritica distendunt , gluten commixta resolvit

340 Paryula fermenti moles , ignisque subactum
Corporis assimilat succis , subtilior exit
Chylus , & optato perfundit vasa liquore :
Panis adest ; panem Galli celebrate canentes ,
(Flava Ceres nam vos cælo despectat ab alto ,)

345 Arte salutiferâ factum , mollique subactum
Undarum latice , & flammâ fervente recoctum.
Molliter hunc subigunt dentes , penetratque saliva ,
Hunc & ventriculus conceptum amplectitur , alvus
Demittit facilis ; sine te jam nulla palato

350 Esca placet , solus tu cætera fercula supiles.
Hinc ubi curvantur sub plenis horrea aristis ,
Fortibus & paleas jam contudere lacertis
Meffores , cantum instaurant , mollesque choræas ,
Et Cererem mutuis celebrant concentibus almam.

355 Pauperiem non rura timent : tum flumina lœta
Mille rotas versant , strepitique immurmurat unda.
En molitor niveo capit is se jactat honore
Impiger , absolvitque rotâ fervente farinam.
Illa per æquoreas latè devecta carinas

360 Navigat , & gemino instaurat commercia mundo ,
Ac tandem agricolæ sua præmia certa rependit.
Furfur sit canibus , sit pullis mollibus esca ,

Candidus at panis , mollique filagine factus

Hic servetur heris ; inopi ne crassa recuses

Farra , quibus ferat ille suo solatia ventri.

Nam neglectus inops ulti^{bus} irrita Divis

Nunquam vota tulit , vel si male suaserit ipsum

Dira fames , poterit teneras rescindere messes ,

Perniciemque satis ferre , aut incendia aristis.

365

C R A S S I O R at compacta gravi cum melle pla- 370
centa ,

Pastave mucosâ constans pinguedine , duro

Pondere ventriculum lassant , quod viscera nullo

Robore , non motu possint dissolvere succi.

Obstat adeps , densâ pinguedine nexa farina

Constituit firmo spissatam glutine molem.

375

Nuces & amygdalæ. Non aliter pinguesque nuces , & amygdala dulcis ,

Et quotquot fundunt oleosum pressa liquorem

Semina , debilitant stomachum , vis irrita cedit

Ventris , & incassum repetitis iictibus acta

In tenuem nunquam laticem resoluta liquefcunt , 380

At , veluti saxum , mutari nescia perstant.

Frigore sic primo volitans peregrina Coturnix

Pingua per sylvas visci decerpere gaudet

Semina ; massâ tenax manet indigesta , tenellis

Visceribus volucris defixa , atque integra ventre

385

Redditur , & nemorum variis sic insita ramis ,

Annofas quercus alienis frondibus ornat.

Hæc fugiat prudens stomachi quicumque vigorem
 Intactum servare cupit, non tormina ventris
 390 Sentiet, & crebram senio veniente salivam.

PROXIMA nunc veniant siliquosa legumina, Legumina.
 Pisum

Ventosæque Fabæ species, durusque Phaselus,
 Et Cicer, & tenui firmatæ cortice Lentes.
 Aspicis hæc quantùm, sicco servata recessu,
 395 Cornua duritie referant? num mollia firmam
 Viscera compagem blando mollire liquore,
 Num duram poterunt villis subvertere molem?
 Adde quod aero tumeant hæc semina flatu.
 Hic velut angustis parvâ sub mole coactus
 400 Compedibus, simul ac data porta, erumpere præ-
 ceps

Nititur, in magnam tentans se expandere massam.
 Hæc vacuo quondam voluit submittere vitro
 Semina naturæ doctus scrutator, at ingens
 Aeris erupit flatus, qui semina mole
 405 Immensum superans, simul & sua vincla resolvens,
 Plurima distento compleret vitra vapore.
 Aeris illa quidem subjecto pellitur igne
 Copia, & ardenti mollescunt semina lymphâ;
 Non tamen omnis abit flatus, sed plurimus aer
 410 Interius remanet, stomachi qui frangere vires
 Possit, & extenso crepitum compellere ventre.

Præterea affuso spissescit magmate sanguis
Viscidus, & durâ obturat farragine vasa.

Pisa terat Lentemque agresti viscere messor,
Et qui Pythagoræ dementia dogmata servans, 415
Mutato lacerare timet sub corpore patrem.

Te penes imperium terræ, tua jura capeñas,
Nec stulto abjicias naturæ dona timore.

Fructus.

J A M fructus varios, & deducentia ramos
Pondere poma suo, nunc instrumenta salutis, 420

Nunc nocitura parum cautis, comprehendere versu
Quis poterit? frustra vires mihi Phæbus & artem

Addit, & aspirans spondet Pomona favorem;
Tam varium stat cuique decus, tot nomina rerum,

Tam variæ species, diversaque gratia cultûs, 425
Plurimaque & multum inter se discreta facultas!

Ferrea vox fuerit, fuerit mihi pectus ahenum,
Deficient tam multiplici defessa labore.

Aspice quām vario florum lætetur honore

Hortus, ubi primūm sese ver extulit almus. 430

Illinc purpureos ostentat Persica flores,

Candida ferta Pyrus jactat, rubeoque colore

Inficit alborem Malus, redimita corollis

Luxurians Cerasus tollit se vertice ad auras.

Ast ubi discusso fructus jam flore tumescit,

Omnia mutantur, formæ, decus, atque colores. 435

Prima ubi jam torret sitientes Sirius agros,

Nata levare sitim, Cerasus lymphâ inficit ora
 Dulcior, & bilis tenui sapone meatus

440 Prompta aperit; nascuntur humi redolentia Fraga,
 Tùm Ribes ipse acidus, comitem cui missus ab Idâ
 Se Rubus adjungit, recreant humore benigno.
 Guttura sicca siti, & compescunt sanguinis aestus:
 At stomachum quandoque gravant, & sæpe sub ipso

445 Intumuere, atque in pungens vertuntur acetum.
 At reliqui nucleos qui subtus cortice gestant,

Tardiūs æstivi apparent sub tempora signi.

Si multo humectant sitientûm guttura succo,
 Hos poteris sanis adscribere fructibus, & qui

450 Ferventes intus possunt lenire calores;

Sed si mucosâ fibræ compage resistunt,

Hos fuge, fallaci licet insidientur odore.

Sic Malum Armeniæ nocuit, sic cerea Pruna

Cum traxere moras, in ventre ciere faburram,

455 Et pravas possunt corrupta accendere febres.

At ne dira fames puerili incensa furore

Cogat, ut invitox fructus, nec ab arbore lassos

Decerpas, dentes succo vitiabit acerbo

Immaturus amor, tum tormina ventre sub imo

460 Accerses, vix per solitos laxanda meatus.

Adde quod à multis solvatur fructibus alvus,

Et cultu assiduo dediscant jura nocendi;

Talis Melopepo est, qui si sylvestris in arvis

Nascitur, hic ventrem magno cum murmure solvit.

Sed nobis fructus pleno dat copia cornu , 465
 Pomifer Autumnus cum jam caput extulit , & jam
 Libra dies longis breviores noctibus æquat.
 Tum variæque Pyri species , & plurima Mali
 Sunt genera : hæc molli perfundunt ora liquore ,
 His tu fide ; gravant stomachum quæ dura resis- 470
 tunt ;
 At saltem in longas hyemes servantur , & arte
 Vinorum in formam à miseris mutantur , at ipsi
 Lætantes falso exornant convivia Baccho ,
 Spumantique hilares succo sua pocula complent.
 Sed quâ pampineos extollam laude racemos ? 475
 Illis concretus potuit crux ipse resolvi ,
 Illis crassa nimis bilis , resinosaque , rursus
 Et fluida evasit , solitosque subire meatus
 Docta fuit , lymphæque novus nitor additur ipsi.
 At sæpe ardentis sumperunt crimina vini. 480
 Clausus namque calor fermenti jura capessit ,
 Et ventris tunicas attollit flatibus uva
 Dentibus expressa , & stomachi conclusa sub alveo ;
 Quin & sæpe caput perculsit , & ebria verba ,
 Dum musto intumuit venter , stupuere loquentem , 485
 Victaque vino solventem membra sopore.
 At bilis succi muco resoluta potenti
 Irruit in tractus varios , atque impete magno
 Fertur ad extremum , retineri nescia , ventrem ,
 Sanguineusque oritur , mordax , fallensque tenesmus. 490

Ergo bonis uti docuit natura , nec unquam
Mortali licuit concessso munere abuti.
Nunc diversa tuo præstant animalia ventri
Fercula ; carpe , sed hæc inter sanum elige pastum.

495 DUM tener ingreditur vitam fine viribus infans , Lac.

Matris nectareo turgescunt ubera lacte ,
Primaque sufficient maternæ pascua mammæ.
Hic cibus , hâc nulla est pueri magis apta tenellis
Potio visceribus , stomacho nec dulcior esca.

500 Scilicet immenso versanda alimenta labore

Ut dulcem lactis possint acquirere formam ,
Lactea jam infanti dantur , partimque parata.
Quem pueri mollis nescit perferre laborem
Ventriculus , mater robusto viscere complet.

505 Nec levis ille cibus ; pars est purissima chyli
Lac , alimentorum electo compacta cremore ,
Et quæ continuo flexu , cursuque subacta
Multiplici , stomachum non possit mole gravare.

Hæ tibi sint epulæ , longo cui languida morbo
510 Viscera , & amisso velut infans robore corpus.

En redit oris honos , non jam pallore gravatur
Exanguis facies , sicco non ossa tumescunt
Vultu , instauratâ pellis pinguedine splendet.

Nec lactis species ægris datur unica , dulcem

515 Omnia distento fundunt animantia rorem
Ubere ; nunc levius pleno lac ubere præbet

Species lac-
tis.

Fortis Equa , Arcadiumque pecus , saliensque Capella,
 Fæcundis gravius nunc mammis Vacca profundit.
 At non ulla datur species , quæ reddere vires
 Possit , & antiquum melius reparare vigorem 520
 Quam quod fœmineo fuges ex ubere , turget
 Nectare materies nostrisque simillima succis.

Caseus & Butyrum. PRÆTEREA mensis jucunda cibaria præstant
 Lactiferi fontes , butyrum , gratisque sapore
 Caseolus , certo quem felige tempore pressum , 525
 Ne fortassè recens viscofo glutine vasa
 Impleat , at fœtore tamen non rancidus acri
 Naribus ingratum inter coenam exhalet odorem .
 Quippe vetus sale mordaci turgescit , & acrem
 Sanguineo latici latè diffundit amurcam. 530
 At butyrum novitas semper commendat , odorque
 Nullus , & ingrati dulcedo nescia gustus.

Ova. NEC minùs infirmis stomachis leve congruit
 ovum ,
 Molle , recens ovum , rapido non igne coactum ,
 Quod longo haud referat siccatum tempore cornu 535
 Duritie , at contra ferventi mollius undâ .
 Mollia mucosâ nimirum albumina pollent
 Parte , serum illa refert purum , lymphamque cruo-
 ris ,

Quâ corpus constat mortale , aliturque , vigetque ,
 540 Quâ solâ primæ formantur stamina fibræ.

Ecquis ventriculo supereft labor ? Ecquis anhelis
 Visceribus ? Similis simili miscenda crux
 Materies longo datur attenuata labore.
 Crassior at facilis concluditur esca vitello ,
 545 Esca salutifero restaurans sulphure partes.
 Sic primò nondum exclusis albumina pullis
 Alma parens natura dedit , graviora Vitellus
 Pabula suppeditat , cum jam expelluntur ad oras.

NUNC si quæsieris multo ditissima succo
 550 Fercula , succosas tibi dant animantia carnes ,
 Jusculaque , at multo ventris subigenda labore.
 Attamen hæc inter constant compagine carnes
 Dissimili , tenerâ fibrarum albedine præstant
 Pullus , Gallo pavo , & qui puro semine tantùm
 555 Vescuntur Volucres ; præstant qui gramina carpunt
 Quadrupedes , Ovis & Vitulus , juvenisque Capella ,
 Grexque Boum dapibus semper celebrandus op-
 mis.

*Animalia.**Gallinacea;**Quadrupes
des.*

Scilicet herboſo quæ vivunt gramine , dulcem
 Herbarumque gravem succis animalia chylum
 560 Suppeditant , non falso aut tetris partibus acrem.
 Dulcior hinc lymphæ crasis , molesque liquorum
 Firmior est , nec quæ facile sua vincula rumpat ,
 Namque indefesso motu , cursuque perenni

Sanguis & humores unà quatiuntur , acorem
 Quassa trahunt , stimulo sensim crescente solutis 565
 Partibus , in tabum penitus cruor effluit omnis.
 Præpedit hoc chylus ; salium nudata retundit
 Spicula , jucundâ humores dulcedine mulcet ,
 Confociatque novo disjunctas fœdere partes.
 At si acri pungit mordax falsedine chylus , 570
 Qui poterit falsos succo mulcere liquores ?
 Hinc capit augmentum labes , dum subditur igni
 Flamma , gravesque putri surgent ab origine morbi.

Feræ &
 animalia syl-
 vestria. TALEM nigranti succum sylvestria fundunt
 Carne , Lepus , setosus Aper , fugitivaque Dama 575
 Et quæcumque colit sylvarum bellua saltus ;
 At ne tange feras , sibi quæ per funera victum
 Venatu assiduo quærunt , atque ore cruento
 Infidias semper tenero meditantur ovili.
 His sapor horrendus , tetrâque putredine fœtens 580
 Subvertit stomachumque & succos inquinat omnes.
 Aut jaceant inhumata , aut valvis fixa minentur
 Furibus excidium confossa cadavera telis.
 His & junge Aquilas , & rostro Vultura adunco ,
 Qui virgulta metu , sylvas horrore silenti 585
 Implet , & infestum nigris serpentibus Ibim ,
 Aut Procnem rostro carpentem infecta voraci.
 Præterea , cursu nimium siccata , ferarum
 Corpora constrictâ fibræ compage resistunt ,

590 Indomitoque gravant defessum pondere ventrem,

Illa quidem, sale mordaci turgentia, gustum

Fercula sollicitant stimulo; arridentque palato;

Attamen hæc fugiat prudens, qui salsa croris

Humorumque gerit calidis primordia venis.

595 Nam velut angustos cribri transmissa meatus

Materies lapsu magis attenuata frequenti

Fertur, & attritu vanescit pulvis in auras;

Sic dum per venas animantūm, atque intima tran-
fit

Viscera, & ex uno penetrat nutritius humor

600 Corpore diversum corpus, magis ac magis exit

Degener, & simili corrumpit acreidine succos.

COLLIGIS hinc cur tam facile genus omne na- Pisces
tantum

Putreat, & salso perfundat sanguine venas.

Nempe vorax pisces quidquid natat æquore magno,

605 Stercora, fœtenti dilapsa cadavera tabo,

Agminaque infectorum obſceno gutture sorbet:

Nec similis simili parcit, certamina tentant

Faucibus, alter & alterius sic corpore Pisces

Vivus ineſt, donec victoris ventre liqueſcat.

610 Attamen has inter species, tot millia gentis

Squamigeræ, vasto quæ flumina, quæ mare fun-
dunt

Gurgite, ſuppeditant varii tibi plurima Pisces

Fercula, quæ succo possunt recreare salubrī.

- Pisces flu-* Accipe quem celeri decurrens tramite Pisces
riatiles. Flumen alit, dulcisque impulsu verberat undæ. 615
 Gratior hic salso non afficit ora sapore,
 Huic & firma caro est; placidâ dum immobilis
 undâ,
 Obscenoque lacûs torpens in gurgite pisces,
 Pinguor ingrato offendit nidore palatum,
 Viscosâque gravat mollitus viscera carne. 620
 Nam lentâ genus æquoreum pinguedine pollet,
 Quæ stomacho nimiùm laxâ compage resistit,
 Nec nisi difficili tenuatur spissa labore.
 Illam longa quies, cœnosæque unda paludis
 Auget, at infringit motus, subigitque strepenti 625
 Murmure propulsans illimem flumen arenam.
 Tales, cœruleâ vestitus arundine, Pisces
 Divite profundit lympharum Sequana fonte,
 Sequana qui tumido regales vortice ripas
 Alluit, augustamque subit circumfluus urbem. 630
 Jamque salit grandis fœcundâ Lucius urnâ,
 Carpio, Tinca, Brama, & jucundo Perca sapore
 Inclyta, purpureisque cutem Trutta oblita guttis.
Pisces ma- Præterea vario diversos agmine Pisces
rini. Pontus alit: leviorem hos inter felige Gadum, 635
 Osmerum, Soleam, Scombrum, tenuemque Pla-
 tessam,
 Quæ dulcem facile fundant per viscera suçcum.

Ille

Ille quidem gracilis cibus est , nec vasa crux
 Flumine distendunt , tenuissima pabula , Pisces ;
 640 At si non pingui densantur glutine fibræ ,
 Nec sale turgescunt carnes , tunc fercula præstant
 Quæ recreent ægros languentis corporis artus.

DISSIMILEM sane chylum , densâque saburrâ
 Infestum fundunt siccæ fuligine carnes ,
 645 Effœti illecebræ ventris , queis tentat inertem
 Fraus scelerata famem tacito stimulare veneno .
 Nam penetrat fibras turgens sale fumus , & acri
 Inficit exsiccas calidus falso sedine partes :
 Fit gravior Perna , & fœdo compacta vapore ,
 650 Pondere nunc lapidem , vel duris stupea fibris
 Fila refert , stomachi nullo subigenda labore .
 Militis hæc duri , hæc validi sint pabula ventris ,
 At fugiat similes epulas , obsecœna tomacla ,
 Harengum , Pernam , indurataque fercula fumo ,
 655 Quicumque incolunem salvo vult viscere vitam
 Ducere , nec luxu properata accersere tentans
 Fata , reformidat senio veniente dolores .

Carnes fu-
mo exsiccatae.

AT non , crede , sat est pastum elegisse salubrem ; Condimenta.
 Conditura tibi supereft : nam corpora sæpe ta.
 660 Sic pulmenta gravant , & sic mutantur ab arte
 Fercula , ut intinctu jam fiant noxia pravo
 Pabula , quæ sano fierent embammate sana .

Aurea non aliter pretioso pondere dives
 Pyxis, & Eois fulgens onerata lapillis,
 Si digito sit sculpta rudi, indoctoque labore 665
 Ridiculas referat formas, atque ordine nullo
 Undique scintillet multis incondita gemmis,
 Despectu contempta jacet; dum terrea pyxis,
 Quæ gerit insigni depictas arte figuræ,
 Quales Gallorum profert industria formas, 670
 Sæpius ingenti contra mutabitur auro.
 At multi censetur opus, si fœdere certo
 Materies ac forma placent; sic mutua sanum
 Materiæ ac formæ præstat concordia paustum.

Plurima nunc fingit ventris vesana libido 675
 Condimenta, dapum queis immutare saporem
 Posset, & antiquum ex epulis expellere gustum.
 Non simplex natura placet, plebeia videntur
 Fercula, nativum gustu redolentia succum.

Jamque ab Hydaspæis quæruntur aromata terris, 680
 Acre Piper, Casia, & fauces Nux indica torrens,
 Quæ plenum stimulis ventrem fallacibus urgent.

Hinc mentita fames; nimio se pondere torquet
 Ventriculus, magnâque cibi farragine languet.

Adde quod inde calor fusus per viscera, totum 685
 Excruciet corpus, fibras dum acreidine pungunt
 Condimenta; siti flagrant præcordia, motus
 Sanguinis hinc nimiùm crescit, tostisque liquorum
 Particulis, violento exsurgunt agmine febres,

690 Et quot ab ignitâ nascuntur origine morbi.

Has fuge fallaces epulas , jucunda venena ,

Nec tibi Sinensi fragrent nidore culinæ.

Non dedit has natura dapes , hæc pharmaca tantum

Esse jubet ; si quis nullo ordine pharmaca demens

695 Quotidie ingereret , sanâ ratione carentem

Dixeris , Anticyræ tristi medicamine dignum.

Talia sed medici jussu præscripta salubri

Languentes recreant vires , truculenta calore

Tormina discutiunt ventris , mucosaque possunt

700 Atterere , & tumidos stomachi depellere flatus.

NON Salis est eadem virtus , nec tanta malorum

Sal.

Agmina depromit, modo non, Sale turgida multo,

Fercula pungenti stimulent salsedine fauces.

Quin Sal vasorum lymphæque coagula solvit ,

705 Sanguineumque subit laticem , mixtusque cruoris

Partibus , instantis tabum putredinis arcet.

Nonne vides ut falsa caro putredinis expers

Sæpe diu maneat , dum stringit compede certo

Sal fibras , liquidisque etiam nova vincula neicit ,

710 Queis non concipient putres , sibi dedita , motus.

Hinc ubi dira fames , & rerum tristis egestas

Cogit in obsessis inclusos urbibus , omni

Sese orbare sale , en languens ad pabula miles

Corripitur morbo , atque brevi contagia serpunt

715 Putrida , feralique magis lethalia bello.

E ij

Adde quod & stomachum & leni sal viscera punctu
Excitet, unde sibi facile data pabula solvant.

Mira loquor, sed vera tamen: non sæva Nephritis
Renibus ægrorum infixo generata lapillo,

Dura nec occulti vesicam tormina faxi

720

Punctibus afficient, sale si tua fercula prudens

Inspergas modico; nam sal primordia faxi,

Tartareæ fœtum molis, mucosa resolvit.

At sal illud idem nullo moderamine sumptum

Quantis aggreditur mortalia corpora damnis!

725

Jam gravis immundâ sanguis falsedine acorem

Per vasa infundit, fervet serum undique, & acri

Torquet pruritu, scabies prurigoque pellem

Deturpant, fœdâque cutis porrigine squallet.

At calor interea sale turgida viscera vexat

730

Fervidus, & siccas torrent incendia fauces.

Fomite sic salso nova morborum agmina surgunt.

Horum quanta cohors oritur, dum pabula tentant

Optima mortales mixtis corrumpere succis!

Salgama quid referam? Calidæ quid sacchara bilis

735

Materiem, Fungosque graves, urensque Sinapi

Effœti stimulum ventris, quod sana coarctet

Viscera & ardenti pessumdet labe liquores?


At spumante vocat fessum craterem poetam

Bacchus, & Aonio stillantia nectare præbet

740

Pocula; nunc satis est, jussis cedamus Iacchi.

Finis Libri secundi.



LIBER TERTIUS.

D E P O T U.

NAYADES , & rurum præsentia numina Fontes ,
 Teque , pater Neptune , canam , qui numine sacro
 Undique diffusus , terras , mare & aera compleſ.
 Te ſine nec Phœbo conceditur ulla potefas ,
 5 Nec fundent horti flores , nec mitior uvas
 Bacchus alet , Ceres ipſa ſuas tibi ſubdit ariftas.
 Scilicet & vernam fæcundis imbribus auram
 In gremium terræ infundis ; ſitientia prata ,
 Cum fervet Canis æſtivus , tu rore benigno
 10 Humeſtas ; gelidis arentes flatibus herbas
 Tu nive ſolaris ſævæ per frigora brumæ.
 Nec tua , Bacche pater , contemni munera credas ,
 Munera morofas riſu ſolventia frontes ,
 Et malè vesano quondam deſpecta Lycурgo ,
 15 Si tua miſcuerim Phœbæo pocula fonti ,
 Caſtaliusque liquor ferventes temperet uvas.
 Sic mihi , dum titubans per devia culmina Pindi
 Conſcendo , tua viſ non ebria membra reſolvat
 Et ſervem ſanam ſano ſub corpore mentem .

NON satis est epulas dente attrivisse voraci ,

20

Ipsa sitim vocat esca , ardent jam guttura , & oris

Siccior abductâ fervet falsedo salivâ ,

Nî mixti latices solvant data pabula succis ,

Ut fermenta suas possint expromere vires.

Namque ingesta sibi , solo non fercula motu

25

Dissolvit stomachus , certo subigenda liquore

Pabula sunt sensim , & miscenda fluentibus undis.

Sic tenuis fluido stillans de gurgite chylus

Ostia vasorum pervadet parvula , fluxu

Decurret facili , & variis non nexibus hærens ,

30

Vitali vegetum diffundet fomite robur.

Potus de-
ficiens.

At si deficiat solventis certa liquoris

Copia , substractoque arefcant viscera potu ,

Incaffsum dapibus tentas revocare vigorem ;

Non alimenta juvant , dulcisque fit irrita chyli

35

Materies , sed fixa manet , vasisque cohærens.

Nempe dapum salsis cumulatur partibus , acri

Sulphure turgescit chylus , nisi diluit unda ,

Mordacesque salis stimulus affusa retundit.

Acrior inde gravi distendet vasa faburrâ ,

40

Acrior & punctu torquebit viscera sanguis.

Nec satis est ; chylus subductâ spissior undâ

Vasorum nequit exiguos penetrare recessus ,

Aut si vasa subit , tenui citò parjete rupto ,

Mordax subiectas partes corrodit acore.

Inde vides longo nascantur ut agmine morbi ,

45

Visceribus pereant vires , sensimque maceſcat
 Corpus , & arenti langueſcant ilia tabe.
 Inde ſimul ſpiſſo turgeſcunt ſanguine plexus ,
 50 Fit tumor , infarctus , ſchirrus , cancerque cruen-
 tus ,
 Quæ mala ſolventi poteras avertere potu.

NON tamen immodico lympharum flumine ven- Potus ni-
 trem mius.
 Submergas , nimio ſunt & ſua damna liquori.
 Sæpius ille quidem veficæ pulſus hiatu
 55 Abripitur , pelliſve ſubit , per vaſa , meatus ;
 At ſtomachi tanto undarum torrente ſoluta
 Compages admiſſa nequit contundere motu
 Pabula ; degener hinc & lymphâ chylus aquosâ
 Turgidus , amiffas affuſo neclare vires
 60 Reddere vix poterit , languent fine robore mem-
 bra.
 Ipsiſum etiam , pœnas referens pro crime ventris ,
 Preſſum pectus anhelans urget pondus aquarum.
 Parva quidem hæc , modo non perſæpe nociva da-
 rentur
 Pocula ; fed quales potus , quâm tetra venena
 65 Fingit , & ardentι bibt haufu cæca libido ?

SOLA ſitim primis olim mortalibus unda Aquæ.
 Sedabat , puro pellucens unda nitore.

Hæc homini ; hæc eadem cunctis animantibus una
Potio concessa est , nullo quærenda labore.

Sana equidem , nam quæ citius subigenda resolvit
Pabula , quæ tenuem magis haustu suggerit undam
Chylifero fonti , ut stomacho jam ritè subactus ,
Nectareus , dulcis , leviorque per omnia serpat
Vasa , cibum fundens fitientibus undique membris.

Hinc procul insanâ quisquis formidine captus
Epotâ metuit vires restinguere lymphâ.

Aspice quâm nitido vultu , quo robore pollet
Potor aquæ , ventris manet huic vigor inconcussus ,
Firma valetudo , cæcique pathematis expers
Integra mens humorum æquatos arguit orbes.
Nam citius solvuntur aquâ data pabula , chylus
Purior exoritur : vegeto sic fomite vita
Incolumis superat grandævo sæcula cursu.

ATTAMEN haud poterit tantas expromere vires
Omnis aquæ potus : cur non variaret aquarum
Diffimilis Natura ? Sibi non omnia constant.
Pura quidem , simplex , eadem sibi constat aqua-
rum

Materies , at quot fœdatur partibus unda ,
Quot gerit illa sinu fordæs , quâm multa recondit
Corpora ! Nunc duri vehit aspera semina saxi ,
Pura tamen visu , nec tristi ingrata sapore ,
Sed sensim crustis obducit dura canales ,

70

75

80

85

90

- Ad fundum tenuem tacitè dimittit arenam,
Non sal dissolvit , lentè calefacta legumen
95 Vix coquit ; hanc fugiat , stomachi quicumque
vigorem
Incolumem servare cupit , truculentaque ventris
Tormina concreto metuit sentire lapillo.
Nunc pingui gravis unda luto , tetroque sapore
Fœtida , cœnosâ subvertit viscera fæce ,
100 Et purum immundâ vitiat putredine chylum.
Noxia quid memorem lymphis commixta metalla ?
Quid putres ligni moles ; resolutaque tabo
Gramina , queis nitor undarum corrumpitur ? Ur-
nam
Projicit indignans fontis Deus , anxia ripas
105 Deserit antiquos Nympharum turba penates.
Sæpe quidem salibus fœtam varioque metallo
Terrigenis undam dextrâ Medicina salubri
Fundit , & abstergens epotis viscera lymphis ,
Fontanas fausto sociat sibi fœdere Nymphas :
110 Frigida Baiarum jactavit balnea , thermas
Et vario Latium claros medicamine fontes ;
Talia nec Natura invidit munera Gallis.
At quis , turgentem Arsenico Cuprove , liquorem
Sobrius auderet tranquillo sumere vultu ?
115 Quin & Apollineis celebres afflatibus undæ
Sulphureo imbutæ ferro , salibusque potentes ,
Sæpius incolumi cumulatæ in corpore , vires

Depromunt nocuas , fit pro medicamine virus:

Integra numquid egent medicato viscera potu ?

Num fontis stimulos possunt perferre salini? 120

Pura decent sanum corpus , purissima captet

Pocula , qui sanus longam vult ducere vitam.

Aqua optima. Inde tibi sincero arrideat unda nitore ,

Quæ , non halitibus nares , non ora sapore ,

Torqueat , at dulci titillet guttura sensu. 125

Hæc citò suppositis fervescat ab ignibus unda ,

Reddaturque citò antiquæ tepefacta quieti :

Hæc non vasa luto obducat , non smegma resolvat

Difficilè , celerique legumina concoquat æstu.

Talis erit fluvii sinuoso vortice r apta , 130

Aut fontis saliens puro de gurgite , quam sol

Prospiciat radiis , cursu tenuata perenni :

Talem felici diffundit Sequana cursu ;

Illa salutifero recreat Parisina liquore

Pectora , subtili depromit acumina mentis 135

Nectare , pura velut Phœbæ Aganippidos unda.

Hinc tantùm studio , variisque Lutetia floret

Artibus , inde sinu tantos fovet alma Poetas.

Vinum.

TANTA quidem soli tentant adscribere Baccho

Munera , qui dulci gaudent libare Lyæo ; 140

Non ea laus Bacchi , Baccho manet altera laudum

Copia , nec fieret mentito major honore.

Hic varios carpsit gravidâ de vite racemos

- Primus , & expresso diffundens flumina fructu ,
 145 Terrigenum Ambrosio recreavit pectora potu.
 Fervidus ille liquor subtili sulphure turget ,
 Visceraque ardenti languentia roborat aurâ :
 Tartareos simul ille sales , lymphâque solutos
 Diffundit per vasa cibos ; sic corpora partim
 150 Vinum alit , & partim peregrino robore firmat.
 Tu cui nativo languescit robore venter ,
 Aut cui sâpe gravi franguntur membra labore ,
 Oblato non parce mero , opportunaque Bacchi
 Munera non sperne , at lymphâ restingue Lyæi
 155 Sulphureos ignes , sit pro medicamine vinum.
 Illud in internos penetrans levitate recessus ,
 Sanguineam subiget commixto sulphure molem ,
 Firmabitque tonum fibris , motuque citato
 Nervosum elicit quassato e sanguine rorem.
 160 Inde vigor toto firmatur corpore , robur
 Additur , expansoque tument inflata crux
 Vasa , nec assuetæ indulget mens ipsa quieti.

- Hæ dotes , hæc sunt parci genuina Lyæi
 Munera , dum contra tetro furit agmine Bacchus ,
 165 Quem ratio non justa regit , sed sola voluptas.
 At qui consilium posset , rationis & almæ
 Insita jussa sequi , immodico qui flumine vini
 Cælestem infamis gaudet submergere mentem.
 Hic meritas sceleris poenas luat , horrida ventris

Tormina, dum vino duratur massa ciborum, 170
 Sentiat; hic, cerebri distentis sanguine vasis,
 Insolitos æstus toleret, capitisque prematur
 Pondere; jam titubans balbas trahat ore loquelas.
 Nec satis est, veniet tempus quo tarda podagra
 Vexabit rigidos sævis cruciatibus artus, 175
 Et saxo miserum lacerabitur inguen acuto:
 Hos secum dicit comites incauta voluptas.
 At sapiens, numquam justi de limite certo
 Devius, oblato mentis depellere gaudet
 Tristitiam quandoque mero, tunc lætus amicis 180
 Hospitibus, risus inter sinceraque mensæ
 Gaudia, fumosi fundit carchesia vini.
 Ille siti primum calicem dicat, altera amicis
 Pocula, lætitiae nonnunquam tertia jungit,
 Quarta sed insanis prudens siccanda relinquit. 185
 Lex tamen haud eadem semper, non regula conf-
 tans:
 Sunt quibus infirmo fervens in viscere sanguis
 Affiduo tentat nisu disrumpere vasæ;
 Sunt qui siccatum spisso lentore cruentem
 Sæpius incurvo gemebundi poplite mœrent. 190
 Hi, nisi pertæsum est vitæ, cane pejus & angue
 Fallaces fugiant potus, nec tristia morbis,
 Ingluvie fœdâ capti, fomenta ministrent.

195 Copia tanta hominum , variis sic vina notantur

Dotibus , hac illâve prout tellure feruntur.

Illa gravi stomachum turgentia mole laceſſunt ,

Qualia fœcundis Aurelia ſuggerit arvis ;

Altera , ſubtili nimium ferventia parte ,

200 Turbatos pariunt agitati ſanguinis æſtus ;

Illa levi ſtimulo , ſalibus percellere acutis

Nata , brevì renes veſicæque oſtia pulsant ;

Hæc caput incendunt leviter , flammaſque minan-
tur ,

Ut quondam in ſtipulis magnus ſine viribus ignis

205 Exoritur , celeri ſolvuntur membra tremore ;

Rubra gravant ſtomachum , ſtringunt quæ nigra
Garumnae

Flumine ad extremas adeunt fragrantia terras ;

Candidiora levi puncṭurâ gaudia menti

Ferre valent , triftesque procul depellere curas.

210 Quid fraudes memorem , & densis tumulanda tene- Vina fucata;
bris

Cauponum ſcelera , æthereo ſaturata liquore

Pocula , vel terrâ , & plumbo polluta nocivo.

Tales fucatos fugias dulcedine potus ,

Ne tibi lethiferam fundant in viſcera labem :

215 Sincerum ſefe vinum commendat amico

Nectare , & immiti non pungit guttura gustu.

Hoc tu felici , Burgundia , munere gaudeſ ,

Tu ſolito recreas potu convivia , cedant

Vinum Bur-
gundum.

Clara Chios , Lesbos , celebrataque Massica tellus.

Campa- At tibi se sociam jungit Campania , vino 220
num. Exhilarans tenui mensas festiva , secundum
Postulat illa locum , negat haud submittere fasces.

NUNC me defessum ingluvies hominumque libido

Spiritus vini. Quo rapit? Æthereo ferventes igne liquores
Ebrius attrito potator gutture sorbet, 225
Nec quicquam obtusum tentans stimulare palatum.
Non huic dulce sapit vinum, non munera Bacchi
Arrident, membris spargant qui incendia potus
Expetit, & læto demens babit ore venenum.
Scilicet ille liquor totum per vasa cruorem 230
Densat, & exustis corrugat viscera fibris.
Tacta etenim diro riget arida fibra liquore,
Statque immota, stupens; tum duram versus in
offam

Hæret ad extremos frustra cruor ipse canales :
Vergitur in gypsum concreto corpore lympha. 235
Hinc stomachus languet pituitâ plenus inertis,
Inde tremunt artus , torpet mens , lingua vacillat ,
Exundatque brevì , misceri nescius , humor.
Tum , macilenta trahens scabrosis pellibus ossa ,
Novit eheu nimium , quas horruit , ebrius undas. 240
Æthereos tantum potus , hæc pocula gustet
Qui sæva Arcturi sub sydere frigora sentit :

At tu , quem cœlo Phœbus propiore salutat ,

Ferventes acido potius compesce liquore

Liquores
acidi,

245 Sanguinei laticis motus ; expansa cruoris

Massa calore tumet , succo quam stringit acerbo

Hic liquor , & bilis tumefactos comprimit æstus.

Non aliâ morbos e castris depulit arte

Romanus miles ; poto securus aceto

250 Non æstum , hostilique magis metuenda catervâ

Agmina morborum , calido sub sydere sensit.

Inde valent acidi vires , sed pharmaca parcâ

Danda manu ; nimiâque acidum virtute noceret.

Perversam hinc stomachi , constricto viscere , labem

255 Quid referam , & sputum lacero pulmone cruentum ?

Dum liquor hic fibras repetito vellicat usu.

Nec proprium hoc acidis , nimiâ quoque sacchara dosi

Perturbant stomachum , & dulci lentore fatigant.

JAMQUE vides vario quantùm sua guttura potu

260 Mortales stimulent ; nil non versare sagaci

Luxuries audet dextrâ , cerealia , fructus ,

Semina , radices , frondes & ligna revolvit ;

Quæque suos jactat potus , sua pocula tellus :

Gallia Burgundum laticem , Normannia spissum

Pomaceum,

265 Pomorum celebrat succum , quo sæpe gravatur

Ventriculus , sed quo phtisicis imbellia fibris

Pectora firmantur ; Batavorum faucibus una
 Cervisia. Cervisia arridet , Lenæaque munera spernunt.
 Ille , levi tenuis succo certoque subactus
 Igne , liquor , blando ferventem temperat æstum 270
 Flumine , & innocuo mollit præcordia potu ;
 At fuge ferventem Lupulo , crassâve liquorem
 Materiâ spissum , talis nam glutine lento
 Cervisia obtundit stomachum , tristique sopore
 Offendit Lethæa caput. Sincera capessat
 Pocula , qui vegeto vult ducere corpore vitam. 275

DUM properans sequor incœptum , tritoque via-
 rum

Tramite progredior , Bacchus vestigia retro.
 Me revocare jubet , non hic Semeleius infans
 Mollior , insidensque cado , at Mavortius Indi 280
 Victor , pampineis redimitus bellica fertis
 Tempora , quem sequitur comitum metuenda ca-
 terva ,
 Quemque triumphalis sublimem e vertice currûs
 Indomitas referunt fræno submittere tigres.
 Ille mihi Thæam , Cocolatam , & semina Coffæ 285
 Porrigit , ac cantare novo jubet Indica versu
 Munera. Quî possem jussis obsistere Bacchi ?
 Namque voluptatum blandâ dulcedine mentem
 Sollicitat , recreatque jocis , purumque leporem
 Instillans animis , nova fundere gaudia novit 290

Nec

Dulcia nec satis est nostrum sparsisse per orbem
 Munera ; jucundo guttur mulcentia sensu ,
 Pocula terrarum extremis asportat ab oris.

Hinc nova laus Bacchi , totumque sacrata per or-
 bem

295 Victor Baccho clari monumenta trophæi ;
 Ecquis enim Indorum perfusus nectare , gratam
 Lenæo patri pateram libare recusat ?

ILLE feros armis quondam superaverat Indos , Thæsi
 Lætaque solemni devinctus tempora lauro ,
 300 Ardentes currum per terras victor agebat.
 Turba sequebatur satyrum longo agmine , magna
 Evohe voce canens , multo fumosa Falerno.
 Ecce triumphalis marcat siccata calore
 Laurus , & auratos deturpat marcida crines.
 305 Jamque levi currunt Satyri pede , currit asello
 Silenus titubante pater , viridantia ferta
 Undique diffusi querunt , queis nectere Baccho
 Tempora , & antiquam possint renovare coronam.
 Nulla äderat laurus , Phœbo propiora calenti
 310 Arva fugit , quondam amplexu perterrita Daphne.
 At similis lauro , folio conspersa virenti
 Altera sponte suâ Sileno se obtulit arbor.
 Carpit , & insolitâ Lenæum fronde coronat :
 Illa patris Bacchi tetigit vix tempora , vires
 315 Acquirit mutata novas. Hoc munere dives

Indica gens , non jam longinquis quærit ab oris
Pocula : vinorum gustu jucunda salubri
Supplet Thæa vices , & stillat amara vigorem.
Scilicet hæc ferro leviter folia usta calenti
Succum acrem sudant , quo turgida , dulcior intus 320
Pars supereft longo ferri tenuata calore.
Hæc totam facilè per aquam diffunditur , auras
Suppeditans infusa , quibus medicata salubrem
Sufficiunt potum languenti pocula ventri.
Ecce , gravi torpens fera tormina venter ab escâ 325
Sentiat , hesternâve dapum sub mole gravetur ,
Suavis abundantि stagnantem Thæa faburram
Solvet aquâ , & stimulo stomachum firmabit amaro.
Inde vigor redit antiquus , validasque resumit
Ventriculus vires , queis solvere pabula possit. 330
Nec satis : ille latex cursu per viscera pressus ,
Chyliferos subit anfractus , mixtusque liquori
Sanguineo , concreta potens virtute resolvit.
Purior hinc oritur chylus , sic purior ipse
Sanguis , & illimes manant e sanguine succi. 335
Adde quod & blando nervorum stamina sensu
Sollicitet , cieatque leves per vasa tumultus
Thæa , novo teritur motu liquor undique pressus ,
Attritusque subit laxæ spiracula pellis.
Hinc largo stomachum Thææ si proluis haustu , 340
Diffusis manare vides sudoribus artus.
Vos queis concreto stringuntur membra liquore ,

Queis, cute constrictâ, spissi retropellitur intus

Materies metuenda feri, quæ pectora possit

345 Lædere, vel varias affluxu offendere partes,

Non tantis oblata malis contemnите Bacchi

Munera, concretos dissolvit Thæa liquores,

Perque cutis solitos pellit commixta meatus.

Nec minùs oppressum nimio si phlegmate corpus

350 Torpet iners, præsens offert tibi Thæa levamen:

En redeunt vires, substracto pondere corpus

Fit levius, non jam incumbenti mole gravantur

Pectora, firmatis tenduntur membra lacertis:

Tanta salutiferæ frondi concessa potestas!

355 Non tamen, assiduo forbillans gutture Thæam,

Immodico lymphæ distendas pondere ventrem.

Inde brevè rueret stomachi vigor, undique largo

Flumine diffuerent artus, mox sanguis amico

Exhaustus liquido spissesceret, arida demum

360 Lethalis sensim tenuaret viscera tabes.

Quod si nativâ stringuntur pectora labe,

Et graciles siccis tenduntur funibus artus,

Siccan tem fugias potum, vitandaque Thææ

Pocula robustis prudens forbenda relinquas.

365 DISSIMILEM patriâ diversis Africa mittit

Coffea.

Dotibus illustrem Coffæam: hæc semina Coffe

Plurimus insigni cecinit jam carmine vates,

Sublimem subtili agitatus nectare mentem.

Jamque tuæ vilescit honos Aganippidos undæ,
 Phæbe pater, multo sordent vinosa Lyæi
 Pocula squallore, & totum Coffæa per orbem
 Plura sub imperio populorum guttura mittit.
 Nempe suos Baccho quondam Mahometus hono-
 res

Detrectare ausus, Bacchique a sedibus aras,
 Lætasque avulso subvertens palmite vites,
 Impius audaci damnavit crimine vinum.

Nec mora, Bacchantū lymphatâ mente caterva
 Infremuit, tumidas exarsit Bacchus in iras,
 Et rabido Satyri complerunt aera planctu.

Jamque nefandus Arabs mentem formidine pressus,
 Iratum placare Deum, furibundaque tentat
 Submisso vultu Satyrorum flectere corda.

At decus antiquum depulso reddere vino,
 Et damnata priùs rursum revocare recusat
 Pocula; fumosas vinosi nectaris horret
 Vires, queis crescit sacri violentia morbi.

Sed suavem calido Coffæam nectare, vinum
 Quò possit supplere, Deo sacravit, avito
 Sollicitans Arabum fitientia guttura potu.
 Sic ignota priùs totum Coffæa per orbem

Spargitur, & vino antiquum subducit honorem.
 Quippe novo passim indulgent delusa liquori
 Guttura, nec Lybiam solùm Nabathæaque regna
 Imperio Coffæa tenet, jactantur ab Indo

370

375

385

390

395 Nota per occiduos Europæ pocula fines.

Hinc Coffææ Arabes patriam tumulumque prophetæ

Fronde decorarunt , nitidis ibi frondibus arbor
Eminet , & fructu Mahometo sacra refulget.

Hæc dum vere novo ferventes temperat auras

400 Afflatu Zephyrus leni , Lybiamque salutat
Obliquis Phœbus radiis , candore superbit
Florida , mulcentemque per aera fundit odorem,
Ac velut æstivo si fervent arva calore ,

Cum primùm inducunt optata crepuscula noctem;

405 Humidus afflatu perfunditur aer odoro ,
Diffusosque die condensans aura vapores
Frigida demittit ; puro viridantia prata
Thure litant Floræ per amica silentia noctis ;
Interea laudesque Deæ , verisque decorem

410 Concentu celebrat tristis Philomela canoro.
Sic Arabum saltus grato perfundit odore ,
Cum florem Coffe reserato germine trudit.
Hic candore nitens , jasmini serta figurâ
Mentitur , similis color est , similisque corolla ,

415 Quæ crasso sinuata tubo laceratur ad oras ,
Quintuplicique refert limbi sinuamine stellam.
Intus venturæ spem prolis quinque recondit
Stamina , * quæ tenui floris surgentia collo

* Stamina florum partes illæ di- | pars quæ fœminæ vices gerit.
cuntur a Botanicis quæ masculæ | Scilicet flores inter plurimi sunt
sunt , dum contra pistillus est ea | hermaphroditi qui utroque sexu .

Pistilli duplex fæcudent pulvere filum.

Nam Floræ haud ignotus amor , connubia noscit 420

Plantarum genus omne , & blandis ignibus ardet.

Nempe quot e medio consurgunt stamina flore ,

Tot prudens tribuit plantæ Natura maritos

Pulvere prolifico fætos , quem stamina pulsu

Undique dispergunt ; subtilem spermatis auram * 425

Pistillus retinet filis , intusque recondit ,

Fœmineasque gerit laxato corpore partes.

Inde tumescens , maturo semine , surgunt

Viscera pistilli , sic certo tempore semen

Parturit ; hæc vera est mutato nomine proles. 430

Non aliter Coffe blando saturata rigatur

Spermate , pistilli tumefacto capsula surgit

Ventre , duplex oritur referato cortice fætus.

Ille fabæ tenuis fructus formam exprimit , orbem

Semiglobo referens dupli , impressoque notatur 435

Interius fulco , germen qui tegmine condat.

Hæc faba Coffææ proles , hæc blanda Deorum

Munera , quæ dulci perfundant nectare fauces.

Scilicet hæc lento flamarum tosta calore

Semina , fragranti nares suffimine mulcent ; 440

Fit levior pinguis succus , flammâque subactis

Partibus , ambrosium tenuis diffundit odorem,

staminibus scilicet & pistillo do-
nantur. Talis est flos Coffææ qui
quinque stamina & pistillumque
recondit,

* Staminum apices maturi
pulverem fundunt , qui videtur
esse pulvis prolificus quo pistillus
fæcundatur.

Nempe gravi pollens muco , non fragrat odore
 Viscida materies , aut si corpuscula spargit ,

445 Vix nasi obtusâ feriunt compage papillas ,
 Dum contra tenues spargens levis aura vapores ,
 Subtiles atomos altè imprimit , ostia cedunt
 Pellis , & infixâ fibrillæ parte moventur .

Sic inodora priùs Coffe tenuatur ab igne
 450 Et blando recreat mortalia corda sapore .

Nec satis : ignito Coffe faba tosta vapore ,
 Conteritur ferro , & lymphâ concocta calenti
 Pulvere perfundit mixtum tepefacta liquorem .
 Jam Laseris cedat succus , mellitaque cedant
 455 Vina patrum , & multo celebrati carmine potus ;
 Quin & cælicolum turbæ Junonia virgo
 Trojanusque puer Coffæam vase calenti
 Fundunt , ipse madet mutato nectare Bacchus .
 Multiplici ditavit enim nova pocula dote

460 Phœbus , & infirmis voluit suffundere robur .
 Qui non sufficerent ? Potum commendat amaror ,
 Non qui potorum gustu pessumdet acerbo
 Guttura morosus , sed qui languentia dulci
 Viscera sollicitet stimulo , leviorque bibentum

465 Alliciat mixtâ lætum dulcedine guttur .
 Sic data firmato dissolvit pabula venter
 Robore , non gignit lentam pituita saburram ,
 Nec serpunt acidi tumido de viscere flatus .
 Sorbet enim Coffæa serum , salsaque salinis

Partibus immutat partes, dum sulphure gluten
Solvit, & exustis bibt altè partibus undam.

470

Cum priscis Coffe quondam neglecta jacebat
Temporibus, si quis languenti ventre laborans
Non nisi difficili nisu dissolveret escam,

Dura fuit lex ægrotis Centauria amara
Porrigere, austriisque ingrata Absinthia fibris;
Dira recusabat leviori pharmaca morbo,
Tetraque reddebat vomitu medicamina venter:
At quod Coffæa medicamen blandius, alvum
Quæ magis esca juvat? Verum hoc Nepenthes
amaros

475

Protinus expellens lenitâ mente dolores.

Illa per internos vasorum pulsa recessus
Sollicitat stimulo partes, laticemque cruris
Atterit, hinc toto dispersus corpore sanguis
Jam citius celeri percurrit vascula cursu,
Et cerebri flexos largo rigat imbre canales:
Adde quod expanso tumefactæ sanguine venæ
Imposito tendant vicinos pondere nervos,
Et citius solitum cogant iterare tremorem.
Corporis hinc crescit vigor, hinc & mentis acu-

485

men

Evehitur, rutilumque irrorant gaudia vultum,
Plurimus insigni celebratur carmine vates
Cui fons Pegaseus Coffe, cui solus Apollo:
Nec magis accendit divino corda vapore

- 495 Bacchus, & in mentem blandos instillat amores,
Ergo effœta gravat si te pituita, salubrem
Non recuses Coffe potum, quin ventris obesa
Crassities ruet inde, sopor non languida solvet
Pectora post epulas, blandoque levamine fatus
500 Urgenti poscet stimulo nova pabula venter.
At sicut ambrosium latè quæ fundit odorem,
Quæ micat Idalio cervicem sanguine tincta,
Et rutili pandit speciosa volumina floris,
Veris honos, Rosa pratorum regina, recondit
505 Interiùs spinas, & vulnere pungit acerbo:
Utque Deūm munus, vitæque tot usibus apta
Ferrea compages, terram quod findere possit
Utile suppeditat vomer, simul arma ministrat,
Quæ sævas spargant repetito vulnere strages;
510 Sic & sæpe nocent Coffe dulcissima gustu
Pocula, dum cunctis dantur discrimine nullo
Corporibus, nimiove irrorant gurgite ventrem.
Illa quidem calidis sensim nimis humida siccant
Viscera particulis, at si jam sicca rigescunt
515 Corpora, vel nimio tenduntur robore nervi,
Sensilis atque cito si vibrat fibra tremore,
Quanta mali soboles? Igni sic subditur ignis,
Subjectoque brevì glomeratur fomite flamma.
Frustra, somnifero redimita papavere crines,
520 Nox fessas tacitâ velat caligine terras;
Irrequia thoro volvuntur membra, sopore

Vix agitata levi solvuntur lumina , somnus
Avolat , atque gravis manet ægro corpore languor.
Et quî nervorum laxaret stamina Morpheus
Quæ distenta quatit valido crux impete pulsus ? 525
Hæc fremitu concussa rigent , vix lassa moveri
Membra queunt , vagus imbelles tremor occupat
artus.

Nec dapibus spores cumulatis reddere robur
Quas mentita fames poscit , quas aridus alveo
Absorbet stomachus ; sicco tenuata calore , 530
Pabula pungenti perfundunt vascula chylo ,
Nec blando sitiens recreatur nectare corpus.
Torrida sic sensim consumit viscera tabes ,
Informesque macent admissis ignibus artus.
Illa quidem sumptâ haud vexant incommoda Coffe , 535
Si valido durum firmatur robore corpus ,
Nervorumque gravi quassantur stamina motu.
Non tamen inde tuo nimium confide vigori ,
Nec largo Coffe perfundas viscera potu.
Nam licet intactæ vegeto stent corpore vires , 540
Ille brevè rueret solitus vigor , arida siccum
Detereret corpus macies , calidoque liquore
Constrictus , nollet dissolvere pabula venter.
Hinc caveat Coffe nimis indulgere liquori
Qui senio cupid annofo producere vitam. 545
Quidquid enim parvâ magnam vim mole recludit ,
Anceps ut gladius , nunquam stat inutile , magnos

- Exerit effectus; seu morbida dote salubri
 Corpora restauret, tetram seu corpore labem
 550 Diffundens acri pessumdet corpora viru.
 Ergo age, non Coffe nullo discrimine succum
 Profundas cunctis, nec quos sibi legit alumnos
 Phœbus, siccanti tentes tenuare liquore.
 Quisquis enim sacris Phœbi noctùque diùque
 555 Artibus indulget vigilans, studiisque fatigat
 Assiduus mentem, doctrinam sæpe rependit
 Multiplici morbo; raro sine detrimento
 Corporis, ingenii divinum crescit acumen.
 Nervorum ille vapor, tenuis quâ membra moven-
 tur,
 560 Quâ crassæ compagi animus connectitur, aura,
 Subsidium, fomesque animæ, de corpore toto
 Confluit ad cerebrum, languent orbata liquore
 Stamina nervorum, nec jam sua munia complent.
 Sic perit innatum robur, sic membra fatiscunt,
 565 Visceraque, & validis quondam organa concita
 nervis.
 At stomachus, nervorum amplio glomeramine dives,
 Primùm languet iners, laxato e parjete largam
 Undique diffundit mananti flumine lympham.
 Hanc Coffæa quidem sorbet, stimulisque laceffens
 570 Viscera, fallaci sopit solamine morbum;
 Causa mali manet interea, rediviva resurgunt
 Tormina, quin sicco magis ac magis arida potu-

Nervorum moles alit aucto somite morbum.
 Sic & saepe vides Bacchi qui signa sequuntur,
 Dum tumet effusis distentus venter ab undis, 575
 Membraque deseruit priscum languentia robur,
 Crebrius epoto vires exquirere Baccho:
 Hinc virtus fugitiva redit, sed lubrica virtus,
 Quae celeri citius vento avolat, hanc citio languor
 Excipit, infaustoque tenax medicamine morbus. 580
 Saepe tamen Coffe mentem recreare liquore
 Gens Phœbæa cupit, namque est sua cuique vo-
 luptas:
 Temperet hunc saltem mulcenti copia lactis
 Connubio, dulcique ardorem dote retundat.

Cocholata.

JAMQUE novo supereft alter delatus ab orbe 585
 Potus, & extremâ nascentia pocula Thule
 Carminibus veniunt iterum celebranda canoris.
 Quippe suis certatim Indus contendit uterque
 Muneribus, gemmas alter parit, alter & aurum
 Suppeditat, Coffe Thæamque dat ille sapore 590
 Pungentem grato, Cocholatam parturit alter
 Pigra senum pingui instaurantem viscera succo.
 Nempe tot insignes inter, queis Indica tellus
 Turget opes, viridanti arbor pretiosa superbit
 Fronde, patres Cacao dixerunt, nomine Græco 595
 Nunc Theobroma vocant, sacrataque pabula Di-
 vum,

Illa Nucem floris referato e germe trudit
Seminibus vario digestis ordine fœtam,
Blandaque lenito referentem mella sapore.

600 Hæc assata priùs teritur, pastamque subacta
Suppeditat, calidâ quæ sensim solvitur undâ.
Sic Nucis extraxit pingui de viscere succum
Indica gens, dulcisque novo spissamine fructûs
Munera supplevit sibi non concessa Lyæi.

605 Nec Cocholata diù patrio conclusa remansit
Limite, at Europæ confestim sparsa per oras
Guttura victorum grâtâ dulcedine vicit.
Jamque novum sorbet protractis quisque liquorem
Haustibus, & nitidâ tranquillus dives in aulâ,

610 Et matutinis fallens jejunia mensis
Fœmina, tumque senex, tum longis languida
fessus

Viscera tormentis, lassusque labore viator,
Et quicumque cupit fractum reparare vigorem.

Turget enim Cocholata cibo, pinguique redundat

615 Sulphure, quod stomachi contritum viribus, am-
plum

Suppeditat chyli fontem; fit larga cruxris
Materies, nervosque exundanti irrigat aurâ.

Sic juvenis senibus virtus, sic & vigor ægris
Redditur, aut fractum veneris post prælia robur.

620 Tanta quidem nunquam posset nux cruda referre
Commoda, sed fibras stomachi indigesta gravaret:

Ecquid enim pingues tenuarent viscera succos,
Compactamve nucis tererent glomeramine massam?

Ast oleum subigit Cocholatæ flamma, levesque

Immittit partes ignis, queis languida pungat

Ilia, sopitum & possit stimulare vigorem.

Sunt tamen effæto queis æger robore venter

Viscosam nequeat Cocholatæ solvere massam;

Sola cavo stomachi nunquam mutata maneret,

Ni molles stimulo fibras urgeret aroma.

Sæpius hinc massæ redolens & Moschus & Ambar

Additur, aut longè præstans filiquosa Vanilla.

Ergo datur Cocholata duplex & rebus & usu

Dislimilis, vario prior halat Aromate, simplex

Altera; sustentat magis hæc, magis altera pun-
git.

Tu qui nutantem tentas revocare vigorem,

Aut morbo fractum, fessumve laboribus amplio

Vis recreare cibo, modò virtus integra ventris

Perstet, Aromatico nunquam irritare liquore

Viscera consultus caveas, quæ lactea chyli

Compages tantùm innatâ dulcedine firmat.

Nec magis admixtum Cocholatæ arridet Aro-
ma,

Dum validæ juveni vires, dumque impete magno

Mollia pulmonum sanguis penetralia pulsat.

At senis imbellem stomachum, submersaque
muco

625

630

635

640

645


Viscera sollicitare juvat , licet arte salubri
Extinctum senio sensim reparare calorem :
Sic senibus simul apta cibo , simul apta vigori
Materies Cocholata venit , sic saecula vitae
650 Longævo numerant cursu , manet integra men-
tis

Interea virtus , quin & Parnassia possunt
Saepius illustri descendere culmina gressu.

Finis Tertii Libri.



L I B E R



LIBER QUARTUS

DE MOTU ET QUIETE.

OMNIA perpetuo rapiuntur sydera motu,
 Nec datur ulla quies , ast impete quodque recepto
 Pellitur , & recto semper procedere corpus
 Nititur impulsu , sinerent si fata , sed illi
 5 Indixit Natura viam , vis altera vincit ,
 Quæ trahit ad fixum fugientia corpora solem.
 Hinc novus e dupli componitur ordine gressus ,
 Et magno quæcumque micant errantia cœlo
 Sydera , centralem curvo Phœbu m orbesalutant.
 10 Non aliter gyros iterant stridentia fundæ
 Verbera , dum rectas tentat cæco impete plumbum
 Ire vias , at dextra potens hoc func coercet.
 Sic Natura viget motu , valet integra rerum
 Virtus , hoc mundi stat fabrica fundamento.
 15 Cætera quæ rerum naturam corpora condunt
 Motus perpetuos pariter patiuntur ; & intus
 Pelluntur semper partes , pulsæque resistunt.
 Hinc variata modis mutatur machina miris ,

Et recreata novas oculis mirantibus offert
 Formarum species, dum nunc grandescere cernis 20
 Parva prius, nunc magna modò resoluta liquef-
 cunt.

LEX eadem, similisque regit mortalia motus
 Corpora, sanguineum pelli per vasa liquorēm,
 Cordis & assiduo thalamos pervadere fluxu,
 Non interrupto pulsari pectora flatu, 25
 Multiplicemque vides percurrere vascula lympham.
 Motibus alternis stat corpus, vita perenni
 Impulsūs manet orbe, brevī lapsura ruinā
 Organa si solito cessent vitalia fungi
 Munere. Nec regit hos motus, augetve voluntas 30
 Mentis ad arbitrium: nunquid tardare cruoris
 Aut celerare potes cursum? Quis fluminia jussu
 Roralem nervis lympham stillantia fistit?
 Ast alia est motūs species, quam sola gubernat
 Libera mens hominis; prout fert mea corde vo- 35
 luntas
 Exercere choros, salto, vel currere, curro.
 Felix qui servans æquatā mente quietem,
 Qui compos animi, nulloque pathemate raptus,
 Tales lance potest certā componere motus.
 Nam velut ignavā torpescunt membra quiete 40
 Flaccida, languet iners subducto robore corpus,
 Ægraque neglecto torquentur viscera motu,

Sic nimios pariter motus sua damna sequuntur.

HÆC timidus vates dum carmine pando salubri,
 45 Adsis diva Salus : hæc sunt tua regna , medendi
 Arte vales , medicam modulor nunc versibus ar-
 tem.

Quid valet in nostro producere corpore motus ,
 Quid moderata quies , sit quanta utriusque potestas
 Diva mihi memora , nam non sine numine quon-
 dam

50 Semina morborum , sub corpore condita , norant
 Graiorum Medici assiduo rescindere motu ,
 Membraque prædurâ sarcire infirma palæstrâ.
 Nec minùs hac grandi Medici nunc arte valerent ,
 Si non imbelles ægrorum solveret artus

55 Segnities , at nunc quis dives membra movere
 Nititur , aut pedibus manibusve inglorius uti.
 Ecce valens juvenis rhedâ resupinus inertis ,
 Orbatus veluti pedibus , defertur , & idem
 Vestibus immotus , trepidantibus undique servis ,

60 Induitur : tu sculpta putas simulacra Deorum
 Quæ cultu insano exornat devota Sacerdos.
 Non ea Graiorum invictas vecordia mentes
 Mollierat ; luctâ , cursu , contendere & armis ,
 Aut pugnare manu , validis certare lacertis ,

65 Et medios inter populi plaudentis honores
 Fessa coronari victrici tempora lauro ,

100 LIBER QUARTUS

Hæc fuit heroum virtus, hæc gloria: Quantum
Corporis ad vires præstet mentisque vigorem
Motus, ab antiquo servabant Pœone Graii.

Motus de-
ficiens. Atmala, neglecto motu, quanto agmine surgant, 70
Multiplices quantum mortalia corpora vexent
Passibus occultis & cæco tramite morbi,
Carmine quis vates unquam comprehendere posset?
Scilicet humorum moles, quæ vasa liquore
Dissimilis vario irrorat, sincera perenni 75
Stat motu; motu variæ, quas aggerit alveo
Atque simul cogit, partes conflantur in unam
Materiem, sensimque sibi similantur, eundem
Jam referunt succum, tritu cursuque subactæ.
Desinat interea motus, fluxuque liquoris 80
Cesset ab assueto moles, disjuncta coabit
Altera pars, tenuis disrupto dum altera nexu
Mutata in vapidam convertitur indole lympham.
Sic & saepe vides secto de vase cruentem
Fluxibus æquatis, unâque erumpere formâ; 85
Sanguinis est eadem facies, similisque videtur
Materies; internus ubi calor avolat, idem
Deficiente coit motu, massamque coactus
Efformat, rigidum quæ possit vincere cornu;
Lympha simul massæ discreta supernatat, omnis 90
Vertitur humoris moles, nec sanguis, at ichor
Ater, & in putrem citò dissolvendus amurcam.
Nec minùs hæc eadem, sed vi majore, perennis

Exerit in vivâ Motus compage liquorum.

95 Ille potest rutilum candenti e lacte cruorem
Elicere ; immenso cursu per vasa , per ampla
Pectora , per varios artus , cunctique recessus
Corporis , affusum subigit , mutatque subactum
Chyliferum laticem , e chylo fit sanguis , eodem

100 Servandus motu quo primùm nascitur : omnis
Impulsu stimulante liquor de fonte cruoris
Exoritur , jecoris subiens oleosa canales
Bilis , & assiduo quem glandula gurgite fundit
Pancreatis liquor , & cerebri purissima lympha.

105 Sanguinis at cursum fovet , internosque liquorum
Accelerat motus , quâ corpora nostra moventur ,
Actio ; si curris , celeri salit impete pectus ,
Cor validè pulsat , turgescunt sanguine vasa ,
Mentiturque febrem repetito verbere Pulsus.

110 Non secus inciso stillantem e vase cruorem
Motibus accelerant digiti , fluxuque perenni
Exilit alterno motûs cruar ordine pressus.
S ilicet oppositis flectuntur membra vicissim
Funibus , hi , densis fibrarum fascibus , artus.

115 Contracti adducunt , curtatae crassior extat
Carnea compages fibræ , vicinaque mole
Vasa premit , motumque alterno promovet iactu.
Pellitur hinc sanguis , pulsi sua vasa liquores
Præcipiti pede percurrunt , attritaque motu
120 Hinc subit humorum facile sua munia moles.

QUAM juvet assiduo membra exercere labore
 Inde vides , puro quò sanguis vasa liquore
 Impleat , æquali quò cursu vasa salutet ,
 Immensosque sinu mittens ex ubere rivos ,
 Fæcibus expurget nocuis turgentia forde 125
 Viscera : sed torpent segni si membra quiete ,
 Stagnat iners nullo propulsus verbere sanguis ,
 Aggestusque brevì concrescit , vasa tumore
 Multiplici surgunt , vix corpore glandula toto
 Antiquum tribuit lymphæ jam pervia calle ; 130
 At tumet infarctu , & manibus tractata resistit.
 Adde quod e toto pellendæ corpore fordes ,
 Tum quas per renum tubulos urina propellit ,
 Tum quæ materiem præstant sudoris , hiatu
 Multiplici pellis raptæ , tum crassius alvi 135
 Magma , sibi incassum concessa ad viscera pul-
 fent ;

Motus languet iners , hærent ; impura cruoris
 Immotis repit fæx vasibus ; unda paludis
 Sic stagnat vitiata luto , tetramque Mephitim
 Exhalans , latè loca cuncta putredine fœdat. 140

INDE mali soboles quàm dira liquoribus instat !
 Ergo suæ potiùs nunc desidis otia vitæ ,
 Non fortunam incuset iners , dum glandula duro
 Tubere consurgens , infarctis ilia succis
 Obstruit , aut vario moles aggesta liquorum 145

Viscere decumbens , vomicam inflammata laten-
tem

Excitat , ille melancholico mærore gravatus ,
Siccaque vix croceis condens sub pellibus ossa ,
Artis tandem implorat opem , sed sæpius eheu !

150 Ars nequit infixas altè medicamine morbi
Vellere radices , nil jam nil pharmaca prosunt ,
Poculaque & duro Stibium cum Marte subactum .
Hanc solus potuit motus prævertere labem ,
Solus & hanc posset nunc vincere , sed tonus om-
nis

155 Deficit in solidis , nec inertia vasa liquores
Concretos possunt dissolvere ; quippe quiete
Laxantur nimiâ imbelles , nec jam sua fibræ ,
Ut priùs , exercent contractis munia villis :
Languida vix pellunt spissatum vasa cruentem ,

160 Qui possent obices repetito tollere nisu ?
Nulla salus supereft , at nervis membra solutis
Sæpius ignavo languent oppressa stupore .
Sola manet , sed proh qualis , quæmque horrida
vita !

Tristis & immiti magis anxia funere vita !

165 Sic patitur miserandus iners , qui mollia motu
Vix laffare levi quondam sua membra volebat ,
Antiquasque luit , morbo nunc vindice , noxas .

ERGO age , non duro timeas compellere motu

G iv

104 LIBER QUARTUS

Membra , nec assiduis firmare laboribus artus.
 Certa tamen motū lex esto , certa quietis , 170
Motus nimius. Nec fessum lasses , nullo moderamine , corpus.
 Florida fœcundans blando Sol arva calore ,
 Exurit nimiiſ ſiccatoſ ignib⁹ agroſ :
 Et ſegetes recreans diſperſiſ roribus imber ,
 Sæpe potefit meſſem aggrefiſ ſubvertere nimbiſ : 175
 Sic nimius ſecum metuenda pericula motuſ
 Advehit , & variā pefſumdat corpora labē.
 Quippe perennanti paulatim viſcera motuſ
 Solvuntur , nimio fibrarum agitata labore
 Deteritur moles , attritaque vafa liquořes 180
 Abripiunt rapido curſu , ſenſimque reſolvunt.
 Has cibus amiffas blando reparare liquoře
 Particulaſ poſſet , tantam ſed pabula cladem
 Nec ſarcire queunt , nec feffus fercula venter
 Concoquit ; aut ſi quæ longo pars cocta labore eſt , 185
 Hæc citiùſ curſu percurrit vafcula , nullis
 Partibus infixa , & pellis ſubit omnis hiatus.
 Sic ſolidas motuſ partes , ſic corporiſ offa
 Dura quidem ſenſim conſumit : non ſecuſ unda
 Durum ſæpe cavat ſinuoſo gurgite faxum , 190
 Durius & ſaxis ferrum conſumitur uſu.
 Interea fluidiſ labes ſimul altera motu
 Imprimitur nimio , falibus fit maſſa liquorū
 Acrior expaſiſ , tenui dum parte propulsā
 Terrenum ſupererſt effæto glutine magma. 195

Languida protractis imprudens membra fatigè
 Motibus , exhausto manat de corpore sudor ;
 Non tantùm fæx importuna , & inutilis humor
 Avolat , at motu tumefactis vāsibus , omnes
 200 Pellis hiant tubuli , pars illibata cruris ,
 Purior humorum flos , defæcataque lympha ,
 Quæ blandum membris rorem fœcunda ministrat ,
 Truditur ; hinc marcent subductis viscera succis ,
 Viscidus angusto sanguis vix calle movetur ,
 205 Sistitur , & siccum languet sine robore corpus.
 Hanc maciem fovet infensam falsedo liquorum
 Acrior , attritas partes tenuata cruris
 Sulphura corrodunt , demum callosa labore
 Corpora deturpat citò præmatura senectus .
 210 Aspice quos vitam acri sustentare labore ,
 Quos manibus terram versare coegit egestas
 Improba ; quem referunt incurvo corpore vultum ,
 Crinibus ut squalent juvenilia tempora canis !
 Arida quæ macies ! Primævo in flore juventæ
 215 Flectere vix rigidos artus silicernia possunt.
 Tot mala prævertis justo moderamine motūs .

HIC stimulo leviter fibras impellit amico ,
 Vasaque sollicitat ; celeri fluit inde liquorum
 Mobilior cursu moles , perque omnia fertur
 220 Viscera , nec segni lenteſcit ſpiffa quiete :
 Sic valet inconcuffa ſalus , agilique vigore

Motus mod
eratus.

Membra micant, alacrisque nitet mens corpore
fano.

Insuper assiduo firmantur membra labore,
Seu totum moveas corpus, seu certa labore
Membra ferant tantum, majori hæc robore pol- 225
lent.

Ut valet artificum nervosis turba lacertis
Brachia dum exercet, repetitisque ictibus instans
Æra quatit; resonanti ferrum incude resultat,
Nec mora, nec requies, crepitat sub pondere
massa

Mollior, inque novam exurgit percussa figuram. 230
Nec minus effœtis languet qui viribus infans,
Blandula quem nutrix, aut quem matricula pal-
lens

Sollicito fovere sinu, mollique sub arcâ
Servarunt recubantem, qui nec frigora brumæ,
Nec solis sensit radios, atque aeris auræ 235
Exposuit nunquam caput, ut toto ore vigorem
Concipit & robur firmato pectore spirat,
Cum primum juvenis justo sua membra labore
Exercere audet, solitâque cupidine fervens,
Gaudet equi cursum spumanti flectere fræno, 240
Aut celeres agitare feras, aut arma movere,
Nec timet aerios æstus, nec frigora brumæ.
Illiis interea turgescens albida tingit
Ora crux, nervisque rigent robusta pilosis

- 245 Brachia , stat validi nunc Herculis æmulus heros ,
 Qui molli imbellem referebat fronte puellam :
 Usque adeo motu juvenum firmata vigescunt
 Corpora , & assueto durantur membra labore !
 Inde tot intrepidis numerosas Gallia gentes
- 250 Militibus superare valet , tot fulmina belli
 Protulit , indomitos queis victrix sterneret hostes ,
 Et totum imperio latè submitteret orbem.
 Ipse nec assiduo negat indulgere labori
 Dilectus populis Lodoix , qui sæpe frementis
- 255 Tergora equi premit ante alias ; dant classica si-
 gnum ,
 Prævertit celeri cursu rapidam ille sagittam ;
 Jam trepidi fugiunt Damæ , jam retia Cervos
 Decipiunt , lacrymis humectant grandibus illi
 Ora , premit tamen usque Canum vis improba ,
 frustra
- 260 Cornibus adversis luctantur , fata morari
 Nulla via est ; tanti Regis succumbere jussu
 Dedecus est nullum miseris , caput ecce trophæum
 Figitur ad sacros , manet hos ea gloria , postes.
 Interea fauni , & Satyrûm densissima turba
- 265 Astupuere viro , quem majestate decorum
 Sylvarum agnoscunt Dominum , Regemque veren-
 tur ;
 Et Dryades dulcis senferunt semina flammæ.
 Assensu resonant sylvæ , plausuque resultant.

Nam recreare animos æquum est , & corpora
motu

Exercere ducem , cui tanta negotia curæ ,

Qui sibi devinctos æterno fœdere amoris

Tutatur Gallos , qui justis legibus orbem

Temperat , & sacrâ redimitus tempora lauro

Componit populos , ac pacis vîctor olivam

Europæ ostentat , vîtrices spernere palmas

Fortior : at ludens fallacis imagine belli

Ponè ducem sequitur comitum pulcherrima turba ,

Eque oculis Regis pendent , & jussa capeſſunt ;

Mirantur strepitum matres , & ludicra laudant

Prælia , & arma virûm ostentant , fortisque lacer- 280
tos.

AT non quemque leves cursu prævertere Cer-
vos ,

Tela vibrare manu , aut similes perferre labores

Debilis patitur , proprium sic quisque vigorem

Diversæ species exercitii. Prospiciat , nimiis ne laſſet motibus artus.

Hinc exercitii species diversa , nec ipſis

Infirmis faciles motus natura negavit.

Debilis , aut longo fractus discrimine morbi ,

Vix pedibus tutò incedit , nullumque laborem

Ferre valet ; placido prohibet quid flumine cymbâ

Leniter impelli , lecticam ascendere mollem

Quid vetat ? Hic blandus languentia viscera motus

270

275

280

285

290

Succutiet , motu sensim vigor ipse redibit.

Tum curru poterit primùm per mollia tardo

Arva vehi , donec juga multis aspera saxis

295 Stridenti vectus possit percurrere plaustro.

Exterus hic motus quanta ægris commoda præstet

Credere vix fas est , nullo dum membra labore

Molliter admoto succussu agitata moventur.

Quin varios alto defixos semine morbos

300 Vellere necquicquam tentas , hæc sola medelam

Ferre potest medicina ; levat morientia motus

Corpora , queis frustra Phœbus pater ingerat herbas.

Hac quondam emicuit divinâ nobilis arte

Hippocrates primus , Sophiæ qui jussa secutus

305 Æternum humano generi pro laude rependit

Munus , & afflictis ausus succurrere rebus ,

Servavit patriæ cives , natisque parentes.

Hic pauca & selecta loco medicamina prudens

Suaferat , at motum doctus conferre cibosque ,

310 Ut sese alternis expensa impensaque semper

Exciperent , quodque his minuit simul addidit illi.

Hinc ipsi ardentes longè depellere pestes

Fas erat , & tutam populis servare salutem.

Inde senis Medici toto celebratur in orbe

315 Gloria , dumque febris mortales ignibus uret ,

Pellere dum morbos Medicorum ars certa valebit ,

Hippocratis nomen lausque inconcussa manebunt.

Nec minùs Hippocratis lustrans vestigia , diram
Arida quæ sensim consumit pectora tabem ,

Aut vario accretos humores viscere , motu

320

Discutere aggressa est doctissima turba medentūm ,

Quorum se meritis populosa Lutetia jactat.

At queis robustæ vegeto stant corpore vires ,

Hi viridantis ament pedibus florentia ruris

Gramina calcare , aut cursu conscendere colles ,

325

Atque agitare feras , spumanti flectere fræno

Quadrupedem indomitum , festivos ducere saltus ,

Stridentisve pilæ baculo prævertere lapsum.

Hos natura sequi juvenem quemcumque coegit

Præcipites motus , gratâ sub imagine ludi

330

Membra valet juvenum motu firmare salubri.

Nec talis frontem lusus gravitate verendam

Dedecet ; huic nollet cur indulgere Senator ,

Quem pictas vario chartas tractare colore

Non pudet , insulsæque inter discrimina sortis

335

Pallenti regem dominamve exposcere vultu.

Non sic indomiti gravitas austera Catonis

Sensit , at augustum rigidâ sub fronte leporem

Occultans , juvenes celeri prævertere cursu

Sæpius aggressus , validam celebrare palæstram ,

340

Defessumque novo corpus recreare labore.

Sic exercitio pariter sua corpora Græci

Firmabant , motu prævertere semina morbi ,

Tranquillamque animi norant revocare quietem.

- 45 NUNC meritas motū deducto carmine laudes Cautela.
 Non cecinisse satis , juvat abdita volvere rerum ,
 Nec reserata prius mysteria pandere versu :
 Cur profit motus , cur & mortalibus idem
 Officiat , per te liceat mihi , Phœbe , profari.
- 50 Nam quandoque levi turbari corpora motu ,
 Defessisque vides membris languescere ; motum
 Sæpius inde homines infamant , inde recusant
 Ignavos multi exercere laboribus artus.
 At si fortè cibis turgentia viscera languent ,
- 55 Postea num vacuo detrectas pabula ventri ?
 Num renuis siccum lymphis aspergere guttur ,
 Larga quòd infirmum stomachum quondam unda
 gravarit ?
- Scilicet assiduo potuque ciboque fovetur
 Vita , sed ut fano valeant tua membra vigore
- 60 Exercere juvat , varioque impellere motu ;
 Utque cibus vitæ , sic motus certa salutis
 Causa , nec imbellis restaurat corpora torpor .
 At velut in morbis certam medicamina noxam
 Sæpius important , nullâ si lege bibantur ,
- 65 Sic exercitii sua sunt discrimina , si non
 Certa regit ratio , & medici prudentia motum.

PRINCIPIO exercenda gravi non membra labore ,
 Plurima dum plenum distendunt pabula ventrem. Non exer-
citum pleno
ventre.
 Quos etenim stomacho succos nervosa profundunt

Stamina, queis ventris firmatur robur, & undæ 37c
Chyliferæ sensim vitalis jungitur aura,

Dissipat, & totâ inconsultus pelle propellit
Motus, iners languet consumpto robore viscus.
Quassati interea stomachi interrupta manet vis,
Vasaque deludit vapidus sipientia chylus.

Adde quòd anfractus stomachi, tubulosaque ven-
tris

Viscera præcipiti superent agitata tumultu
Pabula, non solito fibrarum attrita labore.

Crassior hinc oritur chylus, crudoque liquore
Vasa onerans, blando defraudat viscera succo.
Inde ruit penitus robur, dum pabula membris
Deficiunt, nimioque simul substantia motu

Deteritur, citiusque subit data vascula chylus.
At si nulla gravant jejunum pabula ventrem,
Ut juvat, ut totâ protrudit pelle faburræ

Relliquias, motus! Concusso viscere corpus
Fit levius, stimuloque levi sibi pabula poscit.

38a

385

390

Motus mo-
deratus.

PRÆTEREA tali semper moderamine motum

Sic decet exercere, ut non sudoribus artus

Siccentur nimiis, at sit tibi regula sudor

Incipiens, nec metam ultrà transcendere tentes.

Nam veluti nimo fibrarum stamina motu

Solvuntur, pulsusque cruor spissescit, & undæ

Nervorum tenuis pars evanescit in auras;

Sic

395 Sic motu leviore crux tenuatur, & arctos
Illi mis penetrat vasorum lympha canales.

CORPORIS illa tamen, primùm tenuata calore,
Post motum subito concrescere frigore lymphæ Non frigus
Posset, & obstructos onerare immota canales, post motum.

400 Sedula ni obstaret tanto cautela periclo.

Inde calescentes violentis motibus artus
A subito prudens defendat frigore, motu
Infractum quicumque cupit servare vigorem.
Has medicis quondam, has leges præscripserat
orbi

405 Diva salus, gentesque Deæ præcepta colebant,
Jusserat: antiquis valuit mos mergere lymphæ Balnea,
Corpora, nec gelidos latices, nec strigilis usum
Spernere, quæ vegetum corpus servare valerent.

Inde quot antiquis, quæ nunc aboleverit usus,
410 Commoda, quot fuerint tutamina certa salutis
Credere vix fas est, usu nam balnea sueto
Dùm pellis tubulos, vasorumque oscula pingui
Expurgant forde, excretus diffunditur humor,
Et leviora alacres exercent corpora motus;

415 Præterea gravitate premunt, & corpora den-
fiant
Frigore, sic sanguis pulsus penetralia largâ
Mole subit, properansque gradum tenuatur, at
undæ

Roborat allapsu vasorum stamina frigus ;
 Hinc cutis absorpto per spiramenta liquore ,
 Dissolvunt vario concretam viscere lympham. 420
 Morborum sic indomitam medicamine blando
 Balnea debellant rabiem , sanisque vigorem
 Conciliant , quo morbis tuti obsistere possint.

Balnea me-
dicata.

MONSTRAT iter natura parens , quæ sæpe sub
imis

Montibus , & sacris , loca sulphure fœta , cavernis , 425
 Fornaces parat ingentes , venasque metalli
 Sulphureis miscet , saliumque afflatibus undas.
 Hæc ubi sub cæcâ tellure remixta tumescunt ,
 Fit calor , erumpit tenues cum murmure in auras
 Et salit unda levis , color est illimis , & ipsi 430
 Qui placeat visu , fugiat sed nasus odorem ,
 Qui ovorum referat putrefacta putamina teter.
 Illa olei formam reddit tangentibus : herbas
 Quas semel attigerit viridanti fraudat honore ,
 Et pallorem ipsis , pallorem floribus indit , 435
 Ac nigram argento maculam vulgò imprimit altè ;
 At variæ dotes , & inest pretiosa facultas ,
 Quâ totum possit corpus penetrare , salubres
 Visceribus nervisque imis infundere succos.
 Ipsa homines miserata Salus , hanc numine sacro 440
 Afflavit , voluitque Epidauria templa relinqu .
 Aspice languentū properantem ad balnea turbam ,

Ut pallent ora , ut deturpat corpora tabes !

Ille vacillantes pede claudio vix trahit artus ,

445 Hic duro opprimitur tumefacti pondere ventris ,

Artibus immotis defertur semicadaver

Alter , & alter acri declarat vulnera planctu.

Hic quæcumque gradu subreptunt tormina lento ,

Et tacitis altè oppugnant mortalia telis

450 Viscera , turmatim glomerantur , & undique morbus

Confluit , ac fœdâ contristat imagine mentem.

Haud mora ; mutatur facies , exurgit imago

Pulchrior ; & roseo vultus decorantur honore ,

Ac vegetum referunt splendentia corpora robur.

455 Jamque priùs titubans firmo procedere gressu

Incipit , inflati sublato pondere ventris

Alter inexperto jactat sua membra vigore :

Non dolor antiquus , non vulnera dira supersunt ,

Quisque valet , cantu firmatam quisque salutem

460 Exprimit , & fontem sinceris laudibus effert.

Hi latices , hic quem fontem cecinere juventæ ,

Qui solus tremulam facili fuget arte senectam ,

Et juvenile decus longos producat ad annos.

Quippe senescentem deturpat squallida vultum

465 Canities , rugæque notant , & inertia frangit

Membra tremor , quum fibrarum indurata rigescunt

Stamina , nec facile solitos immobile corpus

Hij

Exercere valet motus , queis vita perennat.

Parvulus ut primū vitales accipit auras

Infans , quām tenero , quām molli corpore vitam 470

Ingreditur ! nondum solido fere cerea textu

Ossa vigent , stat ubique liquor , numerosaque par-
tes

Irrorant delenda annorum vascula cursu.

At puero crescente liquor solidescit , & unam

Cum vasis molem efformat , densantur ubique 475

Viscera , quoad rigidos callis obduxerit artus ,

Ossaque nexuerit , letho properante , senectus.

Hanc pede tardo incumbentem consueta morantur

Balnea , dum infusa mollescunt viscera lymphā ,

Et crux admixtis tenuatur partibus undæ. 480

Corpus enim æquato libres examine lancis

Dum tumet ablutum lymphā , tunc pondere mem-
bra

Librantur graviore , et si leviora videntur.

At per aperta brevi diffabitur oscula pellis

Hic liquor , hinc oleo totum perfundere corpus 485

Mos erat antiquis ; oleum cutis ostia claudit

Flexiliusque manet mollitum corpus olivo.

Non tamen immersum sese committere lymphis

Audeat , infirmo languet cui debile viscus

Pectore , quem capit is torquet dolor , atraque spu- 490
tum

Conspurcans sanies , & ventris tormenta vexant :

Sanguis enim undarum incumbenti pondere pressus
Debiliora subit properanti viscera cursu,
Pectora mole gravat, turgentia vasa crurore

¶95 Aggestam laticis disrupto parjete massam
Effundunt, nimiove infarctu immota morantur.
Nec minus instanti pessum dant corpora labē
Balnea, si dapibus venter turgescit, & acri
Lassa tibi nimiūm franguntur membra labore:
¶00 Post Venerem, quicumque audent, Bacchum ve,
 subire
Flumina, præcipiti solvunt sua crimina letho.

Finis Quarti Libri.





LIBER QUINTUS.

DE SOMNO ET VIGILIA.

Ut properans longo defessus calle viator
 Aspicit optatæ suprema cacumina turris,
 Exultatque videns, oculis tamen illa recedit,
 Ac tandem aspectu miserum fugitiva fatigat:
 Sic mihi dum incepti metas attingere cursus
 Nitor, & ad summum carmen perducere finem,
 Crescit opus, surgitque novo tractanda labore
 Materies, & meta diu quæsita recedit.
 Ergo age, defessos placidus sopor occupet artus,
 Et recreet mea membra quies, quo deinde sacra-
 tum
 Jam facili possim collem conscendere cursu.
 Interea Morpheus pullo velatus amictu
 Somniferos flores & plena papavera spargat;
 En volat: irrepit languenti lumine somnus,
 Dormitantique ora amplo distendit hiatu.

SOMNE quiescentum mulces ut membra sopore

H iv

Ut recreas vires , fessosque laboribus artus

Ut virtute novâ reficis , placidissime Somne.

Te vigiles fugiunt curæ , importunaque mentis

Te fugit anxietas , animi tibi fida sodalis

20

Pax & amica quies , divino munere robur

Tu mihi concilias , tensis dum languida fibris

Membra priùs , laxata tonum solitumque vigo-
rem

Accipiunt , iterumque valent reparata quiete

Viscera : dumque gravata tuus sopor organa sol- 25
vit ,

Pabula tranquillo data corpore dissolvuntur ,

Chyliferusque arcto nexu liquor artubus hæret.

Sic solet omne animal longo pingue scere somno ,

Et sic post hyemem turgent pinguedine Glires.

O jucunda quies , grato concessa Deorum

30

Munere , quisque tuo præsenti numine supplex

Indiget , & vivo quivis dum pectore spirat ,

Te colit , acceptoque tibi libamine stertit.

AT somno dedimus satis ; en abrumpere som-
num

Tempus adest , vigilique iterum indulgere labori.

35

Nam nimio fugiunt protractam tempore noctem

Pierides , vetat ipsa Salus , vetat auctor Apollo.

Quippe tonus languet , resolutis mollia fibris

Viscera laxantur , totum grave corpus inertis

- 40 Torpore opprimitur , nec jam sua munia præstat.
 Interea simul assiduo mens ipsa stupore
 Antiquum amittit paulatim hebetata vigorem.
 Scilicet obrepit somnus , si languida Phœbus
 Lumina vibrarit vix percellentia sensum ;
- Mechanis-
mus somni.
- 45 Si procul à strepitu , procul à formidine , curis
 Laxatam mentem servaveris atque solutam ,
 Si nec dirus amor crudeli tabe peredit ,
 Nec mala te ambitio , nec amor vesanus habendi
 Sollicitum innectit , dirâque cupidine frangit.
- 50 Murmure quin etiam leni , placidoque susurro
 Fons sacer inspirat somnos , Philomela querelis ,
 Aut Zephiri tenues dum mulcent flatibus auras.
 Nervea tunc languent laxatis stamina fibris ,
 Nec solitum exercent , præter vitalia , motum
- 55 Organa ; tunc peragunt cursum præcordia sola ,
 Diffundunt thalami cordis per vasa cruentum ,
 Flatibus alternis pulmones aera spirant ,
 Cætera cuncta jacent altâ resoluta quiete.
 Quod priùs innumeris manantem è fontibus au-
 ram
- 60 Undique per totos vibrabat corporis artus ,
 Partibus instillans sensum , motumque tremore
 Sollicitans , cerebrum , mentis pars hospita , cessat.
 Hanc teneram partem , fessamque labore diurno ,
 Comprimit expanso vasorum parjete sanguis ,
- 65 Primosque obturat nervorum ab origine fontes.

Sic toto motus paulatim corpore languet,
 Quin & s^epe vices placidi mors vera soporis
 Exciperet, si non urgenti obstare crux
 Posset & influxu cerebellum impellere nervos.
 Durius hoc oneri firmâ compage resitit,
 Sopitamque levi sustentat flamine vitam.

Somnus
nimius.

ERGO age, si segnes nimius sopor occupat ar-
 tus,

Laxanturque diu fibrarum stamina somno,
 Non tonus imbelli, nec vis innata redibit
 Compagi, veluti sonitus laxata quiete
 Jam nequit argutos fidibus Lyra reddere laxis:
 Corporis hinc torpor, lentisque ignavia membris.
 Hanc auget tardo cerebri per mollia cursu
 Vasa cruor serpens; etenim dum corpora Mor-
 pheus

Solvit, & immisso laxat cutis oscula somno,
 Undique diffusis perspirant membra liquorum
 Halibus, sanguis difflatâ spissior undâ
 Ægrè fibrarum contracto volvitur orbe,
 At vasa infarctu facile cedentia tendit.

Hæc inter cerebri premitur mollissima primùm
 Compages, pronoque situ pellente crux
 Ascensum, turget, fibrisque onerata laborat
 Distractis, tantamque nequit depellere molem.
 Quin contra paulatim crescit adaucta crux

70

75

80

85

- 90 Crassities, premiturque caput, nervisque solutis
 Membra magis tardo languent oppressa veterno.
 Sic somnus somnum parit, hinc enervia somno
 Corpora vix oculis possunt arcere soporem.
 At quantis redimunt nimiam miseranda quietem
 95 Suppliciis; capiti gelidis Apoplexia torpens
 Imminet halitibus, tremebunda solutio membris
 Instat, & arescunt sensuque orbataque motu.
 Adde quod imbelli stomachus data pabula fibrâ
 Solvere vix possit, sed crudâ turget undâ;
 100 Laxa nec in verum convertant vasa cruentum
 Chyliferum laticem; hinc infarctu venter aquoso
 Sæpe tumet, pallorque albo suffunditur ore.

ALTERA nunc subeunda tibi discrimina, totas
 Si vigiles tentas sine somno ducere noctes.

Somnus de-
ficiens.

- 105 Scilicet alternis motûs placidæque quietis
 Stant vicibus, quæcumque vigent vitâque fruun-
 tur

Corpora: per brumam somno indulgere videtur
 Flora, nec arboribus sunt omni tempore frondes;
 Defessum optatâ noctis reparare quiete
 110 Corpus amant, iterumque animalia cuncta labo-
 res

Exercere valent; hyemis post otia frondes
 Germinat, & teneris decoratur frondibus arbor.
 Nec mortale genus, quamvis toti imperet orbi,

124 LIBER QUINTUS

Hanc impunè valet sancitam temnere legem:

Aspice quos effræna regit sine lege voluptas,

Qui Baccho, ludoque levi, variisque choræis

Totâ nocte litant, ut languens occupat ora

Pallor, ut exanguem deturpat pustula vultum?

Quæ macies urget, tussis quam sicca fatigat

Pectora? Mox aderit febris lethæaque tabes.

Has meruere quidem pro crimine solvere pœnas;

At queis innocuus puro sub pectore candor,

Qui studiis mentem, & veri perfundere tentant

Lumine, qui rerum penetralia pandere gaudent,

Sincero capti sophiæ sublimis amore,

Quot mala discruciant miseros, quanto agmine
vexant!

Dum placidum membris renuunt concedere somnum.

Nam veluti laxat nervorum stamina somnus,

Sic tenues cerebri fibras & mollia vasa

Distendunt vigiles curæ, distracta labascit

Fibra, nec antiquum servat resoluta vigorem.

Non aliter valido distensus pondere funis

Laxato sensim fibrarum debilis orbe

Solvitur; aut chalybis violentis viribus acta

Lamina cedit iners, & non jam elastica motus

Ut priùs exercere valet: sic corpore toto

Viscera languescunt atonis torpentia fibris.

Plectitur hinc primùm enervis mens, quippe gravata

115

120

125

130

135

- Hæc jacet , & solito rerum spectacula visu
 40 Complecti , aut causas nequit indagare latentes.
 Æthereo non jam suspensas vertice flamas
 Metitur , variosque situs & sydera noscit ,
 Qui priùs immensum inconcussis legibus orbem
 Sæpe coercere ausus ; non expandere mentis
 45 Naturamque potest , animique pathemata dictis
 Promere , qui quondam nimios ratione coegit
 Affectus , certoque regens examine mores ,
 Jura dedit populis librâ trutinata fideli ;
 Non valet eloquio pollentes reddere voces ,
 50 Quem doctis linguae mulcentem floribus aures
 Turba dehiscenti mirata est ore ; nec unda
 Castalidis vati potuit reparare vigorem ,
 Qui juga Parnassi insomnis sub nocte silenti
 Scandere tentavit , captus dulcedine cantus ,
 55 Nec posuit duro jussa intervalla labori ;
 Hunc Charites liquere , joci fugere paventes
 Spisso olei tetram fumo & nidore Camœnam.
 Purior hæc soboles , divini flaminis aura ,
 Terræ mens affixa gravi vix æthera sensu
 60 Nunc remeare potest , fesso sub corpore languens
 Opprimitur , princepsque jugum fert subdita servi :
 Aut si vis animo supereft , si non vigor omnis
 Deseruit , quosdamque valet producere motus ,
 Quot mentem nullo discordes ordine turbæ
 65 Discruciant ! Vario distractis impete fibris

Subsultant cerebri partes , fit sensibus error ,
 Dissimiles simul exurgunt , animumque tumultus
 Exagitant , fallax sensus deludit imago.

Cum Cytharæ justo tenduntur limite nervi ,
 Concordi tremit illa tono , pulsataque puros 170
 Reddit fibrarum collecto murmure cantus.

Tunc sonus æquali mulcet dulcedine , grato
 Sollicitans strepitu mentem ; sic carmine quondam
 Auritas quercus & saxa sequentia duxit ,
 Dum blandâ Eurydicen Orpheus testudine fleret : 171
 Sic dulci traxisse graves modulamine cautes
 Dicitur Amphyon , dum tractat pollice plectra ,
 Surgit in alta silex , validæ stant mœnibus arces.

Ast ignara manus turbatos ordine nervos
 Tendat inæquali ; tum laxior altera lento , 180
 Strictior argutos strepitus dabit altera chorda ,
 Stridore aures clangoso discordia frangit.

Lex eadem cerebri fibras regit : omnia quippe
 Quotquot in æthereâ exurgunt Phantasmatâ mente
 Concussis cerebri fiunt variantia fibris : 181

Nec melius percussa lyræ modulatur eosdem
 Semper chorda tonos , quâm menti semper imago
 Exoritur similis , cerebri cum fibra tremiscit.

At quæ fibrillâ consurgit forma tremente
 Unica simplexque est ; nostræ sic unica menti 190
 Numinis offertur species , sic surgit imago
 Nuda boni , nec mens poterit conjungere utramque.

- Nunc simul hæ justo concordes ordine fibræ
 Subsultent, animum trahit hic concentus, easdem
 195 Connubio jungit formas, offertur imago
 Numinis, immerito quod sæpe indulgeat orbi.
 Quin contra fremitu moveantur dispare fibræ,
 Discors exoritur species, huic illa repugnat;
 Oblatasque vides mentem disjungere formas.
- 200 Numinis hinc, ideamque simul conjungere iniqui
 Sanus nemo potest, nam fibra movetur utraque
 Discordi fremitu. Nunc turbato ordine laxis
 Distractisve ruat cerebri concordia fibris,
 Deliram exagitant mentem Phantasmata, formas
- 205 Dissimiles sociat, similes disjungit, inanes
 Mens ideas conflat: quâ gens humana superbit,
 Heù fragili citius perit hæc sapientia vitro.
 Sic vigiles turbant animi penetralia curæ,
 Dum cerebri nullo saliunt tensi ordine nervi.
- 210 Ac veluti curvo moles conflata rotarum
 Agmine, quæ motûs complexo volvitur orbe,
 Si rota deficiat, tenuis si rumpitur uncus,
 Manca nequit solitis impelli motibus, & stat;
 Corporis haud aliter celeri cadit acta ruinâ
- 215 Machina, si solitus cerebri subvertitur ordo.
 Nervorum inde vides turbatis pulsibus, omne
 Quot mala discrucient corpus, quot viscera vexent,
 Cùm tali vigeant firmæ fulcimine partes.
 Nec mora, qui totum felici nectare corpus

- Alluit, & cunctos dispersis roribus artus 220
 Fæcundat, crux incertâ jam lege movetur,
 Et modò vasa nequit nisu contracta subire,
 Nunc celeri vehitur cursu, rapidoque coactus
 Impete, spumoso subit intima vortice sanguis.
 Nititur hinc in vasa crux, validoque renisu 225
 Pellitur; affictu fervent præcordia, longo
 Non secus ac motu fervens incenditur axis,
 Aut silicis rapido scintillans funditur ictu
 Inque vitrum ferri moles resoluta liqueficit.
 Sic calor a motu, mox altera causa calorem 230
 Auget, & infixâ pessumdat labe crux.
 Quippe cito sanguis per viscera gurgite raptus
 Paulatim ruptâ compage resolvitur, acrem
 Induit effœtus dotem, stimulisque fatigat
 Intima vasorum, nec jam dulcedine blandâ 235
 Attritas reficit partes, membrisque ministrat
 Pabula, quæ longo meruere exhausta labore;
 Sed tenues pungit fibras, laceratque molestis
 Ictibus, unde calor consumptis artubus hæret.
 Jamque febris rapido fervens accenditur igne, 240
 Siccaque paulatim depascit viscera, totum
 Attenuat macies corpus, nudata tumenti
 Tubere vix tremulum sustentant ossa cadaver.
 Heu citò mors aderit, vires nî reddat anhelis
 Somnus, & immissâ per languida membra quiete 245
 Compingat placidè laceris data pabula vasis.

At

- At veluti somnus nimium persæpe soporem
 Provocat, optatos sic fessis spargere membris
 Sæpe negat flores Morpheus, dum tetra crux
 250 Induxere diù vigiles incendia noctes.
 Immutatur enim diurno machina nisu,
 Et pulsam nequeunt oculi revocare quietem.
 Quid quod & ambusti compescere sanguinis æstum
 Non citrus, atque acidis nunquam mala aurea suc-
 cis,
- 255 Non tenui lac dulce sero, non frigida possunt
 Pharmaca, nec gelido præstans Nymphæa liquore.
 Hæc tamen ad Veneris certamina frangere vires
 Dicitur, hac illæfos virginitatis honores
 Innuptæ quondam comites tenuere Dianæ.
- 260 Quippe Deæ infensus sua sumpserat arma Cupido,
 Telaque contorquens nudata ferire Dianæ
 Pectora tentabat: vindex secat aera telum,
 Virgineumque petit flammanti cuspidi pectus.
 Nec tamen hoc tetigit, motu Dea præcavet iustum,
- 265 Sed tenero comitis sub corde infixa sagitta
 Hæsit, & ignito violavit vulnere Nympham.
 Uritur hæc, tacitisque foyens incendia membris,
 Sentit inexperto torqueri pectora viru.
 Quid faceret? Trahit hinc nolentem cæca cupido,
- 270 Inde pudor miseram retinet, stant obvia menti
 Virginitatis honos, turpisque infamia flammæ.
 Sæpe pudicitiæ crudeles anxia leges

Increpat, & gemitu juga detestatur iniqua;
 Sæpius infixos expellere tentat amores,
 Præcipitemque animi damnat gemebunda furorem. 275
 Nocte vigil tristes versat sub pectore curas,
 Flebilibusque die complet nemus omne querelis.
 O pudor, egregium Nymphæ decus, ô mihi numen

Præcipuum, nullâque unquam violabile noxâ,
 Si mea commisso mens conscientia crimine peccat, 280
 Corpus adhuc purum manet, hæc te victima flectat,

Conceptumque scelus puro luat unda liquore.
 Sic ait: humentesque oculos ad sydera vertens,
 Præcipitem toto se corpore mittit in undas.

Ingemuere omnes alto sub gurgite Nymphæ, 285
 Ingemuitque chorus Dryadum, gemit ipsa Diana,
 Nec miseram immerito patitur sub vortice mergi.
 Nam tenerum Nymphæ fluitans super æquora corpus

Vertitur in niveum splendenti culmine florem,
 Grandia quem viridi latè folia aggere cingunt, 290
 Quem placido circum venerantur murmure fluctus.

Tum Dea Nymphæ nomen memorabile flori
 Imposuit, voluitque novâ clarescere dote.
 Nam velut ignitos miseranda Cupidinis æstus
 Rivorum gelidâ prudens extinxerat undâ; 295

Sic succo tenuique potest Nymphæa liquore
 Ardentes Veneris stimulos, cæcumque furorem
 Comprimere, & veluti Circæo carmine tactis
 Ad Veneris ludos & gaudia tollere vires.

- 300 Hinc dolus, & victi periere Cupidinis artes:
 Nec jam sœva timent Nymphæ tua tela, Cupido,
 Nil te tæda juvat, nil proficit illa pharetra,
 Quâ toto quondam regnabas vîctor in orbe,
 Quam timet ipse tonans summo defensus Olympo.
 305 En levis imbelles tutatur planta puellas,
 Usque adeo valet herbarum miranda potestas!

NUNC quâ mensurâ, quo circumscribere som- Limites
sonani.
 num

Limite, quot vigiles juvet horas ducere, dictis
 Expediam, faveat modo vati faustus Apollo.

- 310 Nam gravis hic labor est, durumque resolvere
 nodum

Solerti celebris posset vix arte Machaon.

Quippe quot in puro scintillant sydera cælo,
 Littore quot Lybico fluctu volvuntur arenæ,
 Tot naturæ hominum variæ, diversaque longè

- 315 Corpora, non secus ac dispar datur oris imago.
 Inde vides vario quam limite tempora somni
 Sint statuenda tibi, atque animo mutanda sagaci.

PRINCIPIO matris tenerâ conclusus in alvo,

Iij

Mollior & tremulum referens ferè corpore gluten ,
 Vix infans vigilat , crescentes irrigat artus 320
 Somnus , & incæptum placidâ natura quiete
 Velat opus , donec perfectum emittat in auras.
 Altera tunc lacrymis , sunt altera tempora somno ,
 Sic tamen ut longo foveantur membra sopore.
 Principium vitæ somnus , nascique videmur , 325
 Ut miseros somni deludat imagine lethum.
 Ast ubi firmato durrantur corpore partes ,
 Tunc breviora sibi concedi tempora somnus
 Postulat , & rigidos artus curvante senectâ ,
 Tempora non cingit jam cana papavere Morpheus . 330
 Scilicet infantûm fibræ , mollitaque lymphâ
 Stamina nervorum facile laxantur , & altum
 Concipiunt tenerâ cerebri compage soporem ;
 Quin contra callosa senum , fere nescia flecti
 Stamina , mulcentem nequeunt admittere somnum . 335
 Longior hinc puer , & tenero quo mollior ætas
 Corpore , sit somnus ; juveni crescentibus annis
 Sit brevior , tandemque senis vix lumina Mor-
 pheus
 Occupet : hanc primam vox naturæ insita legem
 Condidit , hanc æquâ ducti ratione sequamur . 340

NUNC si fæmineos artus , & membra virorum
 Perpendas , datur inde tibi lex altera somni .
 Corpore quippe levi , tenerâ cute , voce strepenti

- Mollior imbelles infantis fœmina vultus
345 Ore refert, at membra virūm fuscata rigescunt,
Brachiaque ostentant validos villosa lacertos.
Rarior inde virūm firmatos occupet artus
Somnus, at imbelli jaceat resoluta sopore
Fœmina, ne graciles nervos tormenta laceſſant,
350 Mobilibusque furat natura doloribus acta.
Quin & pro vario rerum discrimine, fani
Pro naturā hominis, fractis pro viribus ægri,
Sæpe coercendus diverso limite somnus.
Ille redundantem laxato corpore lympham
355 Exhibit; oppressi undarum sub pondere nervi
Viscera vix solito possunt impellere motu;
Cuncta jacent alto torpentia membra veterno,
Vixque potest gliscenti oculos subducere somno.
At magis atque magis resolutos solveret artus
360 Somnus, & undanti molliret phlegmate nervos.
Sedulus hinc caveat nimio indulgere sopori,
Nec quò depravata ruit Natura, feratur.
Siccior hic contra, tremulo quem fibra fatigat
Stamine, quem rapidâ ferventia viscera flammâ
365 Excruciant, placido vix indulgere sopori,
Tranquillæque valet dare concita membra quieti:
Hic facilè insomnes noctis produceret horas,
Atque vigil somno vix sentit lumina solvi.
Deficiente tamen siccantur corpora somno,
370 Distractoque magis subsultant stamine nervi.

Sæpius hinc noctis fugientia numina supplex
 Invocet, orantique accersat voce quietem.
 Arida quippe potest Morpheus mollire sopore
 Corpora, & insigni nervos firmare vigore.
 Et tu quem longi cruciant tormenta doloris, 375
 Cui fractum macie corpus, cui nulla supersunt
 Roboris antiqui vestigia, sola salutis
 Spes tibi certa datur, languentes cum irrigat artus
 Somnus, & immisso restaurat robore corpus.
 At somni producta tibi sint tempora; quippe, 380
 Si sua corporibus diffundit munera sanis
 Morpheus, infirmis magis ille papavera membris
 Spargere, & antiquum dignatur reddere robur.

JAMQUE vides quantum juvet horas, certaque 385
 somni

Tempora consilio regere; hinc secura salutis
 Spes oritur, medio tutus dum limite sistis.
 Felix qui rerum hæc servans moderamina, som-
 num

Sic regit, ut justo restauret membra sopore,
 Nec tamen imbelli jaceat torpore solutus. 390
 Viribus ille valens septem non abnegat horas
 Urgenti cautus somno concedere, raro
 Transit ad octavam, vix & quandoque coactus
 Horam audet leni sextam decerpere somno.
 Sic tranquilla nitent puro penetralia mentis

395 Lumine , stat vegetum constanti robore corpus ,
 Pallida non siccis macies depascitur artus ,
 Crassaque non turgent nimiâ pinguedine membra.

HAUD tamen hæc conferre potest tot commoda
 Morpheus , Tempus
somno ap-
tum.

Nî signata sibi servarit tempora , nunquam ,
 400 Quas Natura dedit , metas perrumpere tentans .

Scilicet aurato conspergit lumine cælum
 Phœbus , & ignifero mortales sydere lustrat ,
 Ut vigilent , placidæque iterum post otia noctis
 Jam possint alacres solito indulgere labori .

405 Quin spissis contra terras tranquilla silentes
 Nox operit tenebris , tegit & caligine cælum
 Obscurâ , ut nimiùm motu defessa diurno
 Mortales placidâ recreent sua membra quiete .

Sic jussit Natura dari sua tempora somno ,
 410 Indixitque die vigiles animalibus horas .

Vix , senis e thalamo surgens aurora mariti ,
 Diffundit roseos pulso velamine flores ,
 Argutis volucres implent concentibus auras ,
 Surgentemque diem festivâ voce salutant :

415 Antiquas renovat mœrens Philomela querelas ,
 Ferventesque Columba mari declarat amores .

Tum ruit ad prædam fera , sylvarumque recessus
 Lustrat Aper , timido Lupus insidiatur ovili ,
 Insequiturque Lupum Canis , & latratibus urget .

Tunc herbis ludunt molles in mollibus Agni, 420
 Et patulis spirant fragrantem naribus auram.
 Tum sua colla gravi taurus submittere aratro
 Cogitur, & durus repetit sua rusticus arva.
 At rudis interea præstanti corpore virgo, 425
 Quam pudor & simplex decorat Natura, calenti
 Non timet egregios artus exponere soli,
 Nec velat nullo signatam crimine frontem.
 Rustica miratur neglectæ virginis ora
 Phœbus, nativumque decus, nullâque nitentem 430
 Arte comam, & radiis lambens sincera puellæ
 Ora, genis roseum tacitè perfundit honorem.
 Et jam vellet amans medio sol sistere calle,
 Saltantemque levi serò per prata choræâ
 Aspicere obscurâ tectus caligine Nympham.
 At non fata sinunt, revehit nox otia terris: 435
 Rustica turba casam repetit, patriosque penates,
 Moxque levat somno, longo defessa labore
 Corpora, jam indulgent animalia cuncta quieti,
 Jam filet omne nemus, dulci sola obstrebit unda
 Murmure, & ingrato suspirans Noctua cantu. 440
 Insita sic dociles naturæ fœdera servant
 Agricolæ, sanoque gerunt rude corpore robur.
 Mollior at placidis conclusus mœnibus urbis
 Incola, nec servat noctis, nec certa diei
 Tempora, nocte vigil, solet indulgere quieti, 445
 Cum nitido cælum perfundit lumine Phœbus;

Tantaque vesanas hominum dementia mentes
Cepit, ut innatas naturæ frangere leges
Concinnum deceat, vacuamque sine ordine vitam
450 Ducere. Jam, medio suspensus vertice cæli,
Vergit ad occasum labenti sydere Phœbus,
Urbanus thalamo molli revolutus Adonis,
Serica cui fingunt altam velamina noctem,
Incipit, admissâ paulatim luce trementi,
455 Languidulis tandem somnum depellere membris.
Mox & cura comæ sequitur, reparandus & arte
Frontis honos, dulcisque vapor, numerosaque
longo
Agmine progreditur cultûs luxûsque supellex,
Ut fictâ placeat vesanus homuncio formâ.
460 Sic teritur tempus; properat nox: comptus Ado-
nis
Pulvere conspersum Cyprio caput aeris auræ
Objectare cavet; lecto assidet ille puellæ
Otentans habili velamina splendida motu,
Aut vacuas fundens verboſo murmure voces,
465 Surgentem recreat nugaci Laïda dicto,
Laïda quam circum volitant lasciva virorum
Agmina, dum speculo depingit judice vultum.
Aſt ubi nox tenebras revehit, levis illa caterva
Festivas celebrat choreas, convivia, cantus;
470 Nec fatis, at sacrum deponens ſæpe pudorem,
Non timet obscuræ probrum committere nocti,

Quod luci solique abscondere velle videtur.

Eheu mox repetit tali pro crimine pœnas

Ultrici Natura manu , violataque jura

Vindicat : exangui pallescunt ora colore ,

Liventis oculi siccâ sub fronte cavantur ,

Avolat oris honos , non jam juvenilia vultum

Lilia mixta rosis decorant , non purpura labris

Insidet , haud priscæ remanet sua gratia formæ.

Antiquum periit decus , irreparabile damnum ,

Quod pictis sarcire genis , tortove capillo ,

Quod frustra tentant cultu , multoque labore

Condere , larvatumque vides , vultu indice , mor-
bum.

Hic , sua per totum diffundens semina corpus ,

Visceribus sese insinuat , primùmque latenti

Aggreditur juvenes pede ; mox ubi prima juven-
tus

Transiit , (& celeri transit sic concita motu ,)

Indomitus furit , & fractis incendia membris

Suscitat , accersens infixâ labe senectam.

Sic qui naturæ juvenis pervertere tentat

Jussa , dieque jacens , noctem concedere somno

Denegat , amissas effœto corpore vires

Sæpe senex dolet incassum , vitæque prioris

Multa recognoscit morbo delicta monente.

Adde quòd ætherei , quos e tellure vapores

Sol radiis hausit , tūm quos animalia fundunt

471

480

485

490

495

Corpora, tūm quos perspirant vegetantia densis
Halitibus, quoſque eructat madefacta liquore
Multiplici tellus, varii conferta vaporis
500 Materies, noctis densati frigore, terram
Jam repetant, perfundantque admixtā aera labe.
Hanc tamen impuram aspirat pulmonibus auram,
Hanc recipit, nocuamque haurit per hiantia pellis
Oscula, qui folet insomnes perducere noctes.
505 Inde mali soboles, miserum ſic ſemina morbi
Undique circumdant, tepidoque illapsa cruori
Diffuso ſenſim pefſumdant germe corpus.
Non ea defenſo admittit contagia prudens
Corpore, qui lecto nocti ſtratisque recondens
510 Membra, graves auræ influxus non ſentit, at am-
plum
Perspirans, noctis tutatur ab aere corpus.

REGULA nunc ſupereſt circa ſomnum ultima, Non ſom-
quâ ſtet nus pleno
Certa ſalus, quondam hanc auctor præſcripsit ventre.
Apollo.
Nempe cibo ſtomachus dum turget, multaque ven-
trem
515 Distendunt alimenta, ubi primū mensa remota,
Non placido citius tutum indulgere ſopori.
Corpore nam toto fibrarum stamina ſomnus
Laxat, iners molli ſtomachus data pabula fibrâ

140 LIBER QUINTUS, &c.

Conterere, assuetoque nequit versare labore.

Quin, dum laxa patet reserato valva pyloro,

52

Pars alimentorum, rudis indigestaque moles,

Quà datur ingressus, sinuosa volumina ventris

Intrat, vasorumque aditu intropulsa patentि,

Lactea præcludit semicōclō vascula chylo.

Partibus hinc crudis oneratur sanguis, & amplâ

52

Sæpius humorum turgent farragine venæ.

Interea pectus presso pulmone laborat,

Incubus exoritur, totâque insomnia nocte

Turbatam exigitant vano phantasmate mentem.

Qui talis posset somnus defessa levare

53

Corpora? Quin contra, magno velut acta labore,

Membra diu languent, corpus torpore gravatum

Opprimitur, tensisque urgentur viscera fibris.

Ergo age, si placidam somno tibi ducere noctem

Est animus, præsens teneas hoc dogma Salerni


53

Sit tibi cœna brevis, nec, post data pabula ventri,

Membra citò properes placido committere lecto.

Finis Quinti Libri.





LIBER SEXTUS.

DE EXCRETIS ET RETENTIS.

MULTIPICES vario quos pellere corpus hiatu
Debeat humores , & quos servare , salutis
Ut maneat vigor intactus , percurrere versu
Est animus , cantuque novum tentare laborem.

5 Nec levis ille quidem , non versibus apta canoris
Materies. Grato quis vates dicere posset
Carmine? quot vicibus ventris deponere pondus
Conveniat , Veneri quantum & quo tempore quis-
que

Indulgere queat , quæ sit mensura salivæ.

10 At velut omnipotens summo de vertice Olympi
Sydera non tantum nutu , immensosque gubernat
Orbes ; sed vilem non dignatur Arachnen
Numine tutari , tenui dum stamine duram
In cotem suspensa cadit ; cautamque futuri

115 Ut docuit farris Formicam condere acervos ;
Ut tenues mellito impletis nectare cellis
Servat Apes , & in insectis miracula pandit

Maxima, quò major parvis sua gloria rebus
Emineat; sic vile nihil, nil corpore toto
Indignum Medici curis, dum firma perennet 20
Inde salus, morbumque evulso semine tollat.
Nec decus hinc Medici minus est: Quæ gloria ma-
jor?

Quàm misero rebus conferre levamen in arctis,
Tollere languores, fugientem sistere vitam,
Et veluti præsens in terris numen, amico 25
Subsidio in miseros laudandam impendere vitam.
Nunc risus petulans effundat scurra procaces,
Huic licet, at sapiens cui cordi publica semper
Utilitas, meritos Medico concedet honores.

Mechanis-
mus secretio-
nis & excre-
tionis.

DUM dapibus reficis corpus, non vertitur om- 30
nis

Materies alimenti in succum, magna ciborum
Pars magma efformat, quod, pondus inutile, vasa
Constrictis semper tentant expellere fibris.
Corporis hæc, propriis excreta canalibus, omni
Emundant rutilum purgamina fæce cruentem. 35

Hinc genus excreti primum, quod sæpe retentum
Sordibus & putri corrupti labe liquores.

Sanguinis altera pars, etsi purgata, redundat
Particulis variis generis, quas viscera quæque
Exhaurire solent tubulatis nexibus, & quas 40
Ad varios servant variis pro sedibus usus.

- Nonne vides granis quot constet acervus arenæ
Disparibus , tenuem referunt vix illa figuram
Pulveris, hæc diversâ imitantur mole lapillos.
45 Singula nunc tentes cribro secernere grana ,
Parvula labuntur granis conjuncta minutis
Granula , dum majora simul congesta manebunt
Saxa , per angustos nunquam irreptura meatus.
Haud aliter , prorsusque modo abjunguntur eodem
50 Multiplices , sanguis vasorum quas vehit alveo ,
Particulæ , spissæ bilis primordia , succus
Nervorum tenuis , seu crassior unda salivæ.
Scilicet ad plexus diversaque viscera sanguis
Ut primùm appellit , sinuoso tramite longos
55 Vasorum subit anfractus , trituque retentus ,
Tardat præcipites crescente sibi objice motus.
Sanguinis hinc atomi per venas lentiùs actæ
Jam coeunt paribusque pares , vis insita quasque
Attrahit ad similes : mittendi hæc prima liquoris
60 Principia , inde latex primùm incipit efformari.
Nunc tenuem Natura velit secernere lympham ,
Parvula de magnâ nascuntur vascula venâ ,
Quæ tantùm ore queant subtilem admittere rorem ,
Quæque negent aditum crasso constricta cruori.
65 Crassior at moles sit secernenda liquoris ;
Sanguinis ex alveo non unus pellitur humor ,
At tenuem absorbent laticem lateralia vasa ,
Solaque jam supereft proprio contenta canali

Sanguinei fluidi pars , visceris usibus apta.

Altera sic species excreti corpore toto

Perficitur , turgentque optatis vascula succis.

70

Uſus huſ
morum.

Hos inter latices variis pro fontibus uſus
Difſimilis , ſpurcā mundant hi fæce cruorem ,
Ut quem falſa cutis numeroſo sudat hiatu ,
Aut quem profundit niſu vesica liquorem :
Irrorant alii vitalibus intima rivis
Viscera , & eſſormant e chylo mixta cruorem.
Hinc fit ut hæ niſiſ ſi fluctibus effundantur ,
Siccatisque fluant ubertim e plexibus undæ ,
Langueat exſuccum resoluto robore corpus.
Inde patet diſpar ſecreti copia quantūm
Conferat , ut maneant æquali pondere vires ,
Corporis ut vigor intactus ſervetur , & imis
Visceribus nunquam lateant mala ſemina febris.

75

80

80

De excre-
tione per al-
vum.

PRINCPIO quicumque volet ſervare vigorem , 85
Sic facilem teneat juſto moderamine ventrem ,
Ut nec tarda niſiſ , citior nec profluat alvus :
Nec ſatis ; at liquidum ventris deponere pondus ,
Aut concreta niſiſ duro depellere niſu
Scybala vix poteris , taciti quin ſemina morbi
Debilibus feruant penitus defixa medullis. 90
Sed non cuncta regit ſimiſis lex corpora ; vultus
Quot ſunt diſſimiles , tot ſunt mortalia fibris

90

Viscera

Viscera diversis intus constantia : fæces

95 Inde solent homines diversâ reddere formâ.

Ventriculi tamen illæso qui robore gaudet ,

Nec gravat ingestu distentum pondere ventrem ,

Sed justo reficit viœ languentia membra ,

Unâ sæpe solet vice ventris pellere pondus

100 Quotidie , firmamque alvo deponere molem.

Hinc fit ut ingestis excreti copia ritè

Congruat , & vegeto firmæ stent viscere vires.

NUNC si sicca nimis fluit , aut si tardior alvus ,

Quot mala discruciant corpus , quanto agmine
morbi

Alvus tarda & sicca.

105 Paulatim serpunt , queis viscera cuncta labascunt.

Scilicet assiduo stomachi concocta labore ,

Cum mollem referunt alimenta fluentia pultem ,

Per tubulos fæces atque intestina repulsæ

Sæpe morarentur per flexus lentiùs actæ.

110 At Natura tubo motum concessit , ut inde

Continuo possent reptatu erumpere fæces.

Aspice contracto serpentes corpore Vermes ,

Singulus haud intermisso ut constringitur orbe

Annulus , undososque refert glomeramine fluctus ;

115 Non secus intestini lento fistula motu

Contrahitur , clausamque cavo propulsat amurcam.

Utilis hunc motum pungenti bilis acore

Sollicitat, stimulo liquor intestina lacefens.

Hæc, velut innatus clyster falsedine fibras

Vellicat, & motu fæces depellit adaucto.

120

At si tarda nimis lento intestina moventur

Contractu, aut stricto jam spissior hepate bilis

Deficit, ignavo stagnant in viscere fæces,

Nec superare queunt sinuosos tramite flexus.

Segnior hinc solitam non egerit alvus amurcam ; 125

Quæ ventris concreta cavo cruciatibus angit.

NAM cum densa nimis stricto non profluat al-
veo

Bilis, & attritas dulci haud sapone maritet,

Quas alimenta sinu fundunt ex ubere, partes,

Deficit hinc primum chyloseos instrumentum,

130

Tardaque languenti digestio viscere torpet.

Hæc est prima mali labes, hinc undique flatus

Viscera distendunt, dum segni alimenta quiete

Putrida fermentant, redolent & cruda saburram.

Extorum interea motu cessante, manebit

135

Fæx intestinis conclusa diutiùs, inde

Quidquid inest fluidi, fæces quodcumque liquoris

Interiùs servant, & quod dulci utile chylo,

Et crassamenta impuro turgentia succo,

Exfugent pariter numero lactea hiatu

240

Vascula, & interiùs traducent mixta cruori.

Sic spurcis onerata vides quam vasa redundant

Particulis, quantâ vitietur sanguis amurcâ.

Nec minùs hac putri fœdantur fæce liquores

145 Et quicumque fluunt corrupto e sanguine succi;

Tum qui fœcundo demulcent viscera rore,

Quique novo reparant languentia glutine membra.

Hinc languore jacet corpus, nutritius humor

Deficit, aut vitiato irrorat membra liquore.

150 At dolor interea fessum caput anxius urget,

Pondereque ingenti sedes animæ ipsa gravatur.

Quippe tumescenti stringuntur viscere vasa

Quæ largo numerosa irrorant sanguine ventrem;

Nec solito fluxu sanguis compressa subire

155 Vasa potest, refluensque citis suprema salutat

Viscera vorticibus: nimiâ sic mole gravatum

Comprimitur, pressumque caput sub pondere lan-
guet.

Cum bifido torrens per terras profluit alveo,

Hinc illinc manant æquali vortice fluctus,

160 Udaque dispersis fœcundant fontibus arva.

At præcludatur pars fluminis altera, facto

Objice, per patulum jam diffuit unda canalem,

Latèque effusis exundant fluctibus agri.

Sic nimio cerebrum cumulat crux impete pulsus,

165 Undique dum fluxus per viscera stricta negatur.

Nec minùs, obstructis stagnanti sanguine venis,

Læditur, & turget congesto venter acervo:

Exoritur calor internus, succensaque fervent

Viscera ; jamque febris, metuenda incendia volvens,
 Putrida languentes tacito depascitur artus
 Igne, redundanti putrescunt fæce liquores ,
 Multiplicique graves exsurgunt agmine morbi.

*Alvus laxa
& cita.*

LAXIOR at contra citius si profluit alvus ,
 Jam signo patet haud dubio quām lenta ciborum
 Coctio languescat , quām tardè alimenta liquef- 175
 cant :

Seu nimis expletus dapibus sub mole satiscat
 Venter , & impositum nequeat tolerare laborem ;
 Seu stomachi imbelles laxâ compagine fibræ
 Non solito possint sese constringere nisu ;
 Seu contra nimis astricta intestina fluentes 180
 Expellant celeri fæces per viscera nisu.
 Crassior hinc oritur chylus , semicocta ciborum

Materies crudâ pessumdat labe cruem ,
 Febrilis tremor exsurgit , jam membra resolvit
 Lenta lues , spissoque tumens Ædema liquore. 185

Corporis interea resoluto robore , succi
 Deficiunt , macies deformat pallida vultum ,
 Et tacitâ miseros sensim mors tabe peredit.

Quippe , cito cursu pulsus per viscera , chylus
 Oscula transgreditur vasorum lactea , præceps , 190
 Volvitur , effætisque simul cum fæcibus actus ,
 Non reficit languens optato nectare corpus ,
 Deficit hinc toto sensim nutritius humor

Corpore, & assuetis fraudantur viscera succis.

195 Arida cum exhaustis tempestas ingruit arvis,

Cum siccata riget tellus, cum deserit humor

Flumina, & æstivis fervoribus uritur aer,

Quàm tristi languet squallens Natura veterno!

Non jam læta viret pulposis frondibus arbor,

200 Non vegetâ flores ostentant fronte colorem,

Languida sed pallet demisso vertice flora,

Siccaque felici spoliantur gramine prata.

Haud secus exhaustum languet sine robore cor-
pus,

Si nimius laxâ succus depellitur alvo.

205 Aspice quem a longo jam vexat tempore ventris

Profluviū, ut macies siccōs depascitur artus,

Quæ rugæ vultûs, oculorum quàm cavus orbis!

Hectica jam febris marcentia viscera rodit,

Horrentique citò consumptus tabe peribit.

210 Hæc mala formident fibris quicumque labo- Quinam
rant his morbis obnoxii.

Debilibus, queis lenta gravis pituita relaxat

Viscera, qui segnem ignavi vacuamque labore

Traducunt placidè tranquilla per otia vitam.

Scilicet imbelli non fit perfecta ciborum.

215 Coctio ventriculo, & tenues, queis viscera constant,

In celerem fibræ contractum promptius actæ,

Præcipiti pellunt liquentes tramite fæces.

Ast aliis contrà prorepit tardior alvus,
 Qui firmi valido fibrarum robore pollut,
 Queis calido inflatæ turgescunt sanguine venæ, 220
 Et qui membra solent duro exercere labore.

Tardior his motus fibrarum , his lenta moventur
 Viscera , robustoque tenent data stercora nexu ,
 Dum calor internus , longoque exsucca labore
 Exta omnem absorbent mixtum cum stercore mu- 225
 cum.

Hinc fugiant cautè acri condimenta sapore
 Fervida , quæque gravi stomachum sal sedine pun-
 gunt ,

Queis per vasa solet celeri crux impete ferri ,
 Queis calor internus missis velut ignibus ardet.

Infirmus contra concoctu dura vitabit 230
 Pabula , quæque nimis laxant oleagine fibras ,
 Et quæ ventriculi possunt eludere vires.

Nec satis : at prudens justo moderamine victum
 Sic reget , ut stomachus nunquam sub mole fati-
 cat.

Hæc si servetur naturæ regula , firma 235
 Non nisi contractu moderato profluet alvus.

Urina.

SPURCITIEM tandem , sordesque evasimus ; al-
 ter

Nostris scrutandum curis sese objicit humor ,
 Qui renum patulis exceptus hiatibus , inde ,

- 240 Per tenues longo devectus tramite calles,
 Implet vesicam : stimulis pungentibus illa
 Excita abundantem fundit cum murmure lym-
 pham ,
 Sanguineosque sales paucocum sulphure mixtos
 Ejicit , immensâ qui dum solvuntur aquæ vi ,
- 245 Intus adæquatam servat sub corpore crafim
 Sanguis , ut impleri naturæ munia possint.
 Hinc fluit illimis cruor , hinc sine forde liquores
 Felici recreant sitientia viscera fonte.
 Haud secus undoso per campos vortice currens
- 250 Dum placidè subit augustam circumfluus urbem
 Sequana , & objectas sinuoso tramite ripas
 Alluit , immundas quas fundunt compita sordes
 Abripit , & longè serpenti devehit alveo.
 At via quæque novo splendet mundata nitore
- 255 Purior , & lætis affulget civibus aura.
 Corporis haud aliter moderato viscera fluxu
 Abstergit , servatque illæsum urina vigorem.
 At veluti tumido protruſus vortice torrens
 Non recreat siccis optatis fluctibus agros ,
- 260 Nec spurcam puris expurgat fontibus urbem ,
 Sed citò terribili maturas gurgite messes
 Diruit , horrendoque domos cum murmure ster-
 nit ;
 Sic urina gravi pessumdat corpora labe ,
 Si non justa fluit moderato copia lapsu ,

Aut si consistens falsâ putredine peccat.

265

Urina nîmia. SCILICET urinæ nunquam vesica laborat

Immodico fluxu , infirmo quin coctio ventre
Langueat , aut peccet crasis vitiata cruoris ,
Multaque colluvie turgescant vasa serosâ.

Urina pauca. At paucum contra fundat vesica liquorem ,

Tunc certis patet indiciis orbata salubri
Vasa sero siccum per viscera ferre cruem.

Quod si stricta nimis , compressa , infarctave re-
num

Vasa forent ; proh ! Quæ clades miseranda per om-
nes

Funditur improvisa artus , refluumque liquorem

Indicat ! Ecce miser singultibus ilia pulsat ,
Ecce atrox vomitus ventrem subvertit , acutis

Jam renum regio cruciatibus horret , & ipsum

Impetit unda caput , fervetque Phrenitis , & omnes

Subvertit sensus , donec sopor arguat , intus

Gangrænam placidæ tandem præludere morti.

275

280

Urina do- NEC minus urinæ dotes diversaque signa

tes. Sedulus expendit , quisquis depellere morbos

Nititur , & rerum pervadere ad intima tentat.

Ac veluti prudens , inspecto sydere , cursum

Dirigit ignotum percurrens navita pontum ,

Corporis haud aliter tacitas dignoscere labes

285

- Sæpius excretâ medicus de renibus undâ
Agreditur , certoque regit medicamina signo.
- 290 Crassior ille latex referat cœnosus amurcam ,
Jam signo patet haud dubio per vasa cruentem
Densatum lento sensim prorepere lapsu ;
Seu nimis incoctos densarint dura liquores
Pabula ; seu celeri motu , nimiove calore
- 295 Sicca salutifero fraudulentur viscera succo.
Quin urina tibi morbos portendit acutos
Flammea , quæ , rutilo fulgens succensa colore ,
Indicat internis corpus fervoribus uri.
At contra muco turgens urina seroso
- 300 Signa dabit stomachum imbellem data pabula coctu
Solvore diffcili , laxatis languida fibris
Viscera congenitum sensim amississe calorem ,
Aut crudam nimiū venas distendere lympham ;
Nec satis : at miseris mortalibus irrita cedit
- 305 Spes , expectandumque manet miserabile fatum ,
Si simul & lutulenta & pinguis flumine largo
Lotia manarint , oleoso tegmine spurca :
Jamque brevi horrendâ macie resoluta liquefcunt
Membra , cadit corpus languenti labe peresum ,
- 310 Dum miseram tandem solvat consumptio vitam.

INDE vides quantùm intersit persæpe saluti
Corporis , ut renum semper moderamine justo
Unda fluat , referatque assumptum copia potum ,

Ut nunquam crais , nunquam crassâ indole peccet
 Natura urinæ , sed firmam sana salutem
 Viscerum & ostentet renum benè cocta vigorem.

Urina sa- na. Hæc solet illimis citreo splendere nitore ,
 Floccosamve gerit tenui velamine nubem ,
 Quæ matulæ alta petens sursum citò conica ver-
 git.

FELIX qui talem , placidæ post otia noctis ,
 Urinam assurgens moderato reddere nisu
 Manè potest , firmamque videt perstare salutem.
 Ille dapum haud sentit tumefactum pondere ven-
 trem ,
 Hesternâ gravis ingluvie , data pabula ritè
 Hic coquit , & stomachi constanti robore gaudet. 325
 Tunc varios valido pulsantia parjete vasa
 Humores subigunt , tunc sanguinis optima crais ,
 Nervosoque viget generosum corpore robur.

Perspira-
tio. TERTIA jam supereft princeps secretio versu
 Pertractanda mihi , dicendum carmine quantum
 Diruat , aut firmet bona perspiratio vires.
 Hæc varios inter latices , qui corpore toto
 Undique multiplici manant ab origine , multum
 Corporeum mutat diffuso flumine robur.
 Nempe per innumeros stillans cutis unda meatus , 335
 Lumina quam nequeunt mortalia cernere visu ,

Quæ vix conspicuum superat tenuissima rorem ,
Sæpius exundat tam largo fonte vaporum ,
Corporis ut cunctos superet collata liquores.

340 Sedulus hunc laticem certâ librare bilance
Tentavit quondam longâ Sanctorius arte.
Nec mora , suspensâ sese concludere librâ
Audet , & insulsos stultorum spernere risus :
Panda fuit multos Musæum libra per annos ,
345 Quâ , velut excelsâ spectans sublimis ab arce ,
Naturam ad justæ trutinavit pondera lancis.
Jamque cibos , potumque , ingestaque cuncta sta-
terâ

Ponderat , & simili expendens egesta labore
Cuncta , gradu variet quâ perspiratio multo
350 Noscit , & immoto metitur limite certus.

Hinc orbi medico nova lux affulsit , & omnes
Ignoti quondam vires patuere vaporis.

Jamque vident Medici quâ perspiratio , largo
Fonte fluens , cunctos subeat diffusa recessus ;

355 Corporis intactum quantum moderata vigorem
Servet , & infirmis mala quot mortalibus instent
Si fluat immodico cita perspiratio cursu ;
Aut suppressa cutis nequeat penetrare meatus.

Nempe nimis laxâ exhalant si pelle vapores ,

Perspiratio
nimia.

360 Avolat e toto sensim nutritius humor
Corpo, nectareo fraudantur viscera succo ,
Exhaustumque perit languens sine robore corpus.

Perspiratio
Soppreſſa.

Si contra aſtriecto perspirans unda canali
Supprimitur, modicove exhalat pauca vapore;
Acrior interius laſſo concluditur humor

365

Corpore, per patulos pellis pellendus hiatus,
Viscera corrodit, variasque putredine partes
Undique corrumpit; numeroſo hinc agmine morbi
Exſurgunt, oriturque cohors miseranda malorum.

Jamque putrefienti nimis obruta vasa redundant 370

Colluvie, infarctoque tument obſtructa liquore

Viscera, ſic oritur Skirrus, ſic ſæva dolorum

Ilias, & tacito prorēpens tramite funus:

Aut ſi morborum felici ſemina niſu

Tu victrice quandoque foras Natura propellis,

375

Jam ſcabie & fædâ pellis prurigine ſquallet,

Turpiaque informem deturpant ſtigmata vultum,

Tantūm ſola potest miſeris inferre malorum,

Si non affiduo cita perspiratio fluxu

Avolat, aut ſtrictis in pellis hiatibus hæret,

380

Tot mala felici medicus depellere tentat

Arte, ſalutiferoque juvans mortalia prudens

Corpora confilio, juſto moderamine victum

Monita ci-
ca perſpira-
tionem.

Sic regit, ut certos non perspiratio fines

Transeat, at firmam ſervet moderata ſalutem.

385

Inde tibi validas ſano ſi corpore vires

Servare eſt animus, nimio non impete membra

Exagites, calidoque nimis non corpus amictu

Exonerare velis; pellis numeroſa relaxat

390 Oscula , sudoremque potest accersere motus ,
 Quem tristis sequitur defesso corpore languor .
 Aspice compositâ saltantes arte puellas ,
 Quàm celeri sese tollunt super aera motu ,
 Quàm pulsant agili terram pede , quàm micat ar-
 dens

395 Membrorum vigor , & juvenili corpore robur !
 At modò laxatis largus fluit undique fibris
 Sudor , & infringit stillanti rore vigorem :
 Quæ priùs ignito florebant ore puellæ
 Exanguem referunt pallenti fronte colorem ,
 400 Languida torpescunt morboſo lumina viſu ,
 Et motu defessa ægro vix membra trahuntur ;
 Dum contra recreat vires , redditque vigorem
 Pacatus stillans tepefactâ de cute sudor .

N E C minùs enervant corpus , fibrasque rela-
 xant

405 Pelliceæ vestes , variæque parentibus artes
 Ignotæ , queis nunc ætas ignava nepotum
 Frigora regali tentat propellere luxu .
 Corpora quî possent moderato nostra liquores
 Exhalare suos fluxu , dum membra foventur
 410 Velleribus , vastisque diù fornacibus ardent ?
 Te tamen algenti nudatum exponere pectus
 Non vellem Boreæ , aut posito velamine nudum
 Incautè hybernis offerre aquilonibus , omne

Frigore qui subito possent constringere corpus,
Pellendosque foras nimiūm cohibere liquores.

415

At servare modum ætas nostra improvida nescit,
Dumque foci nimiūm fervent ardore parentes,
Nudus sæpe puer brumalia frigora captat:
Tanta Parisiacam cepit dementia gentem!

Tu compos animi, cui non penetralia mentis
Turbavit novitatis amor, qui non sine normâ
Æmulus Anglorum sectaris sedulus artes,
Hoc teneas animo, NE QUID NIMIS, omnia nam-
que

420

Terrigenis extrema nocent, fluxûsque salubris
Per tubulos pellis possunt pervertere cursum.
Quod si pacatam justo moderamine vitam
Sic regis, ut facili venter data pabula nisu
Concoquat, ut vigeant moderato membra labore,
Nec nimiūm turbent diversa pathemata mentem,
Justa fluet placido benè perspiratio cursu,
Et facile corpus nocuam exhalabit amurcam.

425

430

Alia ex-
creta.

CÆTERA quid referam, quæ toto e corpore ma-
nant

Multiplici excrementa viâ, tenuemve salivam,
Aut quod multicavo nares e fonte profundunt
Pingue serum, aut lacrymas amplis quas tristia ri-
vis

435

Lumina cum gemitu stillant, flavumque cerumen

Sedula quo patulas aures Natura perunxit,

Irroransque cutem viscoſo glutine ſebum;

Quæ nimio fecernuntur ſi gurgite, corpus

440 Extenuant, amplectus exſiccant viſcera fluxu,

Dum ſuppreſta graves poſſunt accerſere morbos.

Hi quandoque tamen largo ſi fonte liquores

Præcipites vario manant e viſcere, prudens

Torrentem valido nunquam medicamine fiftas.

445 Sæpe ſalutari tentat Natura labore

Spiffatis nimium ſuccis oppreſſa levare

Viſcera, præſentesque crifi prævertere morbos.

Aſſecla naturæ medicus, fidusque minister

Hujus opus nunquam tentet turbare, ſed ipſi

450 Auxiliatrici ſatis eſt ſuccurrere dextrâ.

Nec metuenda adeunt ægri diſcrimina, ſanguis

Si fluat, aut ample dimanent fonte liquores.

Sola timenda manet, resolutis viribus, ægri

Debilitas, facili ſenſim tollenda labore;

455 Dum contra perſæpe gravi languentia labē

Viſcera corrumpunt, & lento funere corpus

Conficiunt fallaci humores arte retenti.

JAM ſatis auſteras Pindi per devia Muſas

Venus.

Carmine diſſicili ſequimur, triftesque recessus

460 Luſtramus, miſeris quærentes dulcia rebus

Subſidia: ecce mihi ante oculos ſe pulchrior ultrō

Objicit, & formâ captûm gratoque lepore

Abdita naturæ Venus in penetralia ducit.

Te sequor, alma parens; tu quæ mortalibus ægris
Lætitiam, verosque paras sine clade triumphos; 465

Quæ renovas sævo collapsas funere gentes

Igne sacro, & puris accendens pectora flammis.

Tu genitrix, tu blanda parens, spes una labantis,
Diva Venus, naturæ, cuius numine summo

Cuncta renascuntur tristi detrita senectâ 470

Corpora, & instabilis semper Natura perennat;

Tu, quæ cuncta regis jucundâ animantia lege,

Et totum, Regina potens, das jura per orbem;

Tu rabidos lenire Tigres, tu colla Leonum

Efferâ sola potes docili submittere fræno, 475

En sacrî astant pedibus, lambuntque trementes:

Te dominam venerantur Aves, te monstra per
æquor

Ignibus indomitis gelidâ agnovere sub undâ;

At tu naturæ dum mollia jussa capessis,

Dumque colunt matres puro tua numina thure, 480

Illos indignata fugis tibi qui impia dona

Audent vulgivagâ incensi tentigine ferre,

Et tua lascivo temerare altaria cultu;

Hos tantum, pudibunda Venus, dulcedine verâ

Mulces, qui castos puri sectantur amores. 485

Ætas Ve-
neri apta.

NEC satis: at Veneri non ætas quælibet apta;

Ac veluti Martis duros tolerare labores

Non

- Non ætas primæva potest , nec lenta senectus ,
Sic juvenes , firmâque viri virtute vigentes
490 Soli crebra valent Veneris certamina inire.
Quin certis prudens signis Natura notavit
Tempora , queis primùm optato conjungere pos-
sunt
Connubio sese juvenes , Venerique litare.
En pubertatis juvenili in corpore signa
495 Prima micant , tacitoque virum Natura labore
Perficit : arguto quæ vox stridore sonabat ,
Rauca cavas implet forti cum murmure fauces.
Jamque pili densâ velant genitalia pube
Organa , quæ nunc , infueto stimulata calore ,
500 Proliferum largo diffundunt imbre liquorem :
Sentit inexperto juvenis sibi pectora sensu
Flagrare , atque novos , jam non puer , optat amores .
Interea paribus virgo fervoribus ardet
Junior ; huic tenero assurgunt in pectore mammæ ,
505 Rara tegit molli velo lanugo pudenda ,
Maturamque viro stillantia menstrua monstrant.
Non tamen hos properes thalamo sociare jugali ;
Spermate nam tenerum corpus turgescit aquoso ,
Molliaque imbellem generarent viscera prolem .
510 Concubitum pariter fugiat rugosa senectus ,
Ni velit e thalamo properans descendere in or-
cum.
Ecce senex annis curvus , fractusque catharris

Formosam socio juvenem sibi fœdere jungit :
 Huic defunt vires , nullâ hunc succendere tædâ
 Divus amor potuit , tremulo concreta gelascunt 515
 Pectora , nec Veneris poterit conscendere ad aras.
 At miserum frustra torquet malesuada libido ,
 Et quacumque viâ extinctum revocare calorem
 Nititur , assumptis herbis , acrique veneno
 Cantharidum , antiquum vult sollicitare vigorem : 520
 Hinc perit attritum corpus , maciata rigescunt
 Viscera , & instanti properat citò funere lethum ;
 Quod si fortè aliqua exhausto de conjugé proles
 Nascitur , informis , morbisque obnoxius infans
 Decrepitum redolet pallenti fronte parentem. 525

HINC juvenes Veneris vexilla sequantur adulti ,
 Lætaque ferventis subeant certamina amoris.
 Ipsamet haud semper simili fervore juventus
 Æstuat , at variis vario pro tempore flammis
 Uritur , & stimulus interdum haud sentit amoris. 530

Tempus
anni Veneri
aptum.

CÆTERA quæ totum spirant dispersa per or-
bem ,
 Non nisi temporibus coeunt animantia certis ;
 Solus homo Veneri sine lege litamina solvit ,
 Nullaque lascivus coeundi tempora servat.
 Anni certa tamen Veneri magis apta videntur 535
 Tempora , quæ vegeto succendunt robore corpus.

Cum sævo constricta gelu , glacieque rigescunt
 Corpora, languet amor, torpentque cupidinis arcus,
 Et demersa latent imo genitalia ventre.

540 Nec magis ad Venerem jucundaque gaudia amoris
 Sollicitat nimiis torrens fervoribus æstas ,
 Cum miseros ardens exsiccat Sirius agros ,
 Corporaque infringit sævo enervata calore.
 Ast ubi , vere novo , recreata tepentibus auris

545 Membra valent , vegetoque viget Natura vigore ,
 Aut Canis ardentes ubi defervere calores
 Incipiunt , iterumque , priùs sicca , arva virescunt ,
 Grataque cum cæli reficit jam corpora cuncta
 Temperies ; tunc corda novis mortalia flammis

550 Sollicitat redivivus amor , tunc robore pollut
 Membra novo , & turgent generosis viscera succis.
 Vere suos cantu volucris modulatur amores ,
 Vere litat Veneri fera quæque , Hircusque Capel-
 lam ,

Et Vaccam sequitur Taurus , quæritque Leænam

555 Indomitus Leo ; tunc celebrant connubia læta
 Undique per varias diffusa animantia terras ,
 Et toto Natura sinu tunc spirat amorem.

Quin etiam immotis defixi sedibus ardent
 Igne novo , & dulci jungunt se fœdere flores :

560 Mascula fæmineum fœcundant stamina florem
 Pulvere prolifico , tacito pistillus amore
 Panditur , & sese notâ sibi lege maritant.

Tanta fuit vernæ Veneri concessa potestas !

Ergo age naturæ sapiens præcepta sequaris ,

Et castæ prudens Veneri libamina solvas ,

Dum recreat cælum moderato membra tepore.

565

Quo diei PRÆTEREA , firmum si vis servare vigorem ,
tempore co- Hæc semper tibi sit coeundi regula certa ,
cundum.

Ut, stomacho dapibus vacuo , nimiūmve referto ,

Conscendas nunquam imprudens altaria amoris. 570

Scilicet esurie languet si venter inanis ;

Sicca salutifero sanguis non vasa liquore

Alluit , & solitum non fundunt rore vigorem

Stamina nervorum vegeto vix turgida succo.

Torpet iners impasta Venus , nec spermate pollet 575

Dives abundantि , jejuno viscere , corpus.

Si contra stomachus nimiâ sub mole ciborum

Opprimitur , lentoque coquit data pabula nisu ,

Tunc Venus enervat vires , stomachique labentis

Munia perturbat ; manet indigesta ciborum 580

Materies : vomitu felix qui reddere possit

Hærentem , fluxove resolvere ventre prementem.

Quin etiam , incertâ quem cæcum lege voluptas ,

A vino atque epulis , ferventem traxit amore

Connubia ad foeda & sævi discrimina lecti , 585

En medios inter nixus mors occupat atra ,

Eque thoro præcps tendit revolutus ad orcum.

Ast ubi ritè sibi commissa cibaria coxit

580

585

Non nimirū vacuus venter, solemnia amoris
 590 Tunc celebrare licet, Veneri sua solvere vota
 Tunc juvat, & dulci tutò se jungere nexu.

JAMQUE vides quænam Veneris sint tempora
 ludis
 Aptam magis, firmam si vis servare salutem.
 Hoc unum supereft, animi compescere motus
 595 Et sic ferventes cohibere libidinis æftus,
 Ut nimio nunquam coitu tua viscera lasses
 Infipiens, fractoque enerves robore corpus.
 Non tamen una regit mortales regula cunctos;
 Quot sunt dissimiles vultus, tot membra vigore
 600 Dissimili variant; hunc infirmum una fatigat
 Fœmineo profusa thoro libatio rara
 Spermatis, ast illi nullo discrimine possunt
 Terque quaterque thorum largo irrorare liquore.
 Tu quem sola regit ratio, nec cæca libido
 605 Sollicitat, justo teneas moderamine amorem,
 Ut, medios inter lusus Venerisque lepores,
 Incolumi serves robustum pectore corpus.

SCILICET immodicis quos effrænata libido
 Exagitat stimulis, petulantique igne laceffit,
 610 Undique languentes miseranda incommoda vexant.
 Prima perit præstans specioso corpore forma,
 Deficit oris honos, quo frons formosa nitebat:

Quot vici-
bus Veneti
indulgen-
dum.

Veneris im-
modicæ in-
commoda.

Fracta oculorum acies torpet , cava lumina lan-
guent ,

Calvitiesque caput deturpat vertice nudo.

At dolor interea lumborum torquet acutis

615

Viscera tormentis , tristi genitalia labe

Flaccida languescunt , & quæ prius Hercule digna

Attenuata jacet , meritâ pars tabe peresa.

Quin mala terribili miseros circum undique surgunt

Agmine , non solito venter sua munia nisu

620

Exercere valet , vexant effeta catharri

Viscera , & arentes secat artus sœva podagra.

Nec minùs exsuccus subverso pectoro pulmo

Plectitur , & lentâ consumptus tabe putreficit.

Quin etiam sedes animæ , penetralia mentis

625

Ipsa , salutifero spoliatum rore cerebrum

Deficit , atque animi nutat priùs integra virtus ,

Quoad, celeri properans pede, præmatura senectus

Imponat morbis , præviso funere , finem ,

Et moriens serò nimis execretur amores.

630

Veneris mo-
deratæ com-
moda.

AT tu blanda parens, hominum jucunda voluptas

Casta Venus , puro recreas quæ mæsta lepore

Pectora terrigenum, miseris quot commoda præstas,

Si tua prudenti venerantur numinæ cultu !

Nempe supervacuus coitu dum pellitur humor ,

635

Quidquid inest nimium fluidi , rediviva catharri

Materies , pigroque exundans corpore lymphæ


Avolat, atque agiles sublato sublevat artus
Pondere : sic stomacho vigor additur, ampla ci-
borum

- 640 Materies, facili ventris concocta labore,
Firmat abundantia turgentia viscera succo.
Hinc vegetum corpus, virtus hinc vivida mentis,
Hinc vigor optatus generosâ fronte coruscat.
Nec tantum Venus invictam moderata salutem
- 645 Servat, at innumeros certo medicamine morbos
Sæpe fugare potest, jucundâve arte levare.
Aspice pallidulâ liventem fronte pueram
Quam tacito miseram febris depascitur igne,
Quam languore premit sensim Chlorosis inert;
- 650 Quot varia infirmum corpus symptomata torquent !
Sæpius obstrictas claudit convulsio fauces,
Subsultuque gravi trepidantia membra tremiscunt;
Nunc, percussa velut violento fulminis ictu,
Deficit, & vitam subitò exhalare videtur
- 655 Nunc stomachus languet falsâ vitiatus amurcâ,
Absurdaisque dapes, terram cretamve tenacem
Appetit, aut virides gaudet depascere fructus.
At tumet interea facies, labra marcida pallent,
Lumina livecunt, oculorum concavus orbis,
- 660 Et tremulo motu vox intermissa labascit.
Hæc, matura viro, socio se fœdere jungat
Virgo, brevì vegeto fulgescunt albida vultu
Lilia mixta rosis, redivivo membra vigore

Assurgunt, pulchramque ostentant corpore formam:
 Nunc micat egregio præstans splendore puella, 665
 Quæ, priùs exanimis, tristem properabat ad orcum,
 Vitalemque afflat Venus ipsa in pectore flammam.
 Dulcia non ergo casti formidet amoris
 Vincula, nec blandos fugiat sapiens hymenæos,
 Qui tristem placido recreant solamine mentem, 670
 Et vegetum servant pura inter gaudia corpus.
 At vos, illustres animæ, quas nobilis ardor
 Evehit ad cælum, queis virginitatis amorem
 Relligio & magni mens altè conscia voti
 Persuasit, fugite urentis quam gratia vultūs 675
 Commendat, tenerisque amor insinuatus ocellis.
 Sæpius illudens falsæ pietatis imago
 Egit præcipites, latuit sæpe anguis in herbâ;
 Nec Bacchum, aut epulas unquam, me judice, lætas
 Sectari liceat, duro contundite victu 680
 Corpus & assiduis animi compescite motus
 In studiis, ut mens acri firmata labore
 Despiciat terram, cælique se in intima condat.

Finis Libri Sexti.





LIBER SEPTIMUS

DE ANIMI PATHEMATIS.

PA R S hominis duplex diversâ ab origine surgit;
 Altera sublimis cælo , trahit altera terrâ
 Principium ; hæc moritur , perstat prior inscia fati.
 Quæ socio partes maneant si foedere junctæ ,
5 Vivit homo , sanus si stet concordia firma :
 At si solvantur connubia , vita recedit ;
 Si perturbentur , denso volat agmine morbus.
 Has quondam certas statuit miro ordine leges
 Cælicolum rector , summo cùm numine gentem
10 Condidit humanam , atque animam cum corpore
 junxit.
 Jussit ut in corpus possent sine corpore mentes
 Imperium exercere suum , motusque ciere.
 Mens jubet ; immenso dispersos ordine nervos
 En levis aura subit , fibrarum massa movetur ,
15 Ponderaque attollit contractu grandia parvo.
 Mentis ad arbitrium subitò concussa trahuntur
 Membra, manus pulsat, currit pes, lingua tremiscit ,

Et vario sonitus reddit modulamine guttur.
 Nulla mora est: pyrio non tam citò pulvere glandes
 Compulsæ tenuem diffindunt aera cursu. 20
 Nec minùs ætheream vario movet impete mentem
 Corpus, & impellit dominam pars subdita partem.
 En tenues nervos pulposaque stamina pellis
 Percutit & diro discerpit vulnere cuspis;
 Percipit anxia mens sævi tormenta doloris, 25
 Languida sæpe jacet, tantisque doloribus impar,
 Deficit, infestâ divulsi cuspide fibris.
 Corporeas contra fibras externaque sensûs
 Organa titillet blando moderata voluptas
 Succussu, placidam perfundunt gaudia mentem, 30
 Quæ mærore priùs languens oppressa jacebat;
 Arctis mens adeo cum corpore nexib⁹ hæret!
 Hos tenues nexus obscuraque vincula quondam
 Detegere, & rerum mysteria pandere frustra
 Tentavit mortale genus, nostræ abdita menti
 Hæc animæ compago latet, semperque latebit. 35
 Jamque ruunt celebrata diù systemata, nobis
 Unica tantarum manet ignorantia rerum.
 Ergo age, naturæ arcanos mea musa recessus
 Linquat, & obscuro deflectens tramite, mentis 40
 Imperium celebret, quantumque pathemata possint
 Corporis effœtum nimis heu dissolvere robur.

- Affectus animi , vario quām corda tumultu
45 Discrucient , cantu quis vates pandere posset ?
Nerveā nunc rapido velut impete machina pulsā
Concutitur , lento nunc motu tracta movetur :
Nunc impressa semel constans manet actio fibræ
Et diuturna viget , leviter modò tacta tremiscit
50 Fibrarum gracilis moles , subitōque quiescit.
Nonne vides agili cytharæ dum pollice chordæ
Plectuntur , vario quām motu singula vibrat.
Crassior illa graves sonitus , lento acta tremore ,
Reddit , at argutis pungunt clangoribus aures
55 Qui tenues trepido subsultant ordine nervi.
Corporis haud aliter diverso robore gaudent
Stamina , sic varium pro mobilitate tremorem
Concipiunt , fremituque animæ penetralia pulsant.
Aspice pallenti fulgentem fronte puellam ,
60 Quām graciles artus , tenui quām pelle teguntur
Membra , stat arrectum constricto pectore corpus ,
Procerumque refert depresso abdomen juncum.
Sensibilis huic fibræ subtilia stamina quantūm
Mobilitate vigent , quantūm res quæque tenellam
65 Afficit , & miseram tetris cruciatibus angit !
Rusticus at contra , cuius , firmata labore ,
Nativum assiduè servarunt membra vigorem ,
Qui validos duro protendit pectore nervos ,
Vix animo rabidi sævissima tela doloris
70 Percipit , immotam vix ulla pathemata mentem

Sollicitant, placidâque avellunt effera sede:
 Ast accensa semel fixis radicibus hærent.
 Sic, prout dissimili constant compagine nervi,
 Distorquent miserum diversa pathemata corpus.
 Illa quidem innumeris variant larvata figuris, 755
 Nec plures pelagi numerantur littore arenæ,
 Nec tot apûm populoſo alvearia tegmine condunt
 Millia, quot motus noſtra undique pectora vexant.
 Longa tamen series capita ad nonnulla refertur,
 Ordine quæ ſignent numeroſa Pathemata certo. 800
 Quotquot enim humanas urunt incendia mentes,
 Vel mærore premunt animum, vel dulcia fundunt
 Gaudia, res animus gratas tunc lætus amore
 Proſequitur, fugit ingratis, odioque repellit.
 Proſequar hinc cantu quos motus gaudia noſtræ 850
 Concilient menti, quantùm diuturna dolorem
 Mæſtitia, & quanto mortalia corda tumultu
 Sæpe agitet vefanus amor, qualeque furore
 Sæpius afficiant tremulos odia aspera nervos.

Gaudium. LÆTA tibi festivam agitant ſi gaudia mentem, 900
 Si fortunato tibi proſpera fydera fulgent,
 Nervea ſubſultant grato concuſſa tremore
 Stamina, firma vigent insueto robore membra,
 Totaque perfuſas ſentit ſibi machina vires.
 Sæpius inde novum robur ſic addere norat 950
 Militibus Cæſar, dum numina fauſta diſerto

Eloquio spondet , verbisque potentibus addit
Munera , quæ gratâ mentes dulcedine mulcent.

Haud aliter Gallis virtus nativa videtur

100 Crescere , dum LODOIX percurrens agmina , vultu
Gallorum recreat bene amatus corda paterno.
Jamque novo miles exultans robore pollet ,
Densasque Anglorum fundens magno impete turmas
Fontenia illustrat celebratis arva trophæis.

105 Temperat ardorem LODOIX , pacemque triumphis
Jungere amans , nutu totum regit arbiter orbem.
At dum succusso firmantur stamine fibræ ,
Nervea dum celeri diffunditur undique cursu
Lympha , citato agitur fluxu per vascula sanguis ,
110 Et quicumque solet manare e sanguine succus.
Hinc omnis toto facilè secernitur humor
Corpore , fana viget vario pro viscere quæque
Functio , jamque valet constanti robore corpus.

AT contra confecta gravi mens anxia luctu

Tristitia.

115 Langueat , & tristes animos dolor occupet , auræ
Inde retardatur vitalis per loca cuncta
Circuitus , tardo quassantur languida motu
Stamina nervorum , solito nec robore pulsus
Sanguis in effætis vasis concrescit & hæret.

1120 Nec satis : at vario diffusus viscere succus
Viscidior , spissescit adhuc ambage locorum ;
Nulla fere toto fit corpore functio , languent

Organa , consumptos macies depascitur artus.

Vidi ego , & horresco referens , cùm fervida quoniam

Delicias populi Regem , gentisque parentem 12
Tolleret in medio LODOICUM flore juventæ
Febris , & optatos vellet cohibere triumphos ;
Vidi Gallorum fævo defixa dolore

Pectora , languebant oculi , color omnibus unus
Pallidus , & macie deformia membra trahebant. 130
Supplicibus cælum interea compescere votis
Tentat Gallica gens , gemitu nunc templa resultant
Multiplici , nunc plebs mærore oppressa filescit.

Debilis ipse infans querulis vagitibus auras
Implet , & ad cælos innoxia brachia tendens , 135
A superis Regem lacrymosâ voce reposcit.
Flectitur omnipotens ; precibus de vertice olympi
Annuit , & mæstis fulget spes reddita Gallis.

Jamque vigor populis novus additur , omnia spirant
Lætitiam , gentemque vides cum Rege renasci : 140
Una salus tantùm potuit conferre bonorum !

Effectus lætitiae & mæstis. NUNC tibi lætitiæ varios , variosque doloris
Si juvat effectus justâ explorare bilance ,

Inspicies quantum ad vires firmamque salutem
Lætitia , & tristi profit mens libera curâ. 145

Namque salus certa , & nostri viget integra virtus
Corporis , incolumi cum viscere functio quæque

Perficitur , facilèque fluunt per vasa liquores.

At spissis mærore liquoribus , ampla malorum

150 Ilias exoritur , macies occultaque febris ,

Lentâque infarctus depascens viscera tabe.

Tanta melancholici sæpe agmina tetra dolorum

Percipiunt , & quos animi premit anxius angor !

Aspice mærenti quem vexat pectore bilis

155 Atra , ut membra rigent , facies ut lurida pallet ,

Quantùm extincta oculorum acies , orbisque cavatus ,

Quàm fædum pellis flavedine tincta colorem

Induit , exsuccos marcor quantùm occupat artus !

Hæc externa patent oculis symptomata , major

160 Intus sæva latet labes , quæ viscera cuncta

Corrodit , stomachus sublato robore languet ,

Non alimenta coquunt densatis ilia succis ,

Non spissata fluit tumefacto ex hepate bilis ,

Nulla fit , aut torpet digestio tarda ciborum.

165 Hinc tumidâ flatus dense glomerantur in alvo ,

Nec facilè erumpunt ; sed diris intima vexant

Torminibus , ructus corrupto expellit ore .

Quin sedes animæ nervis concussa labascit ;

Jam titubat caput incertum , corpusque vacillat ;

170 Sæpe vides amplos sine causâ erumpere fletus ;

Festivos fugiunt cœtus , risumque jocosque

Oderunt , in se morosum sæpe furorem

Convertunt , propriâque abscindunt viscera dextrâ :

Dī meliora piis , erroremque hostibus illum.

AT licet ad sanum corpus viresque tuendas 17.
 Conferat affectas recreans dulcedine mentes
 Lætitia , & læti profint sine crimine risus ,
 Tu caveas prudens NE QUID NIMIS , omnia namque
 Immoderata nocent : nimiâ succussa labascunt
 Corpora lætitiâ , repetito agitata tumultu 180
 Fibrarum atteritur ruptâ compagine moles ,
 Dum fluidis celeri pars subtilissima motu
 Detrahitur , tenuisque e vasibus avolat humor .
 Sic quem nulla regit ratio , quem amentia vexat ,
 Sæpe brevì juvenis media inter gaudia sensim 185
 Deteritur , tandemque exhausto corpore languens
 Præcipiti claudit festivam funere vitam .
 At sapiens , quem animi vix ulla pathemata torquent ,
 Tranquillum placidè pura inter gaudia tempus
 Ducere amat ; non hunc angit vesana libido , 190
 Non animi tacito consumit vulnere mæror ,
 Nestoreamque videt lentè properare senectam .
 Aurea cum quondam fulgebant sœcula terris ,
 Unde fuit primorum tam longæva parentum
 Vita , gravis nunquam noscens contagia morbi ? 195
 Scilicet innocuas non ulla incendia mentes
 Turbabant , virtutis amans & cultor honesti ,
 Quisque modum recti suspensâ lance tenebat .

CÆTERA nunc nostræ diversa pathemata mentis
 Si sequor , effectu primùm pollere videntur

200

Dulcis

Dulcis amor , blandique odium ferus hostis amoris. Amor & odium.
 Prosequitur quodcumque bonum mens nostra , sibi-
 que

Illa cupit totis ardens conjungere votis ,
 Unde amor , affectus & qui nascuntur ab illo.

205 At contra quodcumque malum aversatur & odit ,
 Unde odium , atque odii proles nimis improba , ter- Terror & ira.
 ror

Et rabies , stimulisque furens vehementibus ira.

Scilicet invisas sibi res vesana flagranti

Prosequitur mens nostra odio ; & si talia sentit

210 Impendens invisa sibi intentare periculum ,
 Hinc metus exoritur , trepidat formidine pectus :
 Dilectis contra rebus mens nostra potiri
 Ardet amans , votisque fovet , sibi vota secunda
 Sperat , spes oritur , miserorum dulce levamen. Spes.

215 Quid generis memorem nostri te dedecus , iram ,
 Te metuendam odii sobolem , quæ pectora nostra
 Turpiter accendis , reddisque simillima brutis ?
 Terribili hæc agitat mortalia corda furore ,

Cum mens res varias votis ardentibus optat ,

220 Et nequit optatis rebus delusa potiri.
 Tum fremit impatiens animus , jam concipit iras ,
 Oppositosque obices rabie citò percitus horret.

ILLA quidem variè diversa pathemata corpus
 Afficiunt ; nunc evertunt violenta vigorem ,

Nunc stimulis agitare queunt ac reddere vires.

22:

Tu dilecte , mihi primis quem junxit ab annis

Dulcis amicitia , & morum suavissima virtus ,

Arte Machaoniâ celebris , carissime Lorry

Adsis , ingratumque juves explere laborem.

Tu , cujus puram vix ulla pathemata mentem

23:

Exagitant , animi mecum referare recessus

Gratâ mente velis ; jam nunc mea musa , fidelis

Consilio firmata tuo , certo ordine pandet

Quid noceat , quid profit amor , quid corpore toto

Efficiat rabies odii , quantoque tumultu

23:

Spesque , metusque , animisque furens ferventibus ira

Sæpius heu nimiùm jactent mortalia corda.

Effectus
amoris.

CONGENITUS nobis , latitans sub pectore nostro

Vivit dulcis amor , nobiscum spirat , & omnes

Motus terrigenûm impulsu regit ille potenti.

24:

Omnia jamque brevè totis animantia terris

Deficerent , oppressa gravi Natura veterno

Langueret , nî blandi innatus sensus amoris

Vitalem cunctis afflatu redderet auram.

O tu , fons vitæ , naturæ blanda voluptas ,

25:

Tu fervens animæ sensus divinaque flamma ,

Dulcis amor , quot magna potens miracula promis !

Per te nativum fera mansuefacta furorem

Exuit , & rabidos noscis lenire Leones.

Te renovata suum agnoscit Natura parentem :

26:

Ac mortale genus , cuius cælestis origo ,
Numinis effigies vivens , cui animalia parent
Cuncta , superbus homo , vitalia limina per te
Ingreditur , per te sobolem foveat , educat ardens.

255 Hinc fit ut impulsu violento quisque coactus
Ferveat ignotis flammis , humanaque lento
Corpora languescant sensim torpore soluta ,
Si stimulis non blandus amor titillat amoenis.

Hos equidem ingenitos humanum pectus amores

260 Dirigit ad varias species , diversaque rerum
Corpora , prout variâ captantur imagine mentes.
Hic pietatis amans , & servantissimus æqui
Æternum numen , totum quod temperat orbem
Omnipotens nutu , quo cuncta animantia spirant ,

265 Quod nobis animam concessit , pectore toto
Diligit , ac meritos pro munere solvit amores.
Ast alii contra , quos fœdis ignibus urit
Turpis amor , scelerisque comes vesana libido ,
Obscènam spirant impuro pectoreflammam.

270 Insitus hinc homini nativi sensus amoris
Sæpius in crimen , mutato fine , nefasque
Vertitur , infando dum mens se tradit amori.
At quemcumque homines finem selectentur amoris ,
Gaudia mens , placido semper dum carpitur igne ,

275 Percipit , & vegetas sentit sibi crescere vires.
Hinc veluti fausto recreat mortalia sensu
Pectora lætitia , & reddit moderata vigorem ;

Sic eadem festivus amor præstare valebit
 Comoda , servabitque illæso corpore robur ,
 Si modus in rebus semper teneatur , & æquo 280
 Deflectant nunquam rationis limite mentes.
 Quippe modum nisi servet amor, mens hæret amatæ
 Sæpe nimis defixa rei , illam deperit unam ,
 Hanc videt , hanc sentit , semperque in corde vo-
 lutat.

Hinc eadem cerebri semper concussa tremiscit 281

Pars , fluit ad fibras motu nervosus easdem
 Continuo succus , jugi quas impete pulsat ,
 Dum partes aliæ , vitali rore carentes ,
 Ignavo nimium torpent languore solutæ.

Hinc jacet exhaustis oppressus viribus æger , 290
 Deficit aut languet maciatis functio quæque
 Visceribus , totum tabescit corpus , & omnes
 Ignibus occultis febris depascitur artus.

Haud aliter siccum sensit tabescere corpus
 Captus amore sui quondam Narcissus , inani 291
 Dum propriæ incassum delusus imagine formæ ,
 Hæret amans , rivo semper defixus eodem.

AT non solus amor tot diris corpora damnis
 Afficit , hæc pariter potis est inferre malorum .
 Agmina , quæ nimirum intendit meditatio mentem . 300
 O vos qui doctæ colitis præcepta Minervæ ,
 Queis favet , afflatuque aspirat Phœbus amico ,

- Vos quoque diffici quos intricata Matheſis
 Detinet affixos studio, nostræ inclyta gentis
 305 Gloria, quot miseros circumdant undique morbi.
 Horrida vos macies deformat, corpora veftra
 Debilitata jacent exhaustis viribus, ora
 Deturpat pallor, consumptaque viscera languent;
 Dum mens sublimi feriens abſtruſa volatu.
 310 Sydera, tam validè concußâ ſede tremiſcit,
 Ut citò ſubvertat quaffatum amentia pectus.
 Corporis uſque adeo infringit ſapientia vires!

- NON tam præcipiti mortalia corda tumultu Spes;
 Spes agitat, placido restaurans pectora ſenu,
 315 Spes, levis affectus, mulcet quæ credula mentes.
 Illa ſalutiferos blandi conjungit amoris
 Lætitiaeque effectus, ſed mortalia leni
 Corpora concutiens motu, delectat amico
 Stamina nervorum ſemper moderata tremore.
 320 Corporis hinc recreare valet mentisque vigorem.
 Spes animo affulgens, infractos ſublevat artus,
 Afflatuque fovet languentia corda ſalubri.
 Nonne vides densis cum nubibus ingruit orbi
 Horrida tempeſtas, cælumque nigredine ſquallet,
 325 Ut deturpet agros ſtridentibus undique ventis
 Horror, & amiffo tabescat Flora decore.
 Jamque ruens magno cum murmure turbidus imber
 Diruit optatas ſegetes, Cerealia dona,

Diffusis telluris honos subvertitur undis,
 Gramine non fulget campus , non frondibus arbor , 33^c
 Arescunt violæ , pereunt & lilia pratis :
 Sol redit , & nimbos felici flamine pellens
 Optato recreat Zephyrus jam rura nitore :
 Induit antiquum tellus renovata decorem :
 Læta novis fulget per sylvas frondibus arbor , 33^b
 Assurgunt violæ , redeunt & lilia pratis.
 Non aliter mentes hominum spes alma sereno
 Sublevat impulsu , & rebus solatur in arctis.
 Illa graves minuit curas , hæc sola coloni
 Membra fovet duro messis defessa labore : 34^a
 Quin & lethiferi media inter tormina morbi ,
 Cum jam fatali procumbit frigore corpus ,
 Erigit hæc animum , & morientes sustinet ægros.
 Ferrea cum primùm miserandis sæcula terris
 Incubuere , citò sævi contagia morbi , 34^b
 Pestisque & rabies , febris , genus omne malorum
 Pyxide Pandoræ referatâ fletibus orbem
 Implorunt ; gemitu amissum dolet ille parentem ,
 Hic fletu repetit fratrem sibi funere raptum
 Præcipiti , lacrymas discerpto e pectore fundit 35^a
 Mater , cui juvenem rapuerunt funera natum ,
 Delicias matris natum , solumque parentis
 Solamen , proprio lactavit quem ubere mater.
 At dum tetra cohors sævo circumvolat orbem
 Agmine , & exagitat mortales turba malorum , 35^b

Spes , sic fata jubent , imâ conclusa remansit
 Pyxide , spes , miseris mortalibus una superstes ,
 Quæ jactata mialis mortalia corda levaret.

DILACERANT hæc contra odium , furor impro- Odium ,
 bus , ira , furor , ira .

- 360 Terribiles animi affectus , ab origine nati
 Communi , diverso tantùm ardore furentes.
 Ordine nam nullo , motu crescente liquorum
 Per cerebri fibras & mollia stamina , nervi
 Præcipiti nimiùm subsultant impete pulsū;
- 365 Jamque tremor , toto convulsis corpore fibris ,
 Viscera tensa quatit , contractos occupat artus ,
 Viribus & magnis trudit per vasa liquores.
 Principium interea vitæ , purique cruoris
 Viva scaturigo , dimanant unde liquores
- 370 Multiplici influxu per nervos vasaque cuncta ,
 Cor fibris subitâ contractis fortius irâ
 Pulsat , & in costas repetitos verberat ictus.
 Nec satis : at dum mens furibundas concipit iras ,
 Visa fuit cordis violento verbere pulsa
- 375 Costa , e nativâ paulatim sede moveri ,
 Fibrarumve adeo ruptâ compagine frangi.
 Hinc dum præcipiti cordis salit Anthlia motu ,
 Vortice devehitur celeri crux , objice rupto ,
 Lymphales penetrat venas & non sua vasa ,
- 380 Sanguineique infirmo infarctus corpore surgunt.

Jamque genas rutilus color inficit , emicat ardens
 Rubro acies oculorum deturpata colore ,
 Oraque stagnanti livent suffusa cruce.

Talem dementi quondam Telamonius heros
 Accensus rabie , spiravit corde furorem.

Pristina quæ vultu Ajacis fulgere solebat ,
 Augustâque micans latè splendescere fronte ,
 Majestas cecidit , generosi evanuit omnis
 Oris honos , non jam spirant animosa vigorem
 Lumina , quæ Troes quondam terrore movebant. At teturum rabies deturpat lurida vultum ,
 Lumina scintillant diro succensa furore
 Intentantque necem torvo minitantia visu.

385

390

400

405

NON minor interea vexat turbata tumultus
 Viscera , quippe eadem pervadit ad intima labes , Ægraue flagranti pessumdat pectora tabo.
 Corpore nam toto vehementi vascula spasmo
 Stricta rigent ; subito contractis undique fibris
 Vena capillaris , tenui quæ stamine constat ,
 Quæ totos vario flexu dispersa per artus
 Subtilem exili diffundit fonte liquorem ,
 Clauditur , admissamque negat transmittere lym-
 pham.

Hinc fit ut obstructos spasmo strictosque meatus
 Repperiat crux appellens , nec possit in arctos
 Trudere se ramos ; hinc arent organa , plenis

- Interea , quæ sunt majora volumine , vasis ,
 Dum ruit in magnos celeri crux impete truncos .
 Nascitur hinc calor internus , dum vasa liquorum
 Perpetuo affictu fervent , trituque calefcunt
 410 Viscera ; sic brevior vexat præcordia febris .
 Ergo servandæ supereft cui cura salutis
 Sic placidam teneat justo moderamine mentem ,
 Ut non terribiles iræ , non tetra furoris
 Spicula sollicitent animum , aut si pectora turbat
 415 Incauto rabies stimulisque furentibus ira ,
 Convulsos blando laxet medicamine nervos .
 Tunc alimenta nocent , quæ falsis acria pungunt
 Particulis , & quæ condito fœta sapore
 Sanguinis accelerant cursum , stomachumque doloso
 420 Sollicitant stimulo , furibundis grata venena .
 Nervorum illa queunt vehementem augescere spaf-
 mum
 Exustumque citò flammis succendere corpus .
 At contra prosunt leni sedantia gustu
 Pabula , quæ nervos blando mucore relaxant ,
 425 Largus aquæ potus tepidæ , pultesque farinæ ,
 Quæ nimis expansos possunt densare liquores .
 Nec minùs astricatos fausto lenimine nervos
 Balnea demulcent , recreantque tepentibus undis ;
 Non ea queis corpus gelidâ perfunditur undâ ,
 430 Quæ tensas possunt constringere frigore fibras ;
 Hæc tantum insanis prudens medicina paravit .

Namque ubi discordant nervorum stamina , menti
 Pinguntur vanæ species , cerebroque furenti
 Imprimitur male sana lues ; tunc sæpe furentes
 Vincla recusantûm fremitus compescere nullâ 435
 Arte valet Phœbus ; gelidâ conspergere lymphâ
 Profuit insanos , ut mens percussa quietem
 Conciperet , frigusque citum constringeret arctè
 Vasa redundanti turgentia sanguinis Østro.
 Hæc ratione carens , mentisque hæc eligat impos 440
 Balnea , vel timidâ muliercula credula mente
 Quæ novitatis amans verbis captatur ineptis.
 At sapiens medicus , rigidi servator honesti ,
 Qui naturæ æquo sequitur vestigia gressu ,
 Subdola fallacis longè mendacia vitet 445
 Artis , & astrictos gelidâ vexare recusans
 Undique conspersâ nervos , has linquat agyrtis ,
 Quos non dicit honos , non virtus candida , fraudes.

Metus.

UNICA nunc supereft tractanda affectio mentis ,
 Nempe metus , subitâque premens formidine terror. 450
 Ac velut impatiens nostræ nocet ira saluti ,
 Sic valet oppositâ terror ratione nocere ,
 Imbellisque citò confringere corporis artus.
 Nervea quippe metu validè convulsa movetur
 Machina , mox solitos cessat perterrita motus.
 Sistitur hinc fluidi per nervea stamina cursus ,
 Sistitur & fluxus , cerebro feriante , crux;

455

Et quot sanguineo manant e fonte liquores,
Quique salutifero restaurant viscera succo,

460 Immoti stagnant strictis formidine vasis.

Nam terrore rigent trepidanti corpore fibræ,
Immotique manent artus, vox faucibus hæret,
Dum gelido spissus concrescit pectore sanguis.

Nonne vides miseros subito terrore paventes,

465 Ut tremor exangues concussibus atterit artus,

Ut trepidat spirans afflatu pectus anhelo,
Ut saliens costas celeri cor verbere pulsat!

Frigida liventi quàm pallent ora colore,

Quàm gelidus toto distillat corpore sudor,

470 Semianimes rigido vitam exhalare videntur

Pectore, quin, fluxu interdum cessante cruxis,

Præcipitem subeunt inopino funere mortem.

At si non Stygias subitò detrudit ad umbras

Terror, inexhaustis saltem mæroribus angit

475 Corpora terrigenū, subvertit corda tumultu,

Consuetosque valet fluxus cohibere liquorum.

Heu nimiùm Medici norunt quæ inferre malorum

Agmina sollicitâ possit formidine terror;

Sexus & imbellis miserando hæc comperit usu,

480 Dum percussa metu sentit sibi menstrua virgo

Desicere, & trepidans oppresso pectore anhelat.

Jamque gravi patitur stomachus sub pondere pres-

fus,

Flatibus & turgens inflatâ mole tumescit;

Fit strepitus ventris , distentâ volvitur aer
 Alvo , mentiturque globi glomeramine motum. 485
 Interea clavo veluti defixa trabali
 Compages capitis dolet , atro lumina livent
 Sanguine , convulsique rigent sine motibus artus :
 Quæ priùs insigni fulgebat fronte puella ,
 Nunc vultu tremebunda refert exangue cadaver. 490
 Hos parit effectus terror , sic ipsa labascit
 Vita metu , & læsæ titubant penetralia mentis.
 Felices nimium illi , queis Natura benigna
 Immotum tribuit , quod nulla pericula terrent ,
 Ingenium , expertemque omni formidine mentem. 495
 Tranquilli ducunt protractæ tempora vitæ ,
 Et vegetas servant robusto corpore vires.
 Talem Nestoreo nuper venerabilis ore
 Fontenellus ; honos gentis , properare senectam
 Sensit , & in placido fervavit corde juventam. 500
 Non illum livor , non tabes pallida movit
 Invidiæ , at rabiem spernens & inania tela ,
 Queis fortes animos indocta caterva lacepsit ,
 Expertem valuit servare pathemate mentem.

Morbi ab
animi affecti-
bus orientes.

NUNC patet affectus inter , qui nostra tumultu
 Pectora subvertunt , quantum moderata vigorem
 Gaudia corporibus tribuant , quam proficit amico
 Subsidio miseras mulcens spes credula mentes ;
 Dum rabies stimulisque fremens atrocibus ira ,

505

- 510 Aut metus & tristi defixus pectore mæror
 Terrigenūm infringunt miserandâ corpora labe,
 Attamen hos inter vario velut impete quisque
 Discrepat affectus , varius sic corpora nostra
 Dissimili ratione ferit ; violentus acutis
 515 Torminibus cruciat corpus , vertigine , febre ,
 Diversisque brevi ferventibus impete morbis ;
 Dum contra languens tacito velut exedit igne
 Viscera , serpentique exhaurit labe pathema.
 Hinc oritur pallens obstructo viscere tabes ,
 520 Congestisque tumens ægrorum venter ab undis ,
 Aut quos atra parit bilis longo agmine morbos.

- NEC minus infausto natos sub sydere dicas
 Quos , nimiūm tremulæ donatos stamine fibræ ,
 Vel levis aura movet ; dirâ formidine cæci ,
 525 Exangues , pavidi , mortem morbosque minaces
 Ante oculos spectant , & sæpe in aperta pericla
 Præcipites rapit incautos malè perfidus error.
 Hos vesano etiam correptos vortice stultæ
 Lætitiæ videoas , spes falsas , gaudia falsa
 530 Concipiunt , irasque leves , risusque procaces.
 At miseri , in tanto rerum varioque tumultu ,
 Nil mediocre vident , nil quod ratione regatur.
 Scilicet abrepti cæcâ caligine mentis
 Omnia tuta timent , nubes & inania captant.
 535 Præceptis trepidam & justo moderamine rerum

Sæpius incassum tentas compescere mentem :
 At motu sensim fibras constringere discant ,
 Et strepitus tolerare graves , & spernere mortem.
 Terga premant spumantis equi, camposque patentes
 Frigora per media atque nives pervadere tentent. 540

SIC mala, quæ miseros mortales undique vexant,
 Dum nullam servant spreto moderamine normam ,
 Illustres Medici , felici pellitis arte ,
 Infirnumque novo recreatis robore corpus.
 Jamque salutifero pulsus medicamine morbus 545
 Exulat , & vestro sensim lenita labore ,
 Fervida mitescunt Lethææ incendia febris.
 Nec satis : at metuenda lues , quæ corpora tabo
 Inficit , & vario deturpat stigmate pellem ,
 Horridus hic morbus , quo non crudelior alter , 550
 Qui tristes viduat sublatis civibus urbes ,
 Aut tetro fœdat formosos ulcere vultus ,
 Arte novâ antiquum deponit virus , acerba
 Vincere nunc medicina potest contagia pestis.
 Ac velut ingratum dimittunt mala saporem
 Insita , mansuescitque aliâ satus arbore fructus ,
 Sic defraudatur solito exanthema furore
 Insitione novâ , dum ægro de corpore sanum
 Truditur in corpus tenuis pars quantula puris.
 Non jam sublatis desertos civibus agros 555
 Gallia flet , nitidæque erectum frontis honorem 560

Non dolet antiquo resplendens virgo decore ;
Non matrona gemens viduo suspiria lecto
Fundit , & innuptæ non dicit funera natæ.

565 Interea meritas tanto pro munere grates
Persolvit , patriæ civis devinctus amore ;
Persolvunt , artisque novæ miracula pandunt,
Qui toto Medici sectantur pectore verum.

Finis Libri septimi & totius Operis.



1867 A.D.

